




Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.133/a








Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.133/a



Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.133/a



Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
CFMAGL. 1.6.133/a










1. 6. 133











B-I

CHARTAE  
PALANTES.



CHARTAE  
PALANDES

# CHARTAE PALANTES,

*In quibus*

ORATORIA, ET POETICA  
sic exercetur, vt multiplex rerum  
cognitio exhibeatur,

A PAGANINO GAUDENTIO I.C.  
*publico Eloquentiae Professore,*




Florentiae Typis nouis Amatoris Massę, & Soc.

*Superiorum Permissu. M. DC. XXXVIII.*

At the top

OMATORIA, ET POLITICA



\_\_\_\_\_





*Serenissimo Magno Duci Etruria*

**FERDINANDO II.**

*Domino suo Clementissimo.*



*Et si Celsitudinis vestra tanta sit gloria, ut qui eam se putet posse dicendo illustrare, ille eodem opere lucem soli fœnerari instituat, non tamen silendum, humili dū pareo obsequio. Nec repeto aliquot quæ contigere abhinc annos. Quid affectu, quo V. C.<sup>nem</sup> prosequitur ipse Sacratissimus Caesar Ferdinandus Tertius, fieri arctius usquam potest? ad magnū fastigiū in exercitibus extulit Principem*

cipem Matthiam, ut impavidam magnanimamq; ipsius virtutem, qua Suecos reprimat, remuneraretur. quam singulari humanitatem Ladislaus inclytus Sarmatarum Rex Archiducem Claudiam, sidereis animi corporisq; præditam dotibus, excepit ea etiam de causa, quod Mater sit Serenissima Victoria Sponsæ vestra? Nuper ingentem in omnibus plausum excitarunt Regis Catholici litteræ, quibus summo cum Imperio suis clasibus Thalassiarchæ præfecit Principem Iohannem Carolum. In Epistola, quæ præfatur, alia omittenda veniunt. quod si Europæ, imò orbis Apices sic secum C. V. gerunt, quid non agant Principes et Respublicæ, ut V. C.<sup>nis</sup> in se deriuent beneuolentiam? quam humile verò, quamq; submissi animi erit obsequium, quod reliqui, præsertim Professores disciplinarum, atq; in primis qui vestro militant stipendio, V. C. S.<sup>ma</sup> probare non sat agant? Hos inter ego, qui innumeris



IV  
meris nominibus V.C.<sup>us</sup> me obstrictum agnosco,  
hoc agere præcipue cupio; ut cum eruditis com-  
municentur libri, V.C.<sup>us</sup> gloriosum præferen-  
tes nomen, ne obliuiosus videar fuisse, & in-  
cogitans in excolendis immortalibus beneficijs,  
quæ à V.C.<sup>o</sup> profecta potuerunt, & debuerunt  
diligentiam meam, ad cogitationes non trala-  
titias inflammare. prouident ergo iam Chartæ  
Palantes V.C.<sup>us</sup> Principumq. Etruriæ, Etru-  
riæq. ipsius gloriæ dicatæ. Palabantur enim ue-  
rò ante hac, palantes propterea dictæ, iunctæ  
autem nunc sub V.C.<sup>us</sup> auspicijs, et in phalā-  
gem densatæ, robore, ut spero, non carebunt  
aduersus Psyllos, Zoilos, Momos, genus ho-  
minum vile, robustæ doctrinæ, & eruditionis  
expers, allatrans canino more quod non asse-  
quitur, quod non intelligit, fremēs, & irascēs  
illis, quos imitari nequit, quosq. imitaturum  
nunquam sperat ex tali turba si quis forte il-  
lotis pedibus, maledicendo Chartis istis, irrue-

hA

re



re tentet, quidni percellatur à V.C.<sup>nia</sup> immenso  
fulgore, ut stupens, timens AEgide Ferdinan-  
dea perstrictus atq. percussus à sensu, à seipso  
abeat. Summū Numen, Ser.<sup>ma</sup> Magne Dux,  
domine clementissime, Vestra Cels. perpe-  
tuam felicitatem, Regalemq. prolem largia-  
tur. Dabam Flor. VII. Cal. Nouembris,  
M. DC. XXXVIII.

Vestra Ser.<sup>ma</sup> Celsit.<sup>um</sup>

Humillimus, obstrictissimusq;  
Seruus

Paganinus Gaudentius.

Ad

V  
A D E V N D E M  
M V M N V M  
S E R E N I S S . D O M .

Epigramma.



*Dux magnanime, immenso dignissime regno,  
Quem Superis similem candida Flora colit,  
Ne patere, ut fugiant folia hac ludibria v̄eto,  
Aut turpi lateant semisepulta situ.  
Quin pius, Ausoniā claras qui luce benigna,  
Et Tuscos hilaras sol velut aetherius,  
Effice, ut invidia spreto molimine, Charta  
Facunda subeat lucida templa Dea;  
Sic eris Augusti semper mihi Numinis instar,  
Atq. tuum gratius nomen ubiq. canam.*

† LE-



## L E C T O R I S.



X auditoribus non paucos, sparsim legi, vagariq. mearum orationum poeticarumq. scriptionum aliquas, quammolesse ferre cum quotidiano prope conuitio aliquandiu audiuissem, putavi tandem par esse, vt in agmen me duce irent, & se quasi centuriarent. accessit grauitas morbi, qui totam me exercuit æstatem, coegitq. non semel de colligendis cogitare sarcinulis. In quo conflictu, dolebam, fateor, sic deferenda oratoria poeticaq. meditata, vt meum post obitum disiuncta forent viribus caritura. quando verò Cœlitum benignitas ægro à corpore depulit imbecillitatem, tristifica illa cogitatio sic me subinde vellicauit, vt quamprimum editionem maturauerim, languere licet, nondumq; firmo incedere in pede. En ergò tibi, beneuole Lector, laborum in dicendo scribendoque qualecumque specimen, quod cum exiguum esse ipse probè dominorim, ignosces tamen euulganti, cum publici muneris, quo fungor, ratio socordiae me non sinat indulgere, sint quamuis pleriq; etsi publicè doceant, posteritatis futurorumq. temporum incogitantes.

tantes . Meꝯ verò tenuitati non nego nihil esse antiquius, quā dare operam, ne ingruente morte moriar omnis . Cui desiderio si ambigerem te fauere, peccarem in eam opinionem , quam etiam de mediocribus hominibus habere æquum est . vt iam sperare omnino lubeat, à te eandem humanitatem, qua alios libellos meos excepisti, ad cognoscendas Chartas Palantes allatum iri . Vale .





# INDEX EORVM

Quę continentur in opere

## *CHARTARVM PALANTIVM.*

- A**N S. Marcus scripserit Euangelium latine?  
dissertatio. pag. 1.  
De Rerum Germanicarum conuersione Ann.  
M.DC.XXXIII. Mens Oct.  
De Ratispona expugnata à Duce Bernardo Vina-  
riensi An. M.DC.XXXIV. Mens Febr. 22.  
De Ratispona recuperata à Sereniss. Rege Vnga-  
rię Ferdinando III. nunc Imperatore. 28.  
De renouandis studijs prefat. in Gymnasio Pisano,  
An. M. DC. XXX. cum contagio lacefferet urbem.  
pag. 43.  
De Epidauro Liburniæ, & Peloponnesi, de Ragu-  
sia, & Ragusina Republica, dissertatio Histori-  
ca, & Geographica. 55.  
In Natalem Magni Ducis Etrurię Ferdinandi II.  
narratio An. M.DC.XXX. 66.  
Ferdinandus intrepidus, de præsentia Magni Du-  
cis, cum Florentiæ glisceret pestis, dictio 75.  
Docti laboris defensio aduersus ignauos. oratio re-  
citata

- citata Pisis An. M.DC.XXXII. 95.  
In Funere Henrici Antonij Burgi Theolog. Profess.  
Oratio. 105.  
De Barbarie depellenda. Orat. habita An. 1633. 123  
Gratulatio, cum Ant. Curinus consultationibus  
Magni Ducis admotus fuisset. 133.  
De Cardinalatu Augustini Oreggij ad ipsum Gra-  
tulatio. 141.  
In laudem Iohannis Caroli Coppolaë Poetæ, excur-  
sus. 147.  
De Platonica Academia Principis Leopoldi ab  
Etruria, Nuncius allatus An. M.DC.XXXV. 155.  
De Gloria Gymnasij Pisani, Oratio. 165.  
In Nuptijs Magni Ducis Etruriæ Ferdinandi II. &  
Serenis. Victoriæ, Principis Urbini, ode. 177.  
De decursione Equestri in magno theatro, exhi-  
bita earundem Nuptiarum causa. 179.  
De facibus, quæ theatrum illustrabant. 181.  
Cum flante vento dilatum esset certamen. 182.  
Gratulationis interualla; cum Princeps Iohan. Ca-  
rolus ab Etruria renunciatus fuisset Thalassiar-  
cha, à Rege Catholico. 183.  
In funere Francisci Principis ab Etruria, Fratris  
Magni Ducis Ferdinan. II. varia carmina. 191.  
Votum pro Principe Matthia ab Etruria post obi-  
tum



tum Fratrīs.	196.
In Obītum Reginae Polonorum An. M. DC. XXXI. ode.	200.
Funus Acerbum. Carmen de immatura quorū- dam Principum morte.	203.
In magnas Triremes Etruscas.	209.
De Propugnaculis Liburnicis	213.
Ad Sfortiam Marchionem Pallauicinum Episto- la.	214.
Ad Iohannem Ciampolum Epistola.	217.
De Iuliano Archiepiscopo Pisarum, & Iohanne Marchione S. Angeli Fratribus Mediceis.	219.
Epidaurius planctus. Carmen in obitum Thomae Cellesij, Archiepiscopi Ragusini.	221.
De Cardinalatu Augustini Oreggij carmen.	224.
Bona verba. Carmen ad Sfortiam Pallauicinum. pag.	227.
Cum sparsus esset rumor de morte auctoris gliscen- te contagione An. M. DC. XXX.	233.
Ad S. Iosephum praesidem tutelarem Academiae disiunctorum.	234.
In S. Torpetem peste depulsa.	238.
Pro pace Italiae votum.	240.
Meditatio in morbo.	241.
De fabula vitae humanae.	244.
Ad	

VII

Ad Ioh. Carolum Coppolam Poetam.	245.
Camilli Accarisij Senensis Epicedium.	246.
Caro. Augustin. Mellæ publice disputanti.	247.
De eiusdem Conatibus, ad Clariss. I. C. Antonium Bellonum.	248.

*Imprimatur Florentiæ 2. Octobris 1638.*  
*F. Io. Inq. Generalis.*

AN

• 215 •  
• 216 •  
• 217 •  
• 218 •  
• 219 •

• 220 •

MA

S

inc  
cto  
fric  
le  
lar





I  
IX  
A N  
S. M A R C V S  
E V A N G E L I V M

scripserit Latine?

D I S S E R T A T I O.



A C I S pro tua insigni pietate  
(Sereniss. Magne Dux) & in san-  
ctissimam Religionem Catholi-  
cam affectu, ut faucas magnope-  
re laboribus eorum, qui sacrarum  
literarum studia sequuntur, quiq; voluendo san-  
ctorum Patrum scripta Antiquitates Ecclesia-  
sticas indagant, atq; expromunt. Cuius rei qua-  
le quale specimen hic præbere lubet, ut quæram  
latinè ne scripserit Euangelium suum S. Marcus

A an

2 *Paganini Gaudentij I. C.*

an Græcè? Ac sanè reprehendi non potest, quisquis interrogatus, qua lingua diuinum instrumentum conscripserint S. Euangelistæ, præter Matthæum, qui Hebraicas adhibuit literas, responderit Ioannem, & Lucam vsos quidem Græco idiomate, at Marcum videri exarasse latinis verbis. Infani namque fuerit hominis præfractè reijcere, quod à nonnullis veterum narratur, quod verisimili ratione nititur, quod etiam sentiunt, & docent doctissimi grauisimiq; huius seculi Scriptores. Nec tamen damnamam censuerim, aut superbè reijciendam, opinionem eorum, qui Græcè compositum fuisse testamentum à S. Marco eunt affirmatum, cum itidem aliqui ex antiquis ita existimaauerint, atq; recensuerint. Res itaq; tota posita est in quadam verisimilitudine, quæ facit vt in neutram partem quicquam sit cum supercilio Cætoniano pronunciandum. Sed dissimulandum non est, non defuisse, qui putarit à S. Marco Romæ quidem primum confectum fuisse diuinum opus latinis literis, cum verò iussu Petri Aquileiam petijisset, ibi quæ Romano sermone constabant, ab ipso in Græcum fuisse deducta, atque translata. Sic quidem sentit Petrus Episcopus



pus Aquileiæ in catalogo . Nec nouum est, vt <sup>lib. 4. c.</sup> quæ quis vna lingua composuit, deinceps in <sup>86.</sup> aliam quoque vertat, atque transponat . Superiori certè seculo ( vt vetustiora exempla non proferam ) Bembus Historiam Venetam pari elegancia Latinè, & Etruscè edidit. Cæterum antequam in medium adducamus pondera rationum, quibus fulcitur vtraque sententia, hoc præscribendum, præmittendumque est, quod siue Latinè, siue Græcè scripserit Sanctus Marcus, nullum tamen hodie extet aliud Euangelium ipsius, antiquius Græco. Nemo namque ignorat latinum, quod hodie extat, saltem translatum fuisse ex Græco. quod effatum nulli admirationem adferre debet, cum idem planè de S. Matthæi Euangelio affirmetur . Euangelium, inquam, S. Matthæi Hebraicis literis ab initio est dictatum, & deinde factum Græcum à Iacobo, vt nonnullis videtur, at Hebraicum authenticum periit, supermanente Græco . ita dixerimus S. Marci narrationem de vita Christi compositam fuisse primum Latinis Romanisq; monumentis, deinceps vel ab ipso, vel alio viro aliquo Apostolico Græcè versam fuisse, originarium verò

A 2

Lati-

#### 4 *Paganini Gaudentij I. C.*

Latinum è memoria hominum euanuisse, retentumque Græcum, vnde Sanctus Hieronymus, aut quisquis est vulgatus interpres nobis Latinam vulgatam versionem dedit. Nam quod nonnulli asserunt Latinum primum Euangelium Sancti Marci reperiri Venetijs, id hætenus exploratum non fuit. & cur, si tantus thesaurus ibi asseruaretur, Veneti Senatores eum ostendere, cupientibus videre, non dignarentur? sed ad rem ipsam aggrediamur. Ergo S. Marcum scripsisse Latinè sentiunt duo doctissimi Cardinales Bellarminus, & Baronius, quorum auctoritas tanta est, vt quod ipsis arriserit, id probabile esse velle infitias ire fuerit hominis ferreæ frontis, cum Aristoteles, & interpretes docuerint verisimile esse quod videtur pluribus, aut sapientibus. pluribus quidem, vt quod vulgi sermone est receptum tanquam manifestè falsum rejici nequeat. Sapientibus verò, vt quod magni homines tradunt, atque profitentur, id è censu veritatis non tam facilè explodi, excutique debeat. quis verò sapientis nomen meretur, si Baronius id sibi non vindicat, si Bellarmino id attribuendum non est? legendus est Baronius

Bellar-

tom. 1. ad  
an. 45. n.  
38.



Bellarminus verò rem paucis verbis abso-  
luit. verba ipsius adscribere lubet. *Marci* lib. 2. de  
Ver. Dei  
cap. 7.  
vero librum latinè ab ipso Marco Romæ scri-  
ptum esse, ac deinde ab eodem Aquileia in  
Græcam linguam conuersum, docet Adrianus  
Finus libro flagelli Iudæorum sexto capite octua-  
gesimonono, & libro octauo capite sexagesimo  
secundo, & qui Finum secutus est, Petrus  
Antonius Beuther annotatione octaua, & nona  
ad sacram societuram. in vita quoque Sancti  
Petri, quæ in Pontificali Damasi primum lo-  
cum tenet, satis apertè indicatur Marci Euan-  
gelium initio latinè ab ipso scriptum fuisse.  
Haftenus Bellarminus. Sic verò differere  
libet, ne absurdum videatur dictu, Sanctum  
Marcum scripsisse latinè. Sanctus Hierony-  
mus narrat Sanctum Marcum fuisse interpre-  
tem Diui Petri in Chronico Eusebij, quod ipse  
vertit. Marcus, inquit, Euangelista interpres Petri.  
alibi: Sed & Euangelium iuxta Marcum, qui descrip.  
auditor eius, & interpres fuit, huius dicitur. ibi Eccles.  
dem hæc habet. Marcus discipulus, & interpres ad Dex.  
Petri iuxta quod Petrum referentem audierat roga-  
tus Romæ à fratribus breue scripsit Euangelium. Si  
interpretis munere functus est Marcus cum scri-  
beret

6 *Paganini Gaudentij I. C.*

beret Euangelium, & erudiret Romanos, videtur omnino latinè hæc peregrisse non Græcè. nam Sanctus Petrus visus est differere apud Romanos Græcè, cum literas suas exarauerit Græcè, neque quicquam certi produci queat, unde quis colligat Latino sermone usum S. Petrum, cum ex Oriente venisset, & ex Hellenistarum numero, qui Hebraica cum Græcis commiscebant, esset. Quod autem ait conditor annalium certum esse, Petrum Romanos homines latina lingua allocutum fuisse, id nescio quam solidum sit. namque Sanctus Paulus ad eos dedit Epistolam græcam, quid vetat ipsum, & Petrum Romæ Græcè locutos? ut iam omittam quod qui primi susceperunt Romæ Euangelium videntur plerique externi fuisse, & ex Syria, Græciaque oriundi, aut saltem ab huiusmodi parentibus nati, cum satis constet innumeros homines ex Oriente, confluere solitos in Urbem, quod cuius est exploratum, ex grauissima querela Iuuenalis, qui propterea ait se odisse Romam, quod Græca esset Vrbs. At reget Annalium author, quod Græcus sermo vilescerat usu meretricio infamatus, non igitur verisimile esse S. Petrum locutum græce. Sed

re



animaduertendum est id quod ptofertur de vfu  
meretricio sermonis Græci, apud Iuuenalem re  
periri, qui sub Domitiano, & Traiano scripsit *Iuvena-  
lis expo-  
situs.*  
multis annis post Petri in Vrbe presentiam. Ad-  
do non rectè colligi ex Poëta linguam græcam  
vilem fuisse propterea quod quædam meretri-  
culæ ipsa vterentur. Satyricus namque non vi-  
tuperat linguam, quin illam suspicit, sed impu-  
dicas fœminas notat, quæ cum latinæ essent, &  
græcè nescirent, vt tamen viderentur esse exo-  
ticum quid, tria verba fabantur Græcè, & præ-  
sertim in ore frequenter habebant *Ψυχὴν καὶ ζῶν* *græca lin-  
gua ma-  
gnifica  
Romæ.*  
quibus suis amatoribus blandiebantur. nam  
quod magnifieret lingua Græca illis temporibus,  
ac deinceps non spreta fuerit, ex eo discere  
est, quod Imperatores, Senatores, & alij  
viri docti, & in dignitate constituti, quando  
aliquid argutè volebant dicere, & notatu di-  
gnum non infrequenter id Græcè proferebant,  
quod liquet inspicientibus vitas Cæsarum à Sue-  
tonio exaratas. Ita apud Martialem occurrunt  
nō dissimilia, vt dum inquit: *μισῶ μὴ μὲν συμπτῶν*  
& multa alia. Dum verò aio S. Petrum Græcè  
allocutum fuisse Romanos, non propterea puto  
pertritam, & peruulgatam fuisse eam linguam

Romæ



Romæ etiam apud plebeios homines. nota enim non erat nisi ijs, qui eam studio adhibito didicissent à Grammaticis, aut alioqui nati in Græcia transmigrassent in Urbem. quod autem monui Petrum præcipuè egisse de rebus fidei cum peregrinis id sic accipio, vt tamen non excludam natos Romæ, quos saltem alloquebatur per interpretem suum S. Marcum. hæcque causa est cur videatur S. Marcus Latinè potius quam Græcè exarasse, quia cum id fecerit rogatu Romanorum, & Romani potissimum videantur esse illi, quos per interpretem compellabat S. Petrus, existimandum est voluisse ipsorum vtilitati, cum Græci sermonis non essent gnari, consulere. qui enim peregrini erant faciliùs percipere poterant Latina, quam indigenæ, & Romæ nati Græca. Quis namque nescit eos, qui migrant ab vna natione ad aliam intra breue temporis spatium vtcumque loqui duplici sermone? At incolæ, qui nunquam discesserunt à paternis laribus magno labore necesse est vtantur, si velint aliam linguam diuersam à vernacula addiscere. Nunc proferenda sunt verba S. Damasi, vbi agit de Sancto Petro: *Post omnem quatuor Evangeliorum fontem,*

*In Pontificali.*

*tem,*

tem, quæ ad interrogationem, & testimonium eius (hoc est Petri) firmata sunt, dum alius latinè, aliusq; Gracè, & alius Hebraicè consonant, tamen eius testimonio sunt firmata. Matthæus Hebraicè scripsit, Lucas, & Ioannes Græco sermone sunt vñ. super est, vt Latina tribuantur S. Marco. Neque est quod argutator aliquis obstrepat, & dicat librum pontificalem non esse Damasi. quæso enim id vnde colligit? ac si semel fas fuerit tam facile scriptorum nomina in dubium reuocare, quid deinceps non vacillabit? Sed si non habeat Damasum scriptorem, an propterea nullius erit auctoritatis, & fidei? At clam non est, librum illum esse antiquum, & non contemnendæ notæ, cum Bibliothecarius totum præposuerit præfixeritq; luculento operi de Vitis Pontificum, quod beneficio Velferi hodie in manibus eruditorum versatur. Quam verò temere nescio quis dixit omnes Scriptores cum de Pontificali libro Damasi loquuntur, dicere: *Fertur Damasus scripsisse* non sic loquitur Bellarminus iam adductus. non sic, qui collegit tomos conciliorum. non ita alij. Nunc perpendamus S. Hieronymi, & S. Augustini verba, quæ narrationem Damasianam

*Liber Pontificalis  
an sit Damasii?*

B

viden.



*Epistola* videntur destruere . ait Hieronymus : *De novo*  
 123. *nunc liquor testamento , quod græcum esse non du-*  
*bium est , excepto Apostolo Matthæo , qui primus in*  
*Iudæa Euangelium Christi hebraicis literis edidit.*

*lib. 1. c.* vicissim Sanctus Augustinus scribit : *Horum sa-*  
 2. *nè quatuor solus Matthæus Hebræo scripsisse perhi-*  
*betur eloquio , ceteri Græco . At neuter absolutè*  
*negat Sanctum Marcum dictasse Euangelium ,*  
*Latinè . sanè tempore S. Hieronymi non exta-*  
*bat diuinum instrumentum latino more com-*  
*positum à Sancto Marco : sed in manibus Anti-*  
*stitum versabatur Græcum eiusdem exemplar ,*  
*ut mirum non sit si sanctus vir pronunciet nouū*  
*testamentum esse Græcum . quod si ex verbis S.*  
*Hieronymi colligere liceret Sāctum Marcum*  
*non scripsisse Latinè , fas foret quoque nega-*  
*re vllum librum noui fœderis exaratum alio ser-*  
*mone quam Græco . Atqui graues homines*  
*narrauerunt Epistolam ad Hebræos hebraicè*  
*primum esse scriptam , & deinde translata in*  
*Græcum sermonem à Luca , vel à Clemente .*

*lib. 3. his.* Ita refert Eusebius , & Clemens Alexandrinus  
*Eccl. cap* apud Eusebium . Ad Augustini testimonium  
 38. quod attinet , nemo non videt eum non planè  
*lib. 6. c.* infitias ire Sanctum Marcum latinè scripsisse .  
 11.

Nam



Nam perhibeatur Græco eloquio vsus Sanctus Marcus, quid vetat Latinè prius ab ipso fuisse scriptum? Mirum verò non est ab Hipponensi Antistite sic rem narratam, quando existimauit Sanctum Marcum fuisse Matthæi *pedissequum*, atque breuiatorem eodem libro de consensu Evangelistarum primo. At qui plerique omnes ex veteribus referunt Sanctum Marcum sua composuisse, atque hausisse ex ore Sancti Petri, ne quæ sanctissimus Vir de vita Seruatoris, & admirandis operibus recensuisset, obliuioni traderentur, vt non opus sit affirmare narrationes Sancti Marci ex Euangelio Sancti Matthæi deriuatas. Toti dissertationi finem imponam, si proferam, quod non ita pridem obseruatum à viro consûmatæ eruditionis, qui Polyhistorem Solini emendauit, & illustrauit. Is itaque in prolegomenis testatur se in antiquis libris manuscriptis reperisse in Codice Euangeliorum & noui testamenti:

εὐαγγέλιον κατὰ Μάρκον ἐγράφη ῥωμαϊκῇ ἐν Ῥώμῃ. *Euangelium secundum Marcum Romana lingua scriptum est Romæ.* Profectò non temere reijciendum est, quod vetusti Codices manu exarati in ipso limine legendum proponunt. Quod

B 2

si quis

12 *Paganini Gaudenti J. C.*

si quis his non contentus, adhuc pergat contenti-  
tionis funem reciprocare, ei nos reponemus  
verba Diuini Apostoli, quod huiusmodi con-  
suetudine non vtimur.



DE



DE RERV  
GERMANICARVM  
CONVERSIONE

Anno M.DC.XXXIII. Menſe Oꝗob.


DE RATISBONA  
EXPVGNATA.

De eadem recuperata,  
NARRATIONES.





DE RERVM  
GERMANICARVM  
Conuerſione.



ABEMVR nos à Deo veluti  
pilæ . in rebus hominum à cæle-  
ſti potentia feſtius luditur lu-  
dus . cum ratione furit quiſquis  
ſtabilem ſtatum in hac mortali-  
rate putat à ſe poſſe inueniri . citius Solem ſpo-  
liaueris ſplendore , quam vt fortunæ adimas le-  
uitatem . hanc illa ſororem habet à latere nun-  
quam diuellendam . huic Diuæ cum vetera ſint  
inuiſa non minus quam canis Appulta , proſer-  
pens anguis , in moliendis nouis ſemper occu-  
patur . Erratis mortales dum in vtrumq; ocu-  
lum

lum dormitis, quasi quid cras sit futurum certi.  
atqui nescia est vestra notitia, quid sit allaturus  
is, qui post compositum Solem prodit. Somnia  
somnia ludicra, & inanibus cogitationibus  
exercent ingenium, qui præcipiunt meditando  
longinqua, & catenata collectione deducunt  
multa præoccupato euentu, quæ cum instabili  
fulciantur tibia, vacillent cuncta necessè  
est, & de vanitate laboris ridendam impingant  
notam. Vna vertigo reciprocantis sortis om-  
nem structuram subuerterit, latam ruinam dede-  
rit. quod si generatim pronunciari & potest, &  
debet, ad rem militarem tamen si transferatur  
meditamentum, splendidiore veritas emittet  
radios. Vtrò se ingerit dies effati, vtrò hic  
Phæbus nec cupientibus nascitur. nisi te ipsum  
occæces, aut affulgenti lumini caliginosa per-  
uicacia oculos claudas, rem non aliter habere  
vnam tecum fatebere. funem enim altercatio-  
nis si tibi foret animus ducere, vt temporis pre-  
tium decoqueres, clarissimum argumentum è  
rerum Germanicarum recentissima conuersio-  
ne petiit sic obiectarem, vt eo animaduerso  
non aliter in lapidem abires, quam Phineus  
cum socijs, cum Andromedam sponso eripere  
cona-



conarentur. Sed vt meliora mihi de te spondeam, neque acri putem esse opus obiurgatione, age tamen rem vt gesta est, saltem animi causa, quia recentiorum non sumus incuriosi, narremus, & Historiæ, si tanti nugæ sunt nostræ, consulamus. Ergò quisquis es, in quem folium hoc incidit, oculos per Germaniam, velut per ingens Theatrum circumfer. Ditionem Coloniensem non diu erat cum inuaserat impiger Baudizius. quam vastitatem non intulerat, quæ loca non peruaserat? ipsis suburbijis Urbis primariæ cum equitatu incubuerat. Oppida non pauca occupauerat, muniuerat. Sed magis tristitia subsecuta sunt. Hammelia ad Visurgin diurna obsidione pressa à Principe Cattorum, & Cnifusio pressa suspirabat opem tuam Merodi, tuam Gronsfeldi. Et vos quidem quanta potuit fieri celeritate militem collegistis, suppetias laborantibus, si fata sinerent, laturi. Sed inauspicato itum, occursum hostibus infœliciter. quis cladem illius prælij dicat? à nube silenti obducatur: nam deditio secuta est antiquissimæ munitissimæq; Urbis. Ità res Catholici fœderis in Vestfalia in calamitosum ruerant detrimentum Silesia viderat duos instructissimos

exer-

*Hammelia  
liã Vrbs  
occupata*



exercitus, aut leuiter velitantes, aut ramos oleę  
preferētes decucurrerat certē tota ęstas admi-  
rante Germania absq; eo, quod aperti belli ma-  
nifesta ederentur specimina. id in rem Saxonis,  
& Sociorum trahebatur, cum propē totam de-  
tineret Prouinciam, Austriaci Regni partem  
non contemnendam. Erat qui quæreretur, ecquā  
do asserenda liberali causa manu foret, si id non  
euenisset tot Legionibus immani sumptu con-  
scriptis, rectaq; in Hostem ductis illis mensibus,  
quibus calentibus in gelidissima regione fas est  
arma tractare: appropinquante hyeme, castra mo-  
tum iri, bellatoresq; in hiberna concessuros.  
Non ita faciles fore Suecos, vt volentes red-  
dant, quod bellando in potestatem suam rede-  
gerant, quodque pręsenti militię apparatu, si-  
bi non fuisset extortum: & erant qui collige-  
rent, aut perpetuum extitutum bellum, vt in  
Belgio, aut Cæsarem amissa non recepturum.  
Ad Alsatiam si transfiretur solum amœnum, fer-  
tile, Rheno flumine, à quo secatur, suspicien-  
dum, materiam erat reperire, in qua Gustauia-  
ni Duces exultarent, Imperatoris partes, aut  
iacerent, aut vacillarent. occubuerat Monte-  
cuculus, cum eruptione facta è Brisaci mœni-  
bus

C

bus

bus depellere conatus fuisset obsessores. Dux Lotaringiæ cum auxilio se fore speraret periclitantibus, multis amissis reiectus fuerat à Comite Rheni. Ità instar ægri corporis censebatur esse Brisacus, quod propediem animam esset acturum, cum præsertim nihil non pareret Hostilibus manipulis, Tabernas Montanas & Hagenoam si quis exciperet. non ego per singulas partes, quâ longè latèque patet Germanicum nomen ibo: non de pullis plerisque Præsulibus dicam, Franciæ Orientalis statum reticebo, Moguntiam silendo præteribo. Compendiaria prolixæ narrationis fuerit dicere, longè potiores fuisse partes eorum, qui Lipsiæ, & Heilbrúnæ fœdus iniuerant, adeò vt existimarent se scripturos leges, non accepturos. Nunc frontem corrugemus, aures arrigamus, audituri ea, quæ incredibilem rerum ordinem, & admirabilem immutationem Suecicæ felicitatis vsurpandam proponunt. Duplici successu sese conspiciendam præbet, vnde memorabile nomen duobus Ducibus paratur. nam cum Arnheimius copiarum Saxonicarum supremus ductor maiorem partem exercitus Silesiæ abduxisset, ratus & Cæsareanos illinc recessuros in Bohemiam

*Arnheimius abducit copias ex Silesia.*



miam ingruente hyeme coactos, reliquisset-  
 que Tubaldum, Turniumque cum septem-  
 ferè millibus equitum, peditumque, eius rei  
 certior factus Fridlandiæ Regulus, impruden-  
 tia Hostis in rem suam vsurus, iussit expedi-  
 tissimas equitum cohortes itinera intercipere,  
 & obsidere, ipse verò interim castra mouit, at-  
 que Suecos veluti feras indagine circumseptos  
 ad turpissimam deditionem adegit: cum enim  
 ipsi viderent sibi omnem euadendi rationem  
 esse ablatam, & præsens mors vndique inten-  
 taretur, vnâ horam deliberandi impetrârunt.  
 atque in hoc pactum res cecidit, vt gregarij mi-  
 lites omnes ad stipendium Cæsaris transfirent,  
 Centuriones, Tribuni abirent liberi quò lube-  
 ret, omnes arces, & oppida in Silesia redderen-  
 tur, Turnius interim & Tubaldus obsides essent,  
 donec promissis satis foret factum. nec mora,  
 tot egregij veterani illicò transmigrârunt, om-  
 nis commeatus cum magno numero tormen-  
 torum traditus, tot munita oppida restituta.  
 quibus non contentus Valesteinius ad Oderam  
 vsq; est progressus occupatis Landspergo, &  
 Francofurto. Submisit etiam noua auxilia Ga-  
 lasso, qui Misniam ingressus Dresdam vsque di-

*Valeste-  
 nius uti-  
 tur im-  
 prudētia  
 hostis in  
 rē suam.*

*Turnius,  
 & Tubal-  
 dus obsi-  
 des apud  
 Valeste-  
 nium.*



*Hornius  
obsidet  
Constantiam.*


citur excurriffe. Ità Saxo septemuir in præsentissimo periculo versatur omnia sua amittendi. Quid porrò futurum de Brandenburgico, facile quiuis, qui harum rerum non est omninò ignarus, intelligit. Nunc Alsatia stylum, narrationemq; nostram vocat. per iugum Bormij (ita appellatur mons) per Tirolis angustias in viciniam Sueviæ penetrauerat Dux Feriæ, qui Insubriæ aliquandiu nomine regis Catholici præfuit. eius consilia turbaturus Gustauus Hornius, vir multis rebus gestis clarus, per agrum Tigrinum properans Constantiam vallo circumdedit, vt expugnata eiusmodi Vrbe commoditate Lacus vti posset aduersus eos, qui Brisacum liberaturi venerant. Sed frustra fuit Hornius, & aliquot dierum operam lussit in obsidione, cum ad miniculo nauium, quas parauerat Lindauij præses, introducta fuissent aliquot signa peditum, cum alijs ad obsidionem ferendam idoneis. Ita cum ipse animaduerneret Urbem instructiorem esse ad defensionem, quam vt subiugari posset, à mœnibus recessit, Colmariamque petijt. At Feria feriarum nescius Comite Aldringero cum iustum haberet exercitum, & cui neque ab Hornio, neque Rheno

Comi.

Comite posset occurri, intercepta in itinere  
 Rin feldia, rectà duxit Brisacum versus. obse-  
 fores verò cum probè nossent tantum impetum  
 à se sustineri non posse, rebus suis consuluerunt  
 in vicinam ditionem Virtenbergici digressi. sic *Dux Fe-*  
 Deo hominibusque fauentibus Insubrica auxi- *ria suppe-*  
 lia ingressa sunt in Urbem, quæ ad incitas erat *tias fert*  
 redacta, & de cuius incolumitate iam ferè des- *Brisaco.*  
 perauerant Viri prudentes. Nunc cum Cæsa-  
 reanis præstò sit munitissima Vrbs, Prouinciæ  
 caput, propugnaculum propè inexpugnabile,  
 ex tuto receptu in subiectam Regionem, sic  
 extendent vires, vt intra breue tempus videā-  
 tur ex reliquis quoq; locis hostes expulsuri. ne  
 tamen obliuiscamur eorum, quæ ab initio hu-  
 ius narratiuncule declamabamus, vt nouerimus  
 desultorium esse Fortunæ morem, quæ in eo *mos for-*  
 suam potentiam ostentare amat, dum quos pau- *tune de-*  
 lō antea humi afflixerat, ad fastigium euocat, *sulto-*  
 quos exulerat, reliquisque formidabiles reddi- *rius.*  
 derat, depressos rursus conterit, & traducit.  
 at tu Deus, cuius arbitrio degit obnoxia ludicra  
 fors, fatigue potestas, gementibus tot annos  
 populis largire desideratissimæ pacis munus.

RA-





# DE RATISPONA EXPVGNATA

*Anno M.DC.XXXIV. Mense  
Februario.*



ELLE videbantur cadere res  
Cæsareanæ, postquam Fridlan-  
diæ Dux incruento Marte victo-  
riam ingentem fuisset adeptus,  
& non pugnando eripuisset ho-  
sti tot spolia, tot propugnacula, tot oppida.  
Sed ei invidit fructum tantæ expectationis ne-  
scio quæ potestas, penes quam est rerum hu-  
manarum ambiguitas. Discesserat nempè ex  
Bauaria Aldringerus, militesq; suos cum Duce  
Feriæ



Feria iunxerat, vnde ansam arripuit Bernardus Vinariensis aliquid moliendi, quod posset Valesteini recentem felicitatem turbare, & grauem cladem Suecorum Saxonumque, si non compensare, saltem diminuere. Aliquot dierum itinere, longo interuallo, visus est insequi Aldringerianos, vt magis suum cōsiliū tegeret, si tamen tunc subierat animum interceptiendæ Ratisponæ cogitatio. Ad Rauracos vsque cum peruenisset, & rei frumentariæ inopia magnopere premeretur (aiunt trium dierum spatio caruisse exercitum pane) arrepto repente reditu, quanta potuit celeritate ad Danubium contendit, Vlmæ milites refocillauit, naues, tabulasque ponti iaciendo parauit, rectaq; iter ad Ratisponam obsidendam direxit. Videbatur omnibus consilium audax, periculi plenum, & optato euentu cariturum. Quod vrbi magnę circundandę impares essent quas ducebat cohortes, quod mœnia forent munita non inualidis propugnaculis, quibus expugnandis multum temporis deberet impedi. Interim ad futuras suppetias ex vicina Bohemia, aut ab Electore Bauariæ ex multis præfidijs contractum iri auxilia, aduenturum etiam ipsum

cōsiliū  
audax-  
Dacis  
Bernardi

24 *Paganini Gaudentij I. C.*

*Vinaria  
Dux cur  
putet à se  
posse ex-  
pugnari  
Ratisbo-  
nam.*

ipsum Aldringerum, postquam à ceruice Bri-  
facensum periculum fuisset depulsum. Horri-  
da etiam erat hiems, omnia niuibus obruta, &  
gelu constricta. An tolerare possent obfesso-  
res aeris sæuissimam iniuriam? An cubituri non  
tantum humi, sed in ipsa glacie? Vnde equis  
foenum parandum? Vnde conuehendus com-  
meatus? non exiguum esse in vrbe defensorum  
numerum. Hæc tamen aliaq; Suecorum Du-  
cem Bernardum non deterruerunt, quò minus  
facinus ingens aggredetur, inque spem veni-  
ret maximam, depulsis Bauaris potiturum le vr-  
be: discessisse procul in Alsatiam vsque si quid  
erat in illa regione veteranorum militum. Ab  
incondita turba rusticorum, quæ forte posset  
concurrere, non esse timendum, longius di-  
stare Cæsareanos, quam vt laborantibus pos-  
sent, dum res posceret, adesse. Ad Albim  
namque progressos plurimos transisse ipsam.  
Oderam, & iam carpere Pomeraniam. Non  
opus esse trahere diuturnam obsidionis morā,  
quod mœnia veteri more cōstructa facillè qua-  
ti, deiique queant. Magnum existere ciuita-  
tis circuitum, neque ad omnem in tanto spatio  
impetum posse aduolare Bauaros, ciues iner-  
mes



mes degere, & si liceret arma capere, à Duce Bauariæ defecturos, facilem quoque fore expugnationem à parte septentrionis trans Danubium, qua Hofium oppidum suburbiorum, instar imminet lapideo ponti. Occupato namque loco illo, quæ res nullius esset difficultatis, deinceps posse quassari turres pôtis, & submoueri quicumque auderent occurrere. Sic secum differebat Dux, cuius sagax ingenium dicitur cum ferocia certare. In toto ambitu excitatæ munitiones, contemptum frigus more Suecorum, qui primi præeunte Rege Gustavo visi sunt militiæ hybernos menses iungere æstiuis. Hofium statim infessum, ex eo irruptio tentata, & quidem feliciter. Nam Ductor defensorum cum pro ponte pugnaret, grauisimo est occupatus vulnere, & prope interemptus, quæ res terrore repleuit Bauaros, vt cœperint animum despondere, & instante, vrgenteque hoste de vrbe certis conditionibus dedenda agere. Res intra diem transacta, atque postridie abeuntibus Præsidarijs, Vinarienses urbem sunt ingressi, non sine magno ciuium applausu, & lætitia. Atque videre erat è turba homines vndique esculenta, & poculenta famelicis, & ex-

D            tenua-



26 *Paganini Gaudentij I. C.*

*Valeste-  
nius ira-  
tus Al-  
dringero.*

tenuatis militibus conferentes. Obsidio intra paucorum dierum numerum est absoluta. Nā quinta Februarij dicitur vallo circumdata Ciuitas, decimaquinta dedita est. Frustra fuere agricolæ ex superiori Palatini tractu, & ex vicina Bauaria tumultuarie collecti. Vienna quid potuisset submitti, aut ex Austria, cum nihil militum ibi esset? Aiunt ad maximam indignationem adactum Valestenium, quod Aldringerus suo iniussu discrimini exposuisset prouinciam, cuius defensionē impensē ei commendarat, iufferatque, ne illinc, nisi vellet capitis pœnam adire, discederet. Ille tamen abiuit, vt maiori imperio pareret, Cæsareo nempe. Hic expostulare Fridlandiæ Dux, quod ea lege passus esset sibi imponi supremi Ductoris munus, vt à suo nutu omnes penderent, extra sua iussa sub Cæsare militaret nullus. Nihil enim fieri posse in gerendo bello perniciosius, quam si plures sint militiae Duces, quorum vnus necesse non habeat alteri morem gerere. Expugnatę interim Ratisponę fama ad aulam Cæsaream peruenit, & hilaritatem ingentem, quam pepere- rant res non ita pridem in Silesia gestę, infecit, turbidamque reddidit. Et verò Saxo ad inci-  
tas.

tas videbatur denuò redactus, Brandeburgicus Berlino discesserat, Landsperga, Francofurteque expugnatis, Velestienianis prouincia parebat tota. Quas verò res Fridlandiæ Regulus sua dissimulatione, & celeritate in potiori statu collocauerat, easdem ad aliam conditione, ambigamque lancem reuocauit Vinariensis. Erant qui contenderent obfuisse potius aduentu suo Cæsareis partibus Ducem Feriæ, quam commodum attulisse. Satiùs namque <sup>damnum</sup> fuisse amitti Brisacum, quam iacturam fieri Ratisponæ. Sanè vrbis huius expugnatio <sup>expugna</sup> <sup>ta Rati</sup> <sup>sponæ.</sup> maximo affecit detrimento Bauariam, effecit etiam vt necesse fuerit deinceps exercitu insidere Passauiam, Austriam, imò, & Bohemiam, quæ loca ante hanc cladem damna belli non ita sentiebant, nec militibus præbere sedem cogebantur. Ego verò nolim iudicium meum interponere, quando gemina suspenditur libra Brisacum, Ratisponaque. Nam satis est obsidij Ratisponensis euentum perstrinxisse, vt res tota cum superiori dissertatione componatur, atque Germanici belli magnitudo nobis magis ac magis innotescat.





# DE RATISPONA RECUPERATA

*Anno M. DC. XXXIV.  
XXVII. Iulij.*

LECTORI.

**Q***Via & superiori narratione recensui occupatā fuisse Ratisonam, & deinceps quā ratione à Serenissimo Vngariæ Rege fuerit recepta, dicam, visum est, de urbe illa nonnulla scitu digna paulò altius repetere, quæ lector, pro tua humanitate æqui consules.*

Ra-



Ratisponam à ponendis ratibus <sup>Ratispo-  
na unde  
dicta.</sup> dixere, quod ad Danubium po-  
 sita accipiat multas naues, imò  
 & rates vtcunque ex rudibus li-  
 gnis consutis constantes, quæ ex  
 Sueuia deferuntur vehentes varia. Germani à  
 fluuio, qui apud urbem hanc influit in Danu-  
 bium, nomenque amittit, appellamentum ei  
 indiderunt, vt dicatur Regenspurgum, quod  
 nonnulli latinè vertunt Reginoburgum, nam  
 fluuius ille aut Regus, aut Regino est nuncu-  
 pandus. Quam sit antiqua Ratispona non au-  
 sim dicere. Satis verò constat vniuersam Ger-  
 maniam, antequam armis Romanorum oppu-  
 gnaretur, fuisse, vt Tacitus loquitur, *paludibus* <sup>lib. de  
mor. Ger-  
man.</sup> *fædam, & syluis horridam*. nullas, profectò po-  
 puli illi vrbes habitabant, imò nec sedes inter se  
 iunctas patiebantur. Colebant discreti, ac di-  
 uersi, vt fons, vt campus, vt nemus placuisset.  
 Vicos autem locabant non connexis, & cohæ-  
 rentibus ædificijs. Suam quisque domum spa-  
 tio circundabat, siuè aduersus casus ignis reme-  
 dium, siuè inciticia ædificandi. Ergo sub Au-  
 gusto, & Tiberio coloniam illuc cœpere deduci,  
 qua-



30 *Paganini Gaudentij I. C.*

*Ratispo-  
na, an  
Colonia?*

*Alberti  
Magni  
laus.*

quarum exemplo excitata Germanorum dili-  
gentia pulcherrimas condidit vrbes. E nume-  
ro coloniarum extitisse Ratisponam aliqui cre-  
dunt, eiusque originem imputant Tiberio, Ti-  
berijque appellant Augustam. Quod an nita-  
tur locupletum testium auctoritate ego nescio.  
Nihil certè eam in rem mihi repertum, longe-  
que clarior apud scriptores extitisset eius fama,  
si eum Imperatorem habuisset conditorem.  
Magnam verò Ciuitas hæc adepta est clarita-  
tem à maxima rerum cognitione, vitæque  
sanctitate, qua Albertus Antistes Sacrorum  
polluit. Sixtus Senensis in sua Bibliotheca, eū  
subinde Archiepiscopum nominat. At Rati-  
sponenses Antistites, & Pontifices non Archie-  
piscopi, sed Episcopi sunt. Fuit autem Alber-  
tus ex ordine Prædicatorum, natione Sueuus ex  
oppido Langigenfi, vir admirandæ doctrinæ,  
sublimibus ingenij ac memoriæ viribus vsq; ad  
miraculum præstans, in diuinis studijs longe  
eruditissimus, & Philosophorum omnium, quos  
vel ante, vel post eum vniuersa Germania pro-  
tulit, princeps, ob eximiam scientiarum multi-  
tudinem, magnitudinemque MAGNI co-  
gnomen, quod nulli vnquam eruditorum con-  
tigit,

tigit, ante mortem adeptus. Docuit multos annos peripateticam philosophiam, & Scholasticam Theologiam in florentissimis Agrippinensium & Parisiorum Academijs, in quibus inter alios egregios auditores Thomam Aquinatem diuinæ indolis, & præstantissimi ingenij discipulum habuit. Creatus deinde est Episcopus Ratisponensis ab Urbano IV. tempore Rodulphi Imperatoris. Verum aliquot post annis reuersus est ad veterem studiorum consuetudinem, obiitque Colonia Anno M. CC. LXXX. quod verò Archiepiscopum nonnulli existimarunt esse præsulem Ratisponensem, id ideò forte factum, quia is nullius Archiepiscopi iurisdictioni subest, quod etiam dici debet de Pabepergensi, & Risenensi. Cæterum dum Episcopus Albertus memoratur, nolim quemquam existimare ideò non esse antiquiorem Episcopatum illius vrbs. est enim valde antiquus. Aliqui profectò putant vetustiores esse Caroli Magni temporibus, alij tamen narrant ab eo imperatore pietatis studiosissimo fuisse institutum. At iam extitisse antequam imperaret Carolus videtur ex eo posse probari, quia Eberhardus Episcopus Ratisponensis

*obitus  
Alberti  
Magni*



nensis ante tempora Carolina vixit . Adeò autē  
latè patuit olim huius Episcopi iurisdictio , vt  
tota Boemia ei pareret, donec Archiepiscopa-  
tus Pragensis fuit institutus . Omissio Episco-  
patu non desunt alia , quæ urbem reddant insi-  
gnem . visitur ibi pons supra Danubium .  
pons Ra-  
tisponæ . constructus ex perpetuo lapide quadrato, com-  
plectiturq; quatuordecim arcus . Est verò opus  
illud tanti roboris , tamque solide flumini infi-  
xum , vt quamuis verno tempore soluta glacies  
( sæpe namque gelu duratur fluuius ) prope im-  
mensis frustis impetat , & vrgeat molem , illa  
tamen immota maneat aduersus impetum , à  
quo non solum non superatur, sed ipsa retundit,  
& effringit in multas partes spatia immania  
glaciei . conspicitur etiam in vrbe summum tem-  
plum pulcherrimi operis . Totum enim constat  
ex cæso , & affabrefacto lapide . Sed desunt  
duæ turres , quæ vtrique in area construendæ  
erat , vt moles diceretur consummata . Ex  
fuerunt omisæ , quod Architectus , vt aiunt , se  
ex fastigio templi præcipitem dederit . Id ideò  
perpetratum asserūt , quod facta fuisset com-  
missio inter structorem pontis , & ipsum . vt qui  
prius pensum sibi demandatum absoluisset , in  
alte-

alterius vitam ius vitæ, & necis haberet. Cum itaq; hic animaduerneret pontē esse perfectum, videretq; quid sibi ab æmulo immineret, ultro mortem occupavit. Quid verò dicemus de Comitij Germanorum, quæ ferè semper Ratisponæ celebrantur? Urbis situs percommodus effecit, ut hæc consuetudo obtineret. Habet vicinam Boemiam, attingit Palatini ditio-  
nem, est in Bauaria; ex Tirolensi tractu, & Suevia per Renum & Danubium facilè ad illam quis deuehitur. Ab Austria etiam aduerso flumine subuehitur vinum, aliaq; adportantur. Augusta, Noriberga, ex Franconia facilis est transitus. Ignorandum autem non est, iam olim viguisse morem habendi conuentum, ex toto Imperio, quod discere est ex Authore, narrante res gestas Friderici cognomento Ahenobarbi, qui anno M. C. LIV. renunciatus est Imperator. Is itaq; ordines Germaniæ non semel illuc conuocauit. Audiamus Poetam. lib. 1.

*Inde Ratisponæ vetus ex hoc nomen habenti  
Quod bona sit ratibus: vel quod consuevit in illa  
Ponere nauta rates, hac Noricus vrbe ducatus  
Præcipua gaudet: Solemnis curia certo  
Tempore mandatur.*

E

Ex qui-



Ex quibus verbis constat etiam ante tempora Fridrici solitos illuc conuenire procures. illud verò difficultate non caret, quod ait eam esse præcipuam in ducatu Norico. At hodie in circulo Bauariæ collocatur. verum nouum non est immutari limites regionum, quod innumeris exemplis manifestum facere liceret, si hoc ageretur. Eodem libro sic canit Poeta, vt illa tempora erant, bonus:

*Tempore mox alio rursus reuocata potentum*

*Tarba Ratisponam, studio tentauit inani*

*Pacem reformatam longam compefcere litem.*

Et lib. VI.

*Inde Ratisponam Princeps & publica regni  
cura vocat Procures.*

Iam toties apud recentiores historicos Ratisponensium comitorum leges successum. Cum autem hoc honore fulgeat, vt illuc conuocentur Germaniæ ordines, mirum non est si semper dedit operam vrbs, vt se morigeram præberet Cæsari, neq; vlla ratione eius iram prouocaret. Cum temporibus Caroli Quinti tota prope Germania classicum caneret Religionis causa, Smalcaldicoq; inito fœdere militem colligeret occursura Imperatori, Ratispona

non

non solum fœderatis illis se non iunxit, sed & commodam præbuit sedem Cæsari, qui certè potuisset à ciuibus tunc circumueniri, cum sola maiestate nixus illic se contineret, donec ex Belgio, Italia, & aliunde approperearent copiae. Aliquot etiam abhinc annos cum itidem Protestantes conferrent capita, Vrbs hæc nihil eiusmodi molita est. At præsidio se munivit non magno, cum Donauerda à Duce Bauariæ fuisset occupata. Ab illo enim Principe semper sibi timuit, cum ipsius ditioe vndique circumdetur. Gliscente autem bello inter Imperatorem Ferdinandum Secundum, & Fridericum Palatinum nec nummos, nec milites contulit in societatem eorum, qui absentem Palatinum non videbantur passuri in ordinem redigi. Paruit igitur nutui, iussisque Cæsareis. Cum verò Gustauus Rex Sueciæ transgressus Albim, Tillio non paruum facesseret negotium, ac iam Franconiam ipsam teneret, terroremq; Electori Bauariæ incuteret, tentata est vrbs, ut milites præsidarios ex Bauaria acciperet. Sed illa constanter renuit, professa se suis armis tutam fore. Sed tandem cum vicini essent Sueci, tria vexilla ei imposta fuerunt ab Electore,

E 2 qui



36 *Paganini Gaudentij I. C.*

De expo-  
stulatione  
ne ciuiū  
vide Hi-  
stor. Pe-  
tri Pomi

qui totam tandem in suam redegit potestatem. Meum iam non est expostulationem Ciuium expendere. Facient hoc, qui texent historiam integram rerum Germanicarum. Expugnata postmodum est à Duce Vinariæ Bernardo, quod à me singillatim est descriptum. Cum verò detentio amplissimæ Ciuitatis mirum in modum incommodaret Austriæ, Bauariæ, & ipsi Boemiæ, post necem Valestenij, Serenissimus Pannoniæ Rex faciendum sibi putauit, vt primam expeditionem susciperet ad depellendos Suecos Ratispona. Ingentem exercitum ei admouit mense Iunio. Sed paulò ante Ducibus Galasso, & Aldringero Camum, & Strubingam occupauerat, vt hac ratione ad obsidionē sibi viam sterneret. Adfuere etiam circumualandæ vrbi cohortes Bauaricæ, absente tamen ipso Electore. At Dux Vinariensis Bernardus vsus celeritate, dextroq; Marte Danubio pontem, & vrbi, antequam planè circumdaretur, aliquot vexilla militum imposuit, & comatus non contemnendam copiam, defensionemque totam Comiti Turrio commendauit, seq; recepit in Franconiam. eruperunt frequenter obsessi in castra Regia, pugne vtrinque

que extitere cruentæ . tormenta assiduè exonerabantur vtrinque. Sed præcipuè ex castris assidua erat mœnium , & propugnaculorum verberatio , inter quæ cum faciliè principem locû illud obtineret, quod constructum erat Hofij , vt muniret, & tueretur lapideum pontem, illuc potissimum & torquebantur enee glandes, & fiebat impressio. Post multa certamina inita tam è regione Danubij, quam à parte qua tota est vrbs cincta fossa, tandē adminiculo nauium, quibus multæ copię vehébantur, occupata est Insula, quâ medius respicit pons. Hinc cæpere animi obsessorum nutare. expugnata etiam sunt alia munimenta ad latera Ciuitatis terrestria. firmissimo vallo sic se munierant Cæsareani, vt auxiliares copię Suecorum non viderentur posse accedere, nisi vellent in præsens se conijcere exitium. Defensores quoq; vrbs pauciores incipiebant esse, quam vt tot locis iam fere patentibus defendendis possent sufficere. Et quod præcipuum erat, pulueris, & commeatus, quo pugnatur à militibus, ea erat inopia, vt vna non amplius, posset sustineri, & depelli impressio. quis verò futurus erat exitus, si deinceps adminiculo adeò necessario destituerentur? Vigesima

*Pulueris  
copia de-  
est obse-  
sis.*



38 *Paganini Gaudentij I. C.*

maquinta igitur Iulij cœpit agi de cōditionibus, quibus parati essent urbem dedere, cumq; transactum foret, & Cæsareani pernoctarent in nōnullis munimentis, sequenti die Rex Vngariæ urbem est ingressus. Deditio honorificis facta est conditionibus, ut more militari excederent Sueci, expansis vexillis, sonantibus tympanis, reculas militum vehentibus curribus, non pauca alia complectuntur pacta, quæ typis edita sunt Germanica comprehensa lingua, quæ si otium esset, latinè verterem. Ità res maximi momenti, quam suscepit Rex, feliciter cessit, quæ tamen non caruit mœrore, ut mixtura est rerum humanarum. Nam, ne dicam de tot alijs fortibus viris, qui in obsidione interierunt, occubuit in castris Serenissimus Franciscus Etruriæ Princeps, Magni Ducis frater, Iuuenis viuidi ingenij, ad omnem virtutem tantis natalibus dignam factus. is excitatus veræ gloriæ amore, delitias, quibus frui domi poterat, posthabuit labori, profectus in Germaniā militaturus pro Auunculo eo tempore, quo res afflictæ victorijs Regis Gustavi inclinare videbantur. Non diu postquam venit in castra res eò deducta est, ut de rerum summa certandum fuerit aperto in-

cam-

campo cum hoste tot felicibus successibus feroci. In quo quidem conflictu, quo nullus ab hominum memoria fuit acrior, obstinatorque, dum Princeps rem fortiter gerit ibi locorum, ubi maius erat periculum, sensit equum suum exanimatum ictu plumbeæ glandis è magno tormento emissæ. ò fortunatam calamitatem! ò præclara bellicæ disciplinæ initia! Quibus tamen insidias struxit, ut in rebus humanis omnia sunt suspecta, vafra mors. contagione enim castra Regia carpente Iuuenis diuturna vita dignissimus laceffit, inuasusq; à morbo, intra biduum ereptus est non sine ingenti totius exercitus, ac præsertim Regis, qui ipsi sanguine erat coniunctissimus, dolore. Obitum immaturum egregijs Orationibus, & versibus deplorabunt ingeniosi Academici Florentini. Ego quoque versiculos exaravi, quos visum est huic narrationi subiungere. Memoretur interim Magni Ducis Ferdinandi Secundi ingens affectus in rem Catholicam Germanicam, dum non solum sumptus suppeditat ad gerendum bellum, sed & militari dextra suorum Fratrum Cæsaris hostes oppugnat.

*Sereniss.  
Franciscus ab E  
truria cō  
tagione  
correp-  
tus mori-  
tur.*

*versiculos lubuit reijcere inter carmina inferius  
collocanda.*

DE



De Renouandis Studijs  
**P R Æ F A T I O**  
**I N G Y M N A S I O**  
**P I S A N O,**

*recitata in magna aula An. M. DC. XXX.*  
*Cal. Nouemb.*

**Cum contagio lacefferet**  
**urbem .**

**Illu-**

Illustrissimo Viro

ANDREÆ  
CIOLO.

Senatori Florentino, Equitum

Balliuo,

Serenissimi Magni Ducis Primo

Status Secretario.



*A*Erent semper animo litera,  
quas de me tibi exaravit tres  
abhinc annos Vir singulari  
pietate, doctrina, et pruden-  
tia tota Europa, & orbe Christiano notis-  
simus Mutius Vitellescus Societatis Iesu  
prepositus Generalis. Illis namque sic usus  
es in rem meam, ut à Serenissimo Magno  
Duce ad publicam professionem in Gym-  
nasio Pisano accersitus fuerim. Quemad-  
modum autem inde res mea incrementum

F                      cape



cœperunt: ita soles summopere extollere tuam erga me benevolentiam; atque ut magis mihi ipsi satisfaciam in limine huius Præfationis, quæ nunc prodit, publicè, quantum tibi debeam, testatum facio. lubenter verò adderem tuorum meritorum erga Serenissimos Magnos Duces, totamque inclitam Etruriam, commemorationem, nisi scirem panegyrico potius opus esse ei, qui id conaretur facere, quàm breui Epistola, nisi etiam vererer, ne offenderem moderationem animi tui, qui sic civilium virtutum perfectò numero cum placidissimis moribus es instructus, ut malis esse, et agere, quam videri, & laudari. Dabam  
Pisis Cal. Ianuar. M. DC. XXXI.

Illustrissimo tuo Nomini

Obsequissimus Servus

Paganinus Gaudentius.



# PRÆFATIO IN GYMNASIO PISANO.



ON multi numerantur dies, Auditores humanissimi, quando anxie de Studijs hoc anno nostro in Gymnasio renouandis, quærebatur. Et quidem plurima ultra citròque prolata erat audire, ut quiuis quantumvis prouidus cogeretur hæsitare. Quos spes cupidos excitabat, eosdem timor trepidos deijciebat. Hinc quod desiderabatur se probabilibus insinuabat rationibus, illinc impendens dilatio, quidquid erat conceptum, excutiebat: & ut naus aduersos experta ventos, dum obliquo labore nititur vim superare, & portum petere, nunc progredi, nunc retrocedere videtur:

F 2      sic &



*De more  
famæ.*

fic & nos quotquot de reditu ad Academicas  
exercitationes solliciti vivebamus, quia non  
pauca obijciebantur, quasi certa statione desti-  
tueremur, querebamus. Nostis morem famæ,  
Auditores, solet omnia, quæ sibi credita fue-  
rint siue læta, siue tristia augere, & plurimis in-  
uentis in immensum extendere. Sed grauia au-  
ditu potissimum sibi putat amblicanda. & ne-  
scio quomodo fiat, vt mortales opinionem ca-  
lamitate maiorem, & sæpius repositas queri-  
monias suarum cladum velint esse additamen-  
tum. Eo igitur ferebantur crebriores sermo-  
nes, illuc pleræque deuolvebantur cogitatio-  
nes, in eam partem inclinabant coniecturæ, vt  
meliora in tempora differandas esse professio-  
rias prælectiones ominarentur. A remota ve-  
rustate in memoriam nobis reuocabant, quod  
Romani, hominum, qui vnquam fuerunt, sa-  
pientissimi, vbi publici mœroris tempestas in-  
gruisset, indicto iustitio, domos claudebant, fo-  
ra deserebant, vadimonia relinquebant, ve-  
stem pullam sumebant, omnia deniq; ad tristi-  
tiam componebant. & quando vnquam Italiam  
sæuiora fata vrserint, quando felicitate dignif-  
simam regionem facto velut agmine tot acer-  
bitates

bitates inuaferint, concusserint? nam quam partem præterierit, & illam reliquerit lamentabilis vexatio? Ligures ut quiescere dicantur, sumptus facere in alendis militibus, nescios quid ferus vesper ex vicinia possit adferre. Republicam Venetorum aut dolere vices suarum ciuitatum, quæ cum lue couflictantur, aut ex propinquitate Germanorum sentire molestiam & inter bellum, & pacem degere inuitam. confinia Pontificiæ ditionis aut carpi morbis, aut copijs insideri. quanto vero in squalore iaceat Mantua, & suum lugeat agrum direptum. Casaleses post duplicem obsidionem valde incertos adhuc esse, cui sint parituri. quid futurum de Segusio, de oppidis ad Eridanum, an ibi diu hæsurus potentissimorum regum bellici apparatus, ad huc discendum à longa forte die. ac ne externa affectato luctu memorentur, Tusciam immota quidem pace frui tranquillam, sed alicubi iam grauib. morbis lacerata, & primariæ urbi metuere. Inter hæc an quærendæ litterarum amœnitates, an lætis applausibus frangenda subsellia, an de quæstionibus iucundæ instituendæ dissertationes? an quærendum cum Philosophis de cœlestis motus perennitate, quando in

*Calamitas Italig  
breniter  
describitur.*



do in terris instabiles trepidamus, & tollendi oculi ad sidera, quando vix locus suppetit, vbi pedem figamus? an cum lureconsultis de familia eriscunda, de communi diuidendo disputandum, quando quotidie vi metuque mortis non paucos ex domicilio expelli oculis vsurpamus? an quasi fallentes tempus cum Galeni discipulis de calore innato, de quatuor humorum commixtione, de naturæ artificio in contexendo corpore litigabimus, quando potius ad perniciofa contagia eliminanda omissis verbis opere est accurrendum? an vndique conueniendum, & velut comitia cōuocanda studiosorum, quando ne commercij quidem causa, si fieri posset, esset colloquendum? plura etiam iactata meminimus, quorum prolixior recitatio nimiam vestris sensibus iniungeret patientiam. quæ eo vsque, ne quicquam dissimulem, progrediebantur, vt aliqui aut aliena, aut superuacanea cura præcipites, nescio quid de stipendiorum pensitatione cunctanter mussarent, vt præmia opus comitantur, ita per res prolatas non videri largitioni fore locum. quod enim milites mereantur siue pugnent in hostem, siue perinducias intra hyberna degant, id dissimilius

lius esse, quam ut desidi togæ possit prodesse.  
nam ne eo quidem tempore, quo expeditio nõ  
fufcipiebatur, Romanorum in castris aut omif-  
fa pugnarum imitamenta propè quotidiana, aut  
neglectas munimentorum excitationes, tan-  
tum ne torpor subiret paulatim incautos, ut ve-  
rò de re familiari meticulosæ protinus reijceré-  
tur voces, illud animum subinde cruciabat, ne  
consuetudinem cogeremur intermittere docé-  
di. quid, quæso vos, molestius fuisset, quam  
scholasticis deductionibus aliquandiu carere?  
quam mensibus æstiuis silendo iungere hyber-  
nos, aut quod iugi meditatione erat collectum,  
& in commentarios relatum, intempestiua va-  
catione amittere? viri profecto qui sunt nullum  
desidia sentiunt esse laboriosius negotium, nul-  
lam mordaciorem curam, quam cura carere;  
qui si solatium præsentissimum reperiunt in la-  
bore, lancinantur, & torquentur quando per  
ignauiam tempus coguntur traducere. quid ve-  
rò sanctius, quid innocentius doctrinarum tra-  
ctatione? quid suauius, quam, si quid feliciter  
est excogitatum, id ingeniosæ tradere iuen-  
tuti, & sui memoriam apud eos, quibuscum-  
non vulgaria communicantur monita, relinque-  
re sem-



re sempiternam ? struant alij pario de marmore monumenta , incidant æri longos titulos , magnifica dedicent ædificia , vt nomen ab obliuione vindicent , si interim disciplinis qui lucem inferunt , & egregios adolescentes ad arcana scientiarum deducunt , in animis hominum imagines sibi ponant pulcherrimas . dum vero dubij nunc nobis quasi gratulamur tãquam ituri , mox velut mäsuri contrariam in partem retrahimur , dum cum expectatione mali , quæ malo sepe est grauior , congregimur , de repente exorta summæ auctoritatis lux , formidolosam moræ disiecit obscuritatem . nubeculæ sollicitudinis noster animus erat intentus , quam sol Etruscus , cœlesti quam simillimus illicò dissoluit . generosa nempe indoles . quę in Serenissimo Magno Duce à pueritiæ annis eluxit , nunc robore iuuentutis firmata , postquam regiminis sumpsit habenas moderandas , insignia edit virtutum specimina , vt iam nunc sapientes homines non incerto iudicio augurentur fore , vt parentum , auorumque suorum gloriam sit æquaturus , aut etiam supergressurus . nam , ne à suscepto sermone instaurationis studiorum digrediar ad alia , quæ quotidie , vt suarum vrbium saluti consulat

*Sereniss.  
M. Dux  
iubet re-  
nouari stu-  
dia, insu-  
per habi-  
ta contra-  
gione.*

fulat gerit, vt, inquam, quod dicere suscep-  
ram, prosequar, quam expeditum, quam beni-  
gnum se præstitit, postquam celeberrimæ huius  
Academiæ Prospectorem accuratissimum, Vi-  
rum, & doctrina, & magno vfu rerum præstan-  
tissimum, totius nostri ordinis peramantem Hie-  
ronymum à Sommaia audiuit referentem. sta-  
tim singularis beneuolentiæ erga sedem libera-  
lium literarum dedit non vnum argumentum.  
quale illud silentio non potest præteriri, quod  
Galvano, quem qui rectè nouit non potest non  
magnifacere, Pandectarum expositionem re-  
ctissimo consilio iussit deferri, vt desiderium,  
quod nobis Accarisij immatura, & lacrymis di-  
gnissima mors reliquit, non leuiter tempere-  
tur. quod vero, Auditores, me indulgentissi-  
mus Princeps in Collegium Iurisperitorum præ-  
cepit cooptari, id eiusmodi est, vt si dum publi-  
cè dico, dissimuletur, benignitatem largientis  
videar deterere, si narretur, proprii commodi  
inuidiam in caput meum deriuem. quæ verba  
suppetent, quibus vtrumq; scopulum declinem,  
& inoffenso cursu incedam? ita mihi sumam au-  
daciam, vt iactantiæ apud æquos iudices notam  
sperem posse vitari. vltro agnosco, palamque

*M. Aure-  
lius Gal-  
uanus Pã  
dectarũ  
interpre-  
s eruditissi-  
mus, &  
sollertis-  
simus.*

G

recen-



recenseo, ingenij mei nullam esse vim, in studijs exiguum profectum, infantilem esse sermonem, conatum infra huius sedis fastigium, positum. at negare non possum, quod vobis notissimum est, meam in peruolutandis bonis exemplaribus, in commentando operam esse assiduitatis plenam. Quo magis miror reperiri quosdam, quos in nullo non scriptore hospites noui, qui nonnisi vulgaria, & in triuijs decantata promunt dicta & infeliciter vsurpant, quos Musæ nunquam ad sua sacra admiserunt, miror, inquam, quod contentur affanias suas obtrudere, & meis auribus quasi peregrinum aliquod adferant, existiment se posse obrepere. Quibus missis factis, si meam in versandis libris occupationem voluit sua auctoritate prouehere iustissimus Princeps, vni ingens beneficium acceptum refero, vni grato animo gratias rependo, gratulorque omnibus illis, qui de promouendis studijs, de augenda antiquissimæ scholæ gloria suscipiunt sollicitam meditationem. Habemus Principem, excellentissimi doctores, qui nouit exactè quid vnusquisque præstare queat, paratusque est diligentiam, alacritatem remunerari. Scitis quantam liberalitatem

ratē elapso anno erga multos professores exercuerit ; & nuper non est passus quicquam eorū , quæ ad rem facerent , omitti . cum tamen plurima impendat , dum alimēta innumeris familijs , quæ paupertate premuntur , suppeditat . dum tot extra ordinem militātibus mercedem largitur , qui excubias agunt , ne pestiferi morbi latius grassentur . quod si tot inter difficultates non solum gymnasium non negligit , sed tuetur , sed saluū , & incolume seruat , nouis doctoribus instruit quid dicemus facturum , quando nubes hæc trāsiuerit , quādo sublato cōtagionis timore pristina securitas vrbibus , oppidis frequētia restituta dicetur ? quando æquabili transactione paci in vniuersa Italia fuerit consultum , & suum agris longè latèque reddetur decus ? nulli possumus dubitare , quin præclarissima quæq ; ab eo , qui veræ gloriæ cupidissimus est , sint expectanda . ergo , quod superest , egregij Professores , vosq ; optimæ spei Iuuenes , dum optatum ad curriculum reuertimur , immortale numē , cuius arbitrio omnia reguntur , supplices rogemus , vt optimi Principis faueat consilijs , eumq ; quā primū votorum suorū , quibus non minus populorum in Etruria , quā sui ipsius incolumitatē prosequitur , compotē faciat . Dixi .

G 2


De



D E  
EPIDAVRO  
LIBVRNIAE.

E T  
PELOPONNESI,  
De Ragusio, & Ragusina  
Repubblica.

DISSERTATIO.



Illustrissimo Viro

SEBASTIANO  
CELLESIO

SENATORI FLORENTINO,

*Magno Duci a Consilijs*

Paganinus Gaudentius S.P.D.




*Xar aueram carmen, Vir am-  
plis sime, in obitum THO-  
MAE CELLESII,  
fratris tui, cum animaduerti  
non satis distinctè loqui nonnullos scripto-  
res, de Epidauro cum sermo est. quam ob-  
scuritatis nebulam ut depellerem, in ma-  
num sumptis veterum libris, de eo argu-  
mento*



54 Paganini Gaudentij I. C.

mento suscepi disceptationem, atq; id, quicquid est, sub apertam lucem, nisi maxime fallor, protuli. Cum vero funebres versus typis tradere, atque euulgare constituiissem, lubuit in eorū antecessu diatribam ponere de Epidauro, cui tuum nomen ea etiam de causa praposui, ut tibi grates gratiasq; agerem, quod nuper & controuersia ea qua polles auctoritate, et prudentia, finem imposueris, effecerisq; ut qui haftenus certarunt inter se officijs, nunc quoque animis, & mutua beneuolentia sint coniunctissimi. Deus te, Illustrissime Domine, diutissimè sospitet, atq; superstitet, ut ex tua incolumitate decus, incrementum, & gloria ad celeberrimum Gymnasium Pisanum, cuius curā tibi summo cum omnium approbatione demandauit Magnus Dux, quotidie magis, ac magis redeat.

De



Epidaurum ut singillatim agamus,  
 ignorandum non est fuisse quon-  
 dam insulam hoc nomine dictā,  
 quæ tamen desijt esse. Sed num  
 absorpta est? nō id est existiman-  
 dum, si audimus Plinium, ubi enumerat insulas, <sup>lib. 2. cap</sup>  
 quæ continenti sunt adiunctæ, atq; in fine ca-  
 pitis scribit: *Epidaurus, & Oricum Insulæ esse de-*  
*ferant.* consulisset Geographiæ Plinius, si di-  
 xisset, vbinam sita fuerit hæc insula, ut sciremus  
 cui terræ coaluerit. Lucanus videtur eam <sup>lib. 2.</sup>  
 locare Illyrico in mari iuxta Dalmatiam. *Illyrici*  
*seu vela ferantur*  
*In portus Corcyra tuos, seu læna petatur*  
*Illyris, Ionias vergens Epidaurus in undas.*  
 verum ex verbis Lucani non licet certò colli-  
 gere, fuisse Epidaurum insulam: potuit enim in-  
 nuere



nuere urbem, vbi esset portus, quo vela ferri possent. Aliqui ad indicandam insulam trahunt verba Virgilij:

lib. 3.  
Georg.

*Domitrixq; Epidaurus equorum.*

Sed Seruius aliter interpretatur, dum inquit: *Epidaurus Epiri Ciuitas est, equis nobilissima. Sane in Liburnia collocat Epidaurum urbem Pto-*

lib. 3. ca.  
22.

*lomæus. idem facit Plinius: A Narone, inquit, amne C. M. pass. abest Epidaurum Colonia. aliqui*

lib. 48.

*verò legunt: Epidaurum colonia. sub finem tamen capitis rursus meminit Epidauri: Lissum, ait, Oppidum ciuium Romanorum, ab Epidauro C.*

lib. 48.

*M. passuum. Dion quoque meminit huius Epidauri, vbi narrat apud Epidaurios, tumultum coortum, quem tamen Pollio, factis aliquot prælijs compescuit. Eosdem Epidaurios vocat Parthinos: καὶ ἐπιδαυρίοις τοῖς παρθινόις licet*

ibid.

*nonnulli libri habeant: ἐπαυρίοις Plinius in Liburnia recenset hos populos, quos tamen appellat Parthenos: Præter hos, inquit, tenuere tractum eum Oenei, Partheni, Hemasini: & cap. sequenti. A Lisso Macedonia Prouincia, gentes Partheni. quæ cum ita sint, ego verba Lucani, & Virgilij non de alia Epidauro intellexerim, quam Liburnica. Volaterranus*

putat

ranus putat hanc Epidaurum Limiram appellatam fuisse à Pausania, & Strabone. sed diuersam esse Limiram Epidaurum, postea manifestis testimonijs ostendemus. fuerit ne hæc vrbs Colonia Romanorum? video quæri. affirmat idem Volaterranus. alij in Plinio legunt; *Epidarum colonia*, vt Epidæ eam condiderint. At quinam sint isti Epidæ nescio. sanè vulgati cōdices Plinij habent Epidaurum Colonia. vnde facile foret colligere fuisse Romanorum coloniam, præsertim cum Plinius alia Romanorum oppida ibidem collocet. non desunt tamen qui contendat legendum in Plinio ita, vt fuerit Epidarum colonia. hanc Epidaurum ditutam fuisse à Gothis tradit Volaterranus, è cuius ruinis ædificata fuerit Ragusia. quod vnde sumpserit, nescio. nullus tamen est qui dubitet Liburnicam Veterum Epidaurum esse, Ragusium. Ortelius existimat eam à Turcis vocari Dobronicham. Supra trecentos annos Respublica est, & gaudet libertate. nam Augusta, quæ vicina est Insula, anno 1310. subiit Epidauriorum imperium, teste Mauroceno. vt ut verò libera sit Ragusiū, tributum tamen soluit Turcarum Imperatori, quæ causa est, cur Veneti ei non fue-

lib. 16.  
hystor.

H rint



rint molesti, ne scilicet indignationem magni Domini prouocarent. ideò quoque cum Agustani, quorum Insula hodie Curzolæ vicina est, Epidauriorum imperium excutere summopere cuperent anno MDCII. seq. in Venetorum ditionem dedere, reiectæ fuerunt ipsorum preces, ut idem Maurocenus narrat, qui ad annum MDLXXII. annotat, quod transeunte Veneta classe Epidaurij maximè trepidarint, mœnia custodijs militum compleuerint, portas clauserint sublicos pontes sustulerint, atque se velut ad hostium impetum compararint: verum vanus fuit metus. cum (sic idem historico credimus)

*antiquū,  
Reipubli  
cæ Vene  
tæ insti  
tutum.*

ex prisco Reipublicæ instituto non propagandi imperij ambitio, neque viribus impares subiiciendi ardor Senatui vnquam obrepissent. Atq; hæc de Liburnica Epidauro dixisse sufficiat. nunc Peloponnesus nos vocat, ubi duæ Epidauri à scriptoribus constituuntur. ad sinum Saronicum Plinius vnā collocat. *A Scylleo*, inquit, *ad Isthmum CLXXVII. M. pass. portus Chanites, sinus Saronicus, in eo Epidaurum oppidum.* At paulò ante aliam Epidaurum cognominatam Limeram recenset, aitquè esse in sinu Argolico, ubi etiam est Boea oppidum, Zarax, Cyphanta portus,

*lib. 4.  
cap. 5.*

portus, amnes Inachus Erasinus, vt dubitare  
 nefas sit duas esse in Peloponneso Epidauros.  
 Neq; est quod quemquam turbet, quod Mela <sup>lib. 2.</sup>  
 vnam tantum memoret, cum breuiter situm or- <sup>cap. 3.</sup>  
 bis perstringat, & non pauca omittat ex vbe-  
 rioribus aliorum commentarijs petenda. sed  
 distinctius agamus de vtroque oppido. quod  
 est in sinu Argolico ferè semper addito cogno-  
 mine Limeræ profertur à scriptoribus, vt eadem  
 sit Limeræ, & Epidauros Argolica. Thucydi-  
 des vbi alterius facit mentionem simpliciter  
 Epidaurum dicit absq; additamento. At alte-  
 ram Limeram Epidaurum appellat: *Et primum* <sup>lib. 7.</sup>  
*partē Limeræ agrū Epidaurici depopulati sūt.* <sup>lib. VI.</sup>  
 ἀποβάντες εἰς ἐπίδαυρον τὴν λιμερὰν vbi tamen vi-  
 sus est interpres distinguere à Limeræ Epidaurū:  
 ingressi Epidaurū Limerā sunt depopulati. Nisi  
 fortè nomine Epidauri acceperit totū agrū Epi-  
 dauriorū, qui tamen nomen accipiebat à præci-  
 puo oppido, quod Epidauros dictum etiam Li-  
 meræ nomen ferebat idem sic coniungit: *Athe-* <sup>lib. 4.</sup>  
*nienses erecto trophæo in Cythera abierunt, atq; inde*  
*in Epidaurum Limeram.* alteram Epidaurum sim-  
 pliciter, vt dixi, effert. *vbi peruentum est in Epi-* <sup>lib. 2.</sup>  
*daurum Peloponnesi urbem. contigit vt Epidaury* <sup>lib. 5.</sup>

H 2 agrum



*ibid.* agrum Argium incurrerent. Carebat vrbs mœ-  
nibus more regionis, id traditur: *Aduersus Epi-  
daurum contenderunt, expugnatamque urbem muro  
cinxerunt.* Erat valdè munita à natura teste

*lib. 8.* Strabone, in ipso Saronici sinus recessu intimo  
stad. X V. circuitum habens, nauigationem in  
æstiuos prospectans ortus. excelsi verò vsque ad  
mare quaquauersū montes includunt, vnde om-  
ni ex parte naturale munimen habet. Dore  
fuerunt Epidaurij, propterea Dorici generis  
etiam censebantur Æginetæ, ab Epidauo pro-  
fecti, vt testatur Herodotus in Vrania. Eadem  
*lib. 8.* vrbs vna erat ex septem constituētibus Amphi-  
ctyonum conuentum, narrante Strabone. cele-  
britatem autem est consecuta ex templo Æscu-  
lapij, qui quod censeretur sanare morbos, mul-  
tos mortales attrahebat. de templo sunt verba

*cod. lib. 8.* Strabonis ex versione latina; *Erat vero templum  
egrotantium multitudine usquequaque refectum,  
pendentibusque tabellis; in quibus sanati languores  
erant inscripti.* Solebant in eo templo perno-  
ctare, & captare somnia, ex quibus de sanitate  
de optinenda iudicium facerent. respexit Per-  
*sat. 2.* sius.

*nam fratres inter alienos,*

*Som-*

*Somnia pituita qui purgatissima mittunt ,  
Præcipui sunt , sitq; illis aurea barba.*

frustra sunt qui fratrum alienorum nomine acci- <sup>Persius</sup>  
piunt Castorem , & Pollucem . absquè dubio <sup>explica-</sup>  
de Æsculapio hoc intelligendum . At plurium <sup>tus.</sup>  
numero utitur poeta . præcipuè igitur de Apol-  
linis filio intellexit , & de ipso etiam Apolline .  
nam alij addiderunt Isidem , Osirin , ac Serapin ,  
quos omnes post Æsculapium in somnis indica-  
re morborum curationes credidit vetustas . de  
Serapide locus est apud Suetonium in Vespas :  
*Eplebe quidam luminibus orbatus , item alius debi-* cap. 7.  
*li crure , sedentem pro tribunali pariter adierunt ,*  
*orantes opem valetudinis , demonstratam à Serapi-*  
*dæ per quietem : restitutum oculos , si inspisset ;*  
*confirmatum crus , si dignaretur cake cõtingere . ve-*  
*rùm de somnijs captatis in tẽplo Æsculapij apud*  
*Epidauros extant apud Plautum in fabula , quæ*  
 *fingitur euenisse Epidauri . sunt verba Lenonis :* in Curcu  
lione.

*Hac nocte visus sum viderier*

*Procul sedere longè a me Æsculapium ,*

*Neque eum ad me adire , nequè me magni pendere*  
*visus est.*

Et monet alter :

*Hoc animum aduerte , pacem ab Æsculapio*

*Petas ,*



62 Paganini Gaudentij I. C.

Petas, ne fortè tibi eueniat magnum malum.  
dixerat antea:

*Id ideo fit, quia hic Leno agrotus incubat  
In Æsculapij fano.*

Id autem præ omnibus traditur a veteribus ad  
commendandum Epidauriorum Æsculapium,  
quod cum Romæ aliquando sæuiret contagio,  
& densaret funera, neq; modus reperiretur de-  
pellendi perniciem, inspecti sunt Sibyllini libri,  
compertumq; non aliter pristinam recuperari  
salubritatem posse, quam si ab Epidauro Æscu-  
lapius esset accersitus. paruerunt Patres fatidi-  
cis monitis, missisq; legatis adduxerc opitula-  
torem specie serpentis apparentem. rem totam  
amplis verbis recenset Valerius Maximus. Epi-  
tome Liuiana narrat li. XI. *cum Ciuitas pestilen-  
tia laboraret, missis legatis, vt Æsculapij signum  
Romam ab Epidauro transferrent, anguem, qui se  
in nauem eorum contulerat. in quo ipsum numen es-  
se constabat, deportauere.* Ouidius in eo diuersus  
est à Valerio, quod Sibyllinorum librorum in-  
spectionem præterit, aitq. profectos legatos  
Delphos, interrogasse, qua ratione auerrun-  
cari posset exitialis morbus? respondisse Apol-  
linem; templum Æsculapij petendum. iter idē  
poeta

vid. lib.  
meum de  
Prodigijs  
ferè in  
princip.

lib. 1. ca.  
8. nm. 2.

lib. 15.  
Metam.

poeta describit, neque dissimulat Antio egressum Æsculapium, ingressumque delubrum parentis. Antij namque colebatur Apollo. Sed Valerius memorat, quod prolapsus fuerit in vestibulo ædis Æsculapij, & triduum ibi hæserit. quod sibi elegerit sedem in insula Tyberina vñ scriptores referunt Ovidius, Valerius; neque caruisse aduentū Serpentis optato euentu profligata peste. Ovidius.

*Et finem specie cæleste resumpta*

*Luētibus imposuit, venitq; salutifer vrbi.*

Valerius: aduentu suo, tempestatem, cui remedio quasitus erat, dispulit. Ceterum, quid sentiendum de eiusmodi narrationibus, quid statuendum de talibus morborum remedijs, quæ diuinitatis speciem præ se ferre videntur apud gentes superstitione imbutas, iam pridem à grauissimis viris est expositum. Videsis lector Bellarminum. sed nunc nobis sufficiant, quæ proferruntur à Tertulliano in Apologetico contra Gentes: *Habent (Dæmones) de incolatu aeris, & de commercio nubium cælestes sapere paraturas; vt & pluuias, quas iam sentiunt, repromittant benefici planè, & circa curas valetudinum, lædunt enim primò, dehinc remedia præcipiunt ad miraculum*

*noua,*

lib. 1. de  
Notis Ec  
cl. cap.  
14.



64 Paganini Gaudentij I. C.

*nova, siue contraria.* Sapere paraturas in loco  
Tertulliani nihil aliud est quam nosse, quomo-  
do parentur remedia. atq. significatum verbi  
cap. 23. sapere retinet Italica lingua. non omittit idem  
doctissimus Afer dicere, quod *Æsculapius me-*  
*dicinarum demonstrator iussus à quolibet Christiano*  
*loqui, spiritus ille se dæmonem esse confitetur.*




IN

I N  
NATALEM  
Sereniss. Etruriæ Magni Ducis  
FERDINANDI  
SECUNDI

*Qui incidit in Festum S. Bonaventura,  
Narratio, An. M. DC. XXX.*





AEC Superis electa dies, qua pu-  
rior aether  
Splendeat, & toro depellat nubila  
Mundo.

Quæ tantum terris gessit decus. Ite per astra  
Pierides, cœloq; nouum deducite carmen.  
Aut humili cantum, Diuæ, sine more ciete,  
Aut tantam tacita lucem veneremur acerra.  
Sed siluisse nefas. nostrum bona gaudia pectus  
Concutiunt, stimulos vertit Pifæus Apollo.  
Si quondam, quæ se deuoluunt Tybridis undæ  
In mare Tyrrhenum, de prisca lufimus urbe,  
Nunc nos Arnus habet, totiesq; optata Samœnis  
Otia largitur, fuadetq; impellere Cyrrham,  
Auspicijs, FERNANDE, tuis nunquã irrita Phæbo

Vota

*Vota cadēt, nunquā deērunť sua Numina Vati.  
 Fallor an huc Musamigrant Helicone relicto,  
 Et de Pierijs diffundunt fontibus undam?  
 Quin Pater, ipse chori Praeses, pro vertice Pindi  
 Concelebrat generosa tuos Florentia colles.  
 Latus adest, agnosco Deum, nec fallit imago  
 Lumina nostra leues non admittentia formas.  
 In medio residens, diuino pollice chordas  
 Impellit, doctaq; affatur voce sorores:  
 Dum lux exoritur toti notissima cælo,  
 Quæ FERDINANDO affulsit, cum luminis auras  
 Hausit, & æthereum Tusco caput extulit orbi;  
 Vos hilares celebrate diem, vos munere diuū,  
 Quæ Magno patuere Duci, memorate canentes,  
 Et quæ felici voluerunt stamine Parca,  
 Cumpuero adstiterunt nascenti, dicite Diuæ,  
 Dicite, et alternolaudes committite plausu.*



**S**IC præfabar, quando mutato consilio,  
 Tuscis poetis, quorum mater, florentissi-  
 ma est hæc vrbs, Natalem tuum Serenissime  
 Domine, celebrandum relinquere decreui. Cur  
 enim peregrinum carmen interponerem Etru-  
 scis delitijs, quæ numquam Græcæ, & Latinæ  
 elegantię apud æquos iudices cesserint? Dedit  
 iam pridem Prouincia, quæ tuo paret imperio,  
 eas amœnitates, quibus suas opes lubenter au-  
 gerent Heroes antiquis temporibus nati, si  
 caput extollere, si poemata ad Arnun dictata  
 possent relegere. At iacent illi, & in squalore  
 iam dudum consenuerunt loca quondam decan-  
 tatissima. Nostra vigent, & si superiora secula  
 Dantem, Petrarcham suspexerunt, habet ho-  
 die Tuscia Saluadorium verè Musarum Serua-  
 torem, qui quod placet, quod Quærengos,  
 Aleandros laudatores inuenit, etiam tui mune-  
 ris est, qui Scriptorem profecto egregium mu-  
 nificentia foues. Nec enim hætenus Tibi suf-  
 ficit, aut in iurisprudencia Curinos, in Medi-  
 cina Castrenses, aut in Philosophia Galilæos,  
 Claramontios benigno fauore prosequi, nisi &  
 politiorum scriptionū auctores præstò habeas.  
 Maeste hac delectatione, Serenissime Domine,  
 Tuorum

Tuorum Maiorum hac quoque in re nulli Secunde, & me non orantem hac lætissima die, sed aliquid præ deuoto obsequio dicere gestientem, propitio numine admitte. Nec enim operosum cincinnatæ structuræ apparatus affero, non sinuosum verborum ædificium molior. Quæ peregrinus nuper aduentans audiui simpliciter narro. Hæc mea felicitas est, cum arte destituar, narratione iuari, quæ quò minùs à simplicitate abit, ad veritatem accedere dicitur propiùs. Atq; nunquam ad homines maiorum gentium aspiraui, & vt me à profano vulgo diuiderem, operam dedi. Sic cum mediocribus quàm benè mihi conuenit. quibus semper incolumitas ciuitatum nitiur. Qui verum & nosse possunt & dicere amant. plebs aut rarò, aut nunquam eligit. cœcis passibus it, quæ ut-cunque signatur iter. Proceres aut ambiguè dicunt, aut excogitato commento, quæ spirat aura commodorum, vela sermonis obliquant. Medij nec inscitia peccant, ne causas affectuum habent. Horum colloquia semper frequentaui. horum etiam contubernium quæsiui. cum his tempus transigere quam iucundum. Hic seria iocis temperantur. sic vetera reponuntur,

vt re-

quibus  
nos deco-  
at fami-  
liariter  
vit?



vt recentia non negligentur. Nec mihi difficile fuit in hac quoque Ciuitate quamprimum his coetibus misceri. Illicò iunguntur, qui fronte hilaritatem, lingua præferunt sermones, in quibus dolosæ spes vtilitatis nullam habet partem. Cùm verò intra paucos dies de multis contigerit cum fructu conferre, de tuo die Natali vigesimo primo erudita fuit confabulatio, atque eò tandem omnia commodè redibant, vt te pie felicem, & feliciter pium extollerent, colligerentque non posse non esse felicem, qui pius sit, & felicitatem solidam, mite gaudere pietate, nec posse offendi Nemefin, si celebretur felicitas eius, qui aliter esse nolit felix, nisi sit pius, persuasumque habeat, felicitate excidere non posse eum, qui à pietate non discedat. atque hæc cum dicerentur summo omnium assensu, non potui me continere, quin cæstro cuidam habenas laxarem, & in hunc verborum circuitum, excurrerem: ò fortunatam regionem, ò beatā Etruriam, dum fasces veneratur illius, in quo sic emicataugusta ex Heroico genere maiestas, sic splendent ingentes virtutes velut per seriem lōgo ordine transmissæ, sic lucent & corporis & animi

animi clarissima ornamēta, vt velut sol quidam omnia suo circumplexu moderetur Pietas; & cum proprio lumine illa possent consurgere, ab hac malunt omnes radios accipere. Sed iuuat aliqua ex ijs, quæ tunc fuerunt prolata, recensere. Fuit enim qui sic ferè loqueretur: Nam quanta est Cœlitum in hos populos benignitas hac tempestate, quando inclyta Italia, & regina prouinciarum meritò vocata ad solitudinem propè redigitur?

*Lugent abductis arua colonis.*

Exustis oppidis, fugatis aut internecione delictis incolis, sterilitatem induunt agri. Alpes utrinque infestis exercitus immittunt. Duplex bellicosa natio velut torrens.

*Quæq; suum populatur iter.*

Italici generis, & animi qui sunt, aut ambigui in euentum hærent, aut exteris iuncti in contraria studia scinduntur, & quod pessimum, sic aqua lance pondera rationum aut leuantur, aut premuntur, vt ne quidem oculatissimi, quæ meliora probari mereantur, videant. Nec satis est calamitatum, pestiferi morbi non vno cladis genere grassantur in capita miserorum ciuium, quorum aliqui si conentur erumpere, necessa-



necessaria scuitia ad mortis theatrum repelluntur. Ita si circumferamus oculos. vbiq; deprehenditur

*Plurima mortis imago.*

Vix quicquam superest, quod aut morbi, aut bellum, aut annonæ incendium non occuparit hætenus; & etiamnum miserandum in modum non populetur. Etruria tamen tamquam cœlo præ reliquis dilecta, in hanc diem incolumis seruatur. hæc bona Tusci vno ore Magni Ducis & prudentiæ & pietati imputant. Hinc omnium in ipsum augetur amor, & quacumq; incedit, velut salutare sidus suspicitur, & tamquam Deo coniunctissimus verissima prædicatione celebratur.

<sup>a</sup> ANDREAS SALVADORIVS, *eximius Poeta, tres ab hinc annos obiit, relictis ingenij sui monumentis, quorum pars edita versatur in manibus eruditorum magna cum laude Scriptoris, pars autem & quidem maior non sine publici saporis detrimento.*

<sup>b</sup> ANTONIVS CVRINVS Pontremulensis, ad quæ legetur inferius gratulatio, non expers laudum, quæ debentur ipsius sapientiæ atque prudentiæ. Summus nunc est Etrusci Fiscus Patronus, in  
quo

quo munere obundo tanta ipsius est dexteritas, & integritas, ut apud omnes cuiuscumque ordinis optimè audiat.

<sup>c</sup> STEPHANVS RODERICVS Castrensis mortuus est anno præterito, insignis sine controuersia Medicus. hodieque enim à nobilitate Florentina, ubi lucrandum est cum graui, difficiliq; morbo, eius opera desideratur. quod dixisset in libro de Meteoris Microcosmi, Fortunium Licetum, qui hodie Eminens est Bononiæ Philosophus, garrire, quodque in libro de Asitia eius opinionem de facultate animæ alterice quandoque feriente, oppugnasset; coactus est deinceps acerbissimæ cōtentionis reciprocare finem, quæ se coniunxit cum plurimis conuitijs, & maledictis, non sine indignatione Sapientum grauiumque virorum, meritò existimantium fas esse cum alio dissentire absque periculo amicitiae, modestiaeque exutæ, & procul ire iussa nota.

<sup>d</sup> GALILAEVS GALILAEI, Carissimus Serenissimo Magno Duci, reliquisque Principibus ab Etruria, adhuc superest, & licet aduersa prematuræ valetudine, senioque sit confectus, non desinit tamen subinde excogitare, ut mirè acutus est, quæ possint Philosophiæ, & præsertim Mathematicarum disciplinarum pomeria extendere.

K


Scipio



74 *Paganini Gaudentij I. C.*

° *SCIPIO CLARAMONTIVS, clarissimi nominis Philosophus & Mathematicus, omnigena doctrina instructissimus, summa morum probitate conspicuus, iam degit in Patria, otij nescius, emittit apologeticum aduersus Gloriosum, propediem daturus accuratissimos libros de Methodis. molitur etiam antiquitates Patrias.*

*Hæc placuit subiungere nunc, dum cuditur liber Ann. M. D C. XXXVIII. die VII. Octobris, quæ solemnis est & lætissima Florentiæ ob natum Regi Christianissimo Delphinum.*



FER-


35  
FERDINANDVS  
INTREPIDVS  
S I V E

*De præsentia Magni DVCIS, cum Floren-  
tiæ glisceret pestis.*

Dictio lecta Pisis inter amicos.

*Quaritur præcipuè, an scilicet contagione, parsit  
Principem degere & manere in pri maria  
vrbe, siue Metropoli?*





XPPOSITIONES, quibus Iu-  
 risconsultorum dictis lucem con-  
 ciliare conor, Serenissimo Ma-  
 gnò Duci cum offerrem, facien-  
 dum mihi putavi, vt sub finem  
 præfationis generosam tanti Principis constā-  
 tiam extollerem, qui furente peste se periculo  
 non subtraxit, sed intrepidus sic semper egit in  
 vrbe, vt maximum inde totus populus perce-  
 perit fructum. Beneficium semper memoran-  
 dum ego tunc paucis sum complexus verbis,  
 cum scirem breuiter loquendum cum eo, cuius  
 tempora morari, est grauius in publica com-  
 moda peccare; cogitarem etiā sic debere lau-  
 dari res præclarè à summis viris gestas, ne dum  
 veritas pigmentis Rhetorum expolitur, dumq;  
 splendore dictionis illustrari videtur, oratori-  
 am prolixitatem aduocet, declamator ijsq; nar-  
 rationibus euadat similis. Nunc verò cum su-  
 binde ingentem, & admirandam optimi Prin-  
 cipis

cipis erga dilectissimos ciues cogitando expē-  
do humanitatem, tot tantaq; momenta in vna  
re deprehendo, vt exestimem diffusissimam di-  
cendi copiam sic intra lineas veri posse confi-  
stere, vt nemo ei historicam grauitatem foret  
multa obloquendo detractus. atque vtinam  
ea mihi esset ingenij vis ad cognoscendum, ver-  
borum vbertas ad explicandum, qualem qui-  
dem rei, qua de agitur magnitudo, requirit,  
efficerem profectò exeri magis magisq; nobis  
gratulentur, quibus contigit hoc tempore in  
Etruria degere. Quod si longè impar euadet  
meus sermo felicitati, qua vtimur, non frustra  
tamen erit conatus, commendabiturq; volun-  
tas eius, qui postquam certatim omnes Tusci,  
in pulcherrimum argumentum se effuderunt,  
molitus est aliquid, quod nulli subtractum quis  
possit affirmare. nam si pauperum clamorem,  
diuitum trepidationem, feretrorum multitudi-  
nem, leſticariorum discurrentium turbam de-  
scribam, illicò à me actum agi, clamabunt. Si  
regiam annonæ largitionem, & solemnem cir-  
cumeuntibus tot patricijs distributionem refe-  
ram, omnia esse vulgata, ingeminabunt. Si ve-  
rò magnanimi principis præsentiae, quæ instar  
maxi-



maximi solatij fuit metu grauissimo perculsis, immorer, tunc non ludi operam vos dicturos non immeritò sperarim. Et sanè mirum non est, plura posse in medium proferri, quando nihil putem reperiri ex immensa mole ciuiliū meditationum, quod maiorem segetem non vulgaris dissertationis nobis possit suppeditare. Quid enim est Princeps in ciuitate, nisi quod Deus in toto orbe, in naui gubernator, in exercitu Dux? Si se mundo subduceret Numē, ad indigestam molem omnia illicò redirent. clauum si defereret magister, desperato portu in scopulos, & saxa ferrentur nautæ. sublato eo, qui imperat, hostibus deberent ludibrium milites. Ita secedente eo, qui regiminis habenas moderatur, quid futurum, nisi vt sursum deorsum omnia vertantur? Sed nolo ita audacter præcipere, præsumereq; illud, in quo contentionem à se reciprocari posse putant nonnulli. nam audeant sanè ipsi liberè obstrepere, obfirmareq; animum, vt sentiant in summo vitæ discrimine consulendum incolumitati eius, à cuius salute pendet communis omnium salus. Ego tela omnia, quæ vibrant, opposito saluberrimæ sententiæ clypeo excipiam, vt generosus  
Domi-

Dominus extollatur, quòd cum licuisset nō sine magna verisimilitudine secessū præferre, maluerit adesse laborantibus, maluerit, vt alij minus periclitaretur, periclitari. An, inquiūt qui molliora consilia suggerunt, quisquam erit, qui non reprehendat nimiam facilitatē Ludouici Regis Pannoniæ, qui cum aliquot millibus non veteranorum militum obiecit se immensis Solimāni copijs, infelicitèq; interiit? Certè barbarus hostis miseratus vices iuuenis interempti detestatus est inscitiam, imperitiamq; eorum, qui certissimæ morti eum obtrusissent. Sed fortè se possent illi excusare, quod Pannonēs dicerent, vetustissimam hanc esse illius regni consuetudinem, vt non nisi præsentē Rege pugnaretur in hostem. Verū quæ hæc esset supersticio, non posse depelli publicam contagionem, nisi Princeps in frequentissima totius Prouinciæ ciuitate moras traheret, existimare? An fortè confugiendum ad insanissimam Thracum opinionem, quos error Mahumetis dementauit, vt censeant frustra vitari fuga pestiferos morbos, quando, vt non nemo ex ipsis aiebat, pestis nihil sit præter sagittam Dei, quam nequicquam tentent mortales euitare diligentia. Europeos

Rex Ludouicus  
interemptus in  
pugna  
aduersus  
Soliman-  
num.



80. *Paganini Gaudentij I. C.*

reptos, profecto Reges contra sentire nemo est  
adeo nostrarum rerum ignarus, qui nesciat. In  
vicina Gallia, ubi Parisijs lues edit stragem, re-  
ceptum, ut Rex ad Fontembella quæum diuer-  
tat. Apud Britannos ille, quem superbo titu-  
lo Tassaractus appellat Euphormio, quando  
serpens tabes gliscit Londini, absque mora re-  
gias domos, quas plures procul ab urbe habet,  
petit. Nec alia ratione se gessit Lusitaniæ olim  
potentissimus Rex, cum sauiente morbo Vlyss-  
ippo cadaueribus compleretur. Ita discessit, ut  
minimè migrasse dici posset. An enim Princi-  
pis præsentiam metiemur, aspectu, an æstima-  
bimus solo alloquio? Plebeij certè est iudicii  
non posse assurgere cogitatione nisi ad ea, quæ  
oculis conspiciuntur. Habet etiam mens suum  
lumen. Nouit Solem, ut ut noctu non cerna-  
tur, sua tamen vi non destituere terræ eam par-  
tem, quam tunc radijs non lustrat. an quisquam  
animam, qua dignitas hominis constat, est in-  
tuitus? Nullus id affirmatum ibit. an propte-  
rea non exerit vires? non exercet potentiam?  
vnde igitur sensus, quo innumera percipimus,  
vnde motus, quo nos in tot partes vertimus?  
Puerorum est, ut sint tuti à terribilimentis, ad  
gre-

gremium matris se recipere, opinarique suam salutem esse conclamata, nisi dulcis genitricis aridentes contemplantur vultus. præsens, imò præsentissimus est Princeps, quando, dum contagio serpit, itinera excubijs suorum militum tuetur, quando ad vrbes, ad oppida pressa malo iubet trumentum, & alia subuchi alimenta. Quum suo iussu, non patitur ægrotis deesse Medicos, reliquosque, non vespillones desiderari, vt mortua corpora terræ mandentur. Quando ipso imperante præstò sunt cum extraordinaria auctoritate Magistratus, qui vnumquemque in officio contineant, efficiantque, ne, dum summam rerum confusionem ostentat inuidia fati, ordo desit. hæc omnia in extremo terrarum tractu, ad Oceanum nempe, vbi Vlysses sui nominis portum construxisse dicitur, cum præstitisset Rex, tandem desideratissima valetudo redijt, recollegerunt animum qui supererant, repetita commercia, receptus splendor, ciuilia munera reuocata. An Regem illum quicquam in se passum desiderari dicemus? an defuisse officio, quod est pastoris populorum, pronunciabimus? an prodidisse subiectam sibi gentem contendemus? absit à nobis hæc infania. Quin potius

L                      velut



82 *Paganini Gaudentij I. C.*

velut decet gratam posteritatem meritis laudibus eum ornabimus, alijsque, qui in summo in fastigio sunt collocati, imitandum proponemus. Videtis, puto, Auditores hæc talia esse, ut si FERDINANDVS benignissimus noster Princeps suæ salutis consulisset tunc, cum Florētiam depascebatur lurida vis morbi, seq; ad Cæsareum saltum, aut Ambrosianam planitiem, aliumque ex amœnissimis, quos habet, locis, contulisset, non propterea non potuisset omnem partem sollicitudinis, qua in eiusmodi difficultatibus est opus, implere. Et sanè qui tunc eramus illic memoria tenemus, quod nemo non eam talem absentiam destinabat, putabatque rem iam esse consilio confectam. Repetebantur tempora, quæ tribus abhinc seculis inciderant, accuratissimè ab elegantissimo Boccaccio descripta, quando vix fuit ullus paulo opulentior civis, qui rus non concessisset, ut nonnulli ex tenui plebe viliora capita tunc ex ædibus non mouerint gressus. Eo igitur exemplo quis sibi iam abitum non ponebat ob oculos? Tantum ut præiret dominus præstolabantur. ac in tali expectatione (mirum dictu) vix erat qui crederet, cum peste conficiari eam urbem, ex qua non-

*Aliter  
tam r s  
ab alijs  
narratur*

nondum Magnus Dux sedem transtulisset. prope in eo erant, vt dicerent suos sensus falli instar eorum, quos noctu ludunt infomnia. nam hinc crepitacula monentia, vt quis sibi cauere, passim audiebantur. furui comites, velut Plutonis satellites, cum sandapilis huc illuc cursitabant, sub vesperam non incertus rumor iam cētum, mox plures, in Libitinæ ærarium venisse ferebat. Illinc omnes quærere, cur cunctaretur. Curia? cur non expeditum esset alio iter? quæ causa foret moræ? Atque illuc erant qui deuenirent putantes, augeri famam calamitatis, & multa falsò in vulgus spargi ab illis, qui ex alieno dispendio quærerent compendium. Nec defuerunt, quod prope incredibile narratu est, ex numero Medicorum, qui multa disputando differerent, falsò illam pestem vocari. non rectè ei pestilentia nomen imponi. Adeò præsentè Principe minuebatur metus etiam in summo periculo, vt cautissimi, peritissimiq; in opiniones diffformes transuersi adigerentur. Interim:

*Serpebat violenta lues, perq; omnia latè.*

*Compita pestiferum virus spargebat eundo.*

*Non medicas adhibere manus, non gramine succos.*

*Proderat expressos, vario miscere paratu.*

L 2

*Ipseq;*



*Ipsaq; Tusci olei vis te tra aconita retundens*

*Sæpius indomito visa est cessisse dolori.*

Quid hæres Ferdinande? Quid circumspicis?  
Subtrahe te his malis. te saluo, omnes salui, at si  
quid tibi humanitus in certissimo discrimine  
contingeret, quis non periret? aberis quidem  
duorum millium passuum spatio, sed submittes  
auxilia. His fere verbis vix erat, qui tacitus,  
venerationisq; plenus suum dominum non cõ-  
pellaret. Ille tamen pergere propositi sancti  
tenax, non aures blandiloquis sermonibus por-  
rigere, sed certò apud seipsum statuere, non de-  
ferenda mœnia, ne se prodeunte, pleriq; ciues  
hac illac in vicinas villas protinus diffugerent,  
cæteri; faucibus orci obijcerentur. at iacta-  
bantur frequenter illa, quæ ab initio vestris sen-  
sibus ingessi, taliaq; dicebantur esse, vt difficil-  
limum foret, modò quis nollet subtiliter nimiũ  
altercando obniti, eis occurrere, dissolvereq;  
nodum, quem necessitas ipsa, qua nihil est con-  
strictius, nexuisset. Ac vt liberè dicam, quod  
sentio, de grauissima quæstione, fateor maius  
consultationi illi inesse robur, quam vt argutan-  
do multa; comminiscendo diffilari distrahiq;  
possit. Quin potius ad illud, quod tradiderunt  
scripto-

scriptores, dum de moribus agunt, velut arcem  
editissimam, tutissimamq; ascendendo aspire-  
mus. nam grauius obseruatum à summis sapien-  
tiæ Magistris duplicem esse Virtutis modum,  
vnum quidem, qui pectora mediocri ratione  
impleat, & à vitijs sic redimat, vt tamen intra  
fines consistat humanæ probitatis, & sollertiae.  
Quam quidem sic exposuit Stoæ alterum lumen  
Seneca, vt omnibus obuiam dixerit, quodq; ne-  
minem respuat, neminem, modò accedere ve-  
lit, dedignetur. ad hanc obrussam, quod à Ma-  
gno Principe profectum, nunquam censuerim  
exigendum. altius est surgendum, sublimius quid  
est reponendum, ne tantæ gloriæ maiestas te-  
nuitate meditationis eleuetur, deducaturq; in-  
tra illos limites, quibus tanta animi magnitudo  
capi nequit. Exerat itaq; amabilem frontem,  
veritas, diffundat radios ingenua confessio, te-  
nebras pellat certissimæ explicationis clarissi-  
mus sol, vt intelligamus alteram mensuram præ-  
stantiæ, quæ decorat mortales, esse humilitatē  
humanam superare, viam fideream terere, iter  
olympo affectare, cœlitibus simillimum fieri,  
cōcilio diuorum adscribi. Est scilicet quoddam  
decus, vt in Peripato paululum cum Stagirita  
deam-

*De virtu-  
te heroi-  
ca disse-  
runtur  
nonnulla.*



deambulemus, quod diuinitus cum contingat, numero hominum quosdam, sed paucos, ita eximit, ut Heroas appellatos velut Deos pulcherrima, & beatissima transformatione efficiat. Hic ille est ardor, quo freti Hercules, & è Troia Aeneas à docta vetustate Tartara ipsa potuisse adire, & incolumes inde redire dicuntur. Quod remoto sipario ingeniosi fabulamēti nihil aliud esse putandum, nisi illos extra ordinem fortes, excellentesq; cum forent, ut humanæ societati prodesse, caput suum obiecisse tot laboribus, quos si qui alij subirent, temeritatis notam non effugerent, tristissimumq; exitium absq; ullo profectu sibi attraherent. Et quid quæso illud est, quod genitos alterutro parentum deo, deaq; ferret fama, nisi ut sibi omnes persuasum haberent, homines quidem illos fuisse, at cœlitus egregios extitisse, colligerentq; non esse par, ut quæ ipsi potuerint aggredi, in trutina, qua librantur cæteri ciuilis vitæ euentus, ponerentur? Beastis non quicumq; hæc monumentis chartarum vestrarum estis interpretati. nam iam Heroem nostrorum temporum agnoscit, veneratur, adorat Etruria, nec Romanis Quirinum, non Atheniensibus Theseum inuidet. Fatetur nonni-

nonnisi cœlesti vigori ipsius tribuendum, quod Florentia quamdiu horrida mors passim innumerorum hominum portam ausa est impellere, re ipsa clamans Principem posse tantisper secedere, Florentia, inquam, est intuita, semper manu liberalem, consilio prouidum, opere promptum, alloquio benignum, fronte hilarem, pectore inuictum, cogitatione vigilantem, affectu sollicitum, pietate religiosum, proposito constantem. hos titulos vniuscuiusq; gratitudo imagini, quam mēs artifex erexit, inscribit, & postquam detonuit procella, gaudet sic auctam Magni Ducis famam, cuius initia maximi sunt, ut cum iam clemens, iustus, rebus prospere fluentibus vocaretur, nunc depulsa à ceruicibus omnium calamitate, non sine suo periculo, fortis, intrepidusq; heroico cognomento celebretur.



DOCTI



DOCTI LABORIS  
DEFENSIO.


Oratio, habita

*In primario auditorio celeberrima*

*Academia Pisana,*

Solemni more ad publicas cum  
rediretur prælectiones.

*An. MDCXXXII. Cal. Nouembris.*



Eminentiss. & Reuerendiss.

D. GVIDONI  
S. R. E. CARDINALI  
BENTIVOLO.



*ISTVM in librum si præsarer,  
tuarum ingentium virtutum præ-  
dicatione aliquot implerem folia,  
nunc quia non licet nauē cymbæ al-  
ligare, aut ædiculæ laquearia impo-  
nere, vel flumen in riuum deducere, imitor eos,  
qui dum properant aliò, in transitu templi, po-  
plite leuiter inflexo, ori admota manu, & capite  
aperto salutant Numen. Ita ego breuiter veneror  
eminentissimam tuam præstantiam, dum ad ora-  
tionem solemni more nuper recitatam accelero gra-  
dum. Tempus erit, cum sacras eðes ingressus non*  
M tra-



908 Paganini Gaudenti I. C.

tralatitia allocutione tua Suade ambibo maiestatem,  
Et tabulam afigam, quae uberiori inscriptione te-  
stetur obsequium erga te meum. Interim clara ver-  
ba praetereuntis propitia aure excipe, ut quilibet ho-  
spes intelligat, non posse toto me desideriorum modo  
excidere, dum sub tutelari Cardinalis Bentiuoli  
praesidio preces concipio.



ORA.



## O R A T I O .



**D**E labore dicturus publicum ad curriculum dum reuertimur studiorum, illius non tam laudes recensebo, quam defensionem suscipiam. diligentia namq; quam mortales impendunt, dum sustinent eam partem, in qua locati sunt, tanta commendatione esse digna videtur, vt omnis opera in ea extollenda superuacanea esse existimanda sit. At occurrendum est conuitijs eorum, qui ignauiam palam professi, & otio indulgentes aliorum conatus acerbis contumelijs traducere, & maledictis perstringere non verecundantur. vbi statim Tullianum illud non possum non ingentem dolore repetere; ò tempora. ò mores. huc cunc rerum deuentum, vt segnitie sapientiæ nomen reportet, assiduitati verò stuporis, &

M 2 de-



dementiae nota impingatur? Atqui quoquo-  
 uersum oculos flectimus, quocumque cogita-  
 tionem versamus, omnia tantum non elata vo-  
 ce nos ad strenuam exercitationem excitare,  
 atq; impellere deprehenduntur. Rerum om-  
 nium conditorem dum intuemur, vt defatigā-  
 tem molestiam ab infatigabili numine remo-  
 uemus, ita perpetui operis seriem ei attri-  
 buimus. non enim absque verisimilitudine  
 Theologorum multi dixerunt in idem ferè re-  
 cidere quod res cōstruxerit, & easdem conser-  
 uet, vt conseruationem fas sit appellare iugem  
 quandam, & non interruptam creationem.  
 quicquid verò hac de re sit, satis constat, Deum  
 nihil aliud esse, quam mentem perenni intelli-  
 gentia præditam, vt omnis vacatio ab intelli-  
 gendi munere procul facessere iubenda sit,  
 quoties de summo mundi arbitro sermo insti-  
 tuitur. Si verò ad Platoniorum scholam di-  
 gressi, cum diuino Philosopho de anima mun-  
 di differamus, continuò cum Anchise dicemus.

--- *cælum, ac terras, camposque liquentes*

*Lucentemque globum Luna, Titaniaque astra*

*Spiritus intus alit, totamque infusa per artus*

*Mens agitat molem.*

Cum

Cum enim animantes quotidie veniant in luminis auras; admirandam hanc animam ociari, nemo, nisi qui desipere velit, affirmarit. Iam sol perpetuo suo motu, nonne nos, ut ignauiam auersemur, tacite monet? Hinc sacrae literae eum, ac si Gigas foret summa celeritate praeditus, ad decurrendum spatium exultare prodiderunt. Hinc fabulosae historiae ei equos, currum, rotas, flagellum egregio commento adscripserunt. Nam audiendi non sunt, qui veterum monumentorum imperiti, aiunt, Pythagorae sententiam fuisse, quod sol immotus, ac si centrum huius vniuersitatis foret, in medio hæreat. Atqui de Samio philosopho nihil eiusmodi reperimus, & Philolaus ex eadem disciplina, solem circa ignem, Vestam dictum, ferri, si Sto-<sup>in eclog.</sup>  
<sup>phys.</sup>bæo credimus, docuit. Nunc terram perpetua vertigine rapi quia sentire fas non est, nullum tamen industriæ exemplum illustrius extare putandum, quando tam gnauiter operatur, ut omne genus animantium alat, hinc propterea alma æterno cognomento appellata. Ac ne per singula eamus, in nos ipsos dum descendimus, tam multa, quæ socordiam excutiant, inuenimus. Nonne calor innatus, quo vita constat,



*cel.bris  
lamē phi  
tosophus  
Fortum-  
us Lice  
tus docet  
quādoq;  
animæ fa-  
cultatem  
altricem  
feriari.* stat, in depascendo insito humore, velut pabu-  
lo sese exercet? nonne quicquid alendi causa,  
suscipitur, idem vt in succum, & sanguinem ver-  
tat, absq; intermisso opere, efficit? Flabellum  
animę pulmo irrequietus, aut trahit, aut expel-  
lit aerem, æstum cordis vt temperet, spiritibus-  
que (quos vocant Medicorum filij) genera-  
dis materiam præbeat? Nam & tunc, quando  
sopor occupat artus, &

*in irriguum vertuntur lumina somnum*

spirandi facultas ab officio nequaquam cessat.  
Vtut verò omnis naturæ vox gnauam operam  
mortalibus amabilem reddere satagat, sunt ta-  
men innumeri numero, qui palpum quietis iu-  
cundum sibi obtrudunt, laborem verò sibilis,  
sannisque explodunt, laboriosasq; cogitationes

*supra Garamantas, & Indos*

exulare debere contendunt. Labor, inquiunt  
ipsi, improbus est, si poetarum latinorum prin-  
cipi fidem habemus. Nihil verò negotij nobis  
fuerit cum improbitate. vt enim in societate,  
civili probitatem regnare cupimus: ita quę cum  
illa bellum gerit improbitas, populis ne inter-  
sit, prospiciendum est. Quid verò est in re se-  
ria ludere, aut se ludificandum præbere, si hoc

non

non est? scilicet in confesso grauissimorum virorum dum loquimur, ad ima subsellia, vt vocabula interpretemur, nos dimittemus. atqui literas qui degustarunt, exploratum habent, eiusmodi cognomen cur labori in poemate perfecto appositum fuerit. quin in quo laborem qui fugiunt, instar araneorum telam texunt, vt capiant simpliciores, ipsi imprudentes constricti detinentur. improbus namque is est, qui assidua interpellatione aliorum moras, & differendi causas expugnat. quæ ratio agendi frequenter vsurpatur in aulis, vbi præceptum pulcherrimum facturis rem commendatur, vt licet precibus semel atque iterum surda obtrudatur auris, rediri tamen debeat ad supplices libellos, & constantia in rogando omnem difficultatem tandem superabit. nihil enim est tam difficile, si Petronium audimus, quod improbitas non extorqueat. Hoc verò laborem non solum non oppugnat, sed gratum, acceptumque omnibus illis, qui in sua commoda peccare nolunt, reddit. Verum enim verò resistunt alij grauiore, vt sibi videntur, quam vt à vocabulis subsidium petant. Hi penetrant arcana Philosophiæ, quæ de moribus agit, & è ratiocinandi arte arripiunt  
admi-



adminiculum, vt nobis persuadeant, illud susci-  
piendum, quod pluribus placere animaduerti-  
mus, ab eoque remouendos gressus, vnde ma-  
ximam partem hominum abire videmus. At res  
ipsa clamat, mortales vt taceāt, plerosque om-  
nes ab opere abhorre, lubenterque in quiete  
conquiescere, & propterea diuina poesis som-  
num, cuius munere vires nimio labore exerci-  
tas instauramus, placidissimum Deorum esse  
cecinit. Hæc nempe effata sunt, quæ nobis  
spondebant se proluturos ex secreto doctrina-  
rum thesauro; in quæ si quis seuerioris censuræ  
iudicium acuat, Deus bone, quæ monstra fal-  
laciū opinionum non detegentur? Inficias  
imus, vt latinè loquamur, plurium sententiam  
semper esse paucorum cogitationi anteponen-  
dam. probi namque, & sapientes nunquam nō  
à numero malorum, & ignarorum victi sunt.  
felicitatem in voluptate, contra quam sense-  
runt, qui sapientiam sunt professi, collocat pro-  
phanum vulgus, vt Stagirita non dissimulauit.  
Num quia plebs Ciuitatem prope totam oc-  
cupat, virtutem amandabimus, voluptatisque  
comitem vitium accersemus, vt felices simus?  
Nequaquā nos ita geremus, nisi inter plebeias  
ani-

animas in posterum stabulari velimus . Omit-  
tendum verò non fuerit à Græcis omnis erudi-  
tionis parētibus πολλοὶ multos appellatos, qui  
rectè sentientibus ex aduerso collocantur, dum  
scriptum reliquerunt: placere multis, nihil aliud  
esse, quam sapientia præditis se irridendū pro-  
pinare . quibus addatis velim, in sua carmina  
retulisse olim virum priscae seueritatis amātem,  
qui tempore Domitiani floruit, in immensa  
multitudine Romanorum, probos homines vix  
totidem extitisse, quot sunt,

*Thebarum portæ, vel diuitis ostia Nili.*

Nec memoria dedignemini repetere, sic cum  
Ænea locutam Sibyllam, vt dixerit, facilem es-  
se descensum vitiorum (sic enim interpretor  
Auernum) at paucos solere superas euadere ad  
auras, quos nempe Iupiter ob ardentem cupi-  
ditatem res præclarè gerendi, singulari amore  
prosequitur . Ergo, Auditores, ne miremur si  
dum pelagus inscitiae, ignauiaeque obuia quæ-  
que occupat, atque obruit,

*Apparent rari nantes in gurgite vasto.*

Nunc ne quicquam silentio inuoluere voluisse  
videamur, agite, audiamus, quid porrò laboris  
contemptores proferant, ne absq; causa ab

N      assi-



assiduitate resillisse dicantur. id verò eiusmodi est, vt dignum esse existiment, quod semper in ore habeant, vbi de vrgēda studiorum ratione disceptatio proponitur. Vitæ, inquit, vitæ consulendum, valetudinis ratio habenda, æuum, quantum fieri potest, prorogandum. in seipsum sæuit, quisquis sciendi auidus nimia contentione in lucubrando vires oppressum it. cur per interualla cœlum nobis diem largitur, & noctem, nisi vt grata vice, iam euigilemus ad opus, iam obdormiamus ad quietem? chordas in cheli quisquis vehementer extendit, ac deducit, in frustra discerpit, nec arcum plus æquo protrudit, quicumque eius vsu carere non vult. Quot potuissent sua doctrinā alijs prodesse ferros in annos, nisi dum volunt nocturnis impallescere chartis, triste sui desiderium amicis reliquissent? plures profectò libros legit, qui mediocri cum diligentia consenescit, quam qui iniqua auiditate dum deuorat exemplaria, florentem iuuentutem, & robur ætatis infert sepulcro. præceptis amor lectionis parca illa est nequaquam parca, à poetis decantata, quæ forfice, hoc est, exasperata meditatione fila aurei staminis abscindit, & facto quandam veluti  
vim

vim infert. Hic tot rationum conglomeratus  
aceruus, aut telorum nimbus, nequaquam nos  
aut opprimit, aut obruit. Omnium namque  
eorum, quæ gerimus, ducem facimus modera-  
tionem. hæc est, quæ desiderijs nostris, vrut  
tendant in ea, quæ merentur appeti, legem;  
certumque morem imponit. Cultu Dei im-  
mortalis. quid sanctius est? religiosus tamen  
modus cum temperet necesse est, ne desinat in  
superstitionem. quid præclarior, quid genero-  
sius, quam patriæ sanguinem impendere? Si quis  
id præstet absq; temporis, locique delectu, te-  
meritatis culpam induet. literarum, philoso-  
phiæ, grauiorumq; reliquarum sciëntiarum amor  
honestus est, laude dignus est, iucundus est,  
egregius est, imo diuinus est; at sibi ipsi constet,  
oportet. Hoc libenter fatemur, hoc largimur,  
hoc diserte profitemur. sed an in eiusmodi ef-  
fato, velut in arce, præsidium supinæ negligen-  
tiæ collocabunt aliqui, quos perinde commen-  
dat sedulitas in voluendis scriptoribus, ac si ab  
ineunte ætate loricæ Iberas induissent, regum  
fulgentia signa in armis secuti potius, quam no-  
mina dedissent literatæ Palladi? nam quod ad  
senium pertingere se cupere vehementer præ-



ferunt, in eo hæcenus cum ipsis sentio, ut in-  
 mentem omnibus reuocem, è viris, qui diligen-  
 ter studijs incumbunt, ut ex quouis hominum  
 genere; alios cõdenescere, quosdam iuuenes  
 occumbere, nonnullos deniq; viros hinc abire,  
 ita rem habere; quis ignorare potest? Sed scio  
 quò tendant, qui desertores sunt studiosæ sedu-  
 litatis, Voluptas eos vocat, Liber pater allicit,  
 Proserpinæ genitrix inuitat, Mater Acidalia  
 pertractos detinet. An propterea præ viris do-  
 ctis producunt ætatem? Minimè gentium ac-  
 cipite rem versibus, & finem audiendi facite.

*Quisquis ad ingenuas accedis protinus artes,  
 In Themidos cultum seu terapit inclytus ardor,  
 Orgia siue Dei, qui numine Pergama complet,  
 Ferre lubet, seu te rerum monumenta sacrarum  
 Lecta iuuant, celeriq; petis nitidum æthera mète,  
 Cur dubitas trepidus sanctum perferre laborem?  
 Obstrue cera aurem, ut socij pellacis Vliſſis,  
 Ne te precipitem in syrtes trahat improba Siren  
 Mellifluo cantu dum spondet Nestoris annos,  
 Si Sophiæ abstineas vigili palleſcere amore,  
 Et Cereri, Bacchoque lites, si Bapta Cotytto  
 Assiduus lassus, Veneremque in prælia trudas.  
 Nam quæ pubetenus virgo est, cetera Pistris,*

*Est*

Est infra, & pleno spirat mendacia folle.  
Fœdam etenim ingluviem grauiora pericula vexant,  
Sanguinei quàm Martis opus . gula luridum ad orcū  
Noxia dimittit plures, quàm Noricus ensis .  
Nec semper rapitur letho sub prima iuuentæ  
Tempora, qui noctu doctæ exemplaria versat .  
Quin amor immensus veri, dulcedine suauī  
Perfundit teretes artus, & prorogat æuū .  
Atque hac tot notos laudat sententia testes,  
Quos Pisa, stupuere excelsa sede loquentes .  
Baldus, & Insuber Decius, Felinus, & ambo  
Socini, fera duxerunt stamina vitæ .  
Nec minus extensis deinceps incanuit annis  
Mercuriale caput, quo non felicior ullus  
Eloquio dulci capidam erudiſſe iuuentam .  
Quid referam Angelium, cuius memorabile nomen  
Barga colit, magnamque vehit sub sidera famam?  
Si verò aut mersere Aquilanum funere acerbo  
Diuæ atræ, vel si præceps Acarisi concidit ætas,  
Illos doctrina insigni, virtuteque claros  
Gratæ perpetua decorabunt laude Camæne .



L V C T V S  
A C A D E M I C V S  
S I V E O R A T I O

*In Funere Religiosissimi Viri*

H E N R I C I A N T O N I I  
B V R G I N O V O C A S T R E N S I S

Ord. Seruorum B. Virg. Generalis, & Theolo-  
giae in celeberrimo Gymnasio Pisano  
Professoris Eximij.

*Habita Pisis in aede S. Antonij*

*Ord. Seru.*



*Reuerendissimo Patri Magistro*

**DIONYSIO BVSSOTTO**

*In publico Pisarum Gymnasio  
Sac. Teol. Profess.*

*Ac totius Ord. Seru. Beatæ Mariæ  
Vic. Gen. Apost.*

Henricus Burgus de Castro nouo P.F.



*VM laudatur Reuerendissimus  
Henricus Antonius Burgus, qui vi-  
xerit, & vita functus fuerit col-  
laudatur Reuerendissimus Diony-  
sius Bussottus, qui vitam viuit, con-  
similiq; conditione, ac dignitate perfungitur. Hic  
post illum Generalis Religionis, hic post illum pu-  
blicus in Pisano Gymnasio Theologiæ professor: Ita  
res probat, quod Vates cecinit; Similem ad simi-  
lem*



lem ducit Deus, & catenata quadam serie, specieq; similitudinis deperditum restituit, ut laudationes mortui quadrent viventi. Debeo ego agnationi Patru mei memoriam hanc, debeo laudatori viro eximio editionem commendationis huius, mihiq; ipsi nunquam non debeo obsequium pietatis officium gratitudinis, sed simul etiam occasionem significandae deuotionis, qua te prosequor, religione generalem Patrem, benignitate fautorem peculiaris, in hoc simul Patru loco habendum, quod quem non iungit affinitas, tibi obstrinxerit innata Protectoris mei, & haecenus mihi perspecta beneuolentia. Vale.



VNEBRI oratione memoriam  
 Henrici Antonij Burgi cōmen-  
 daturus, laudibusque ornaturus  
 Theologum cum paucis egre-  
 gijs censendum, vereor equi-  
 dem ne magnæ audaciæ, & temeritatis apud  
 vos, qui conuenistis ad me audiendum notam  
 subeam. Quod enim facinus vocari meretur  
 audax & præceps, si meum ita appellari non  
 meretur, qui paucas abhinc horas cum fuerim  
 certior factus mortis tam luctuosæ, nunc sedem  
 hanc conscenderim de tanto viro dicturus apud  
 viros doctissimos, & omni eruditionis genere  
 conspicuos, qui, vt summa humanitate sitis  
 præditi, & ad indulgendum errantibus parati,  
 imprudentis tamen hominis fuerit suæq; existi-  
 mationis paruum habentis curam, vobis adeo  
 præcipitati consilij materiam præbere excu-  
 sandi maluerunt enim semper viri graues culpa  
 vacare, quam commissorum veniam consequi.  
 Sed ex aduerso ne venia videar indigere obten-  
 derim magnam esse vim consuetudinis, quæ  
 rationem oblucentem non raro quò vult tra-  
 hit, ingens etiam inest precibus, aut monitis eo-  
 rum, quorum causa omnia velle debere vide-  
 O mur,



mur, vis, atq; pondus, vt vos nequaquam deceat mirari, si tantam temporis angustiam non reformidans, in funere præstantis professoris dicendi prouinciam non detrectarim. Intellexi namq; moribus huius celeberrimæ Academiae esse receptum, vt ereptos morte rerum diuinarum interpretes humaniores litteras, & eloquentiam, qui tunc profitetur solemnī concione laudet, & extollat. Et vt id facerem quā hortando, quā rogando euicerunt Patres, quibus petentibus nihil denegare iam pridem pro mea erga præclaros homines obseruātia in animum induxeram. Quod si ergo in laudationis progressu deficere videbor, vestrum, beneuoli Auditores fuerit, aut censere non peccare eum, quem in necessitatem peccandi coniecit, & consuetudinis, & petentium imperium, aut protinus ignoscere ei, qui à via accuratè orandi horarum fuit

*spatijs exclusus iniquis*

quod verò, vt ad rem ipsam aggrediar, ornamenta Burgiana à natali solo altius repeto, in eo non video quid acer censor reprehendere possit, cum, quomodo in tali argumento se gesserint viri supra omne exemplum positi, satis superq;

perq; exploratum sit. Plato .s. diuinæ facundiæ Philosophus in decantatissimo Epitaphio, & Pericles, quem ob summam in loquendo vim Olympium nominarunt, à patria exorsi sunt cōmendationem eorum, quos vita functos apud Athenienses celebrarunt. Ita mihi Henricus non abibit indictus, dum ad Castrum nouum vnde oriundus fuit, non procul Derthona oculos flecto. vt enim plurima præteream, quæ de Insucribus magno cum applausu proferri possent, illud iam dissimulare nequaquam fas fueris, quod inter Italiæ incolas insigni animi candore sunt instructi, quem ad civilem societatem, familiaresq; congressus sic adferunt, vt videantur ad amicitias ineundas aptissimi à natura facti. ita ab ipsorum moribus omnis exultat fucus, duplices sensus sermonis auersantur, artes fallendi, vt portas Ditis detestantur. vt præ reliquis multum de prisca mortalium sanctitate, & aurea probitate retinere videantur. Qua in re, si educationi per seriem Auorum traditæ debent, non parum regionis posituræ imputent necesse est. Nescio .n. quomodo fiat, vt illi, qui Italorum nemine veniunt, quò propius ad Septentrionem accedunt, candidam

O 2 men-



mentem spirent, agendiq; rationem non fuc-  
tam, seposita fallaciarum cerussa præferant, &  
vicissim ab ea Cœli plaga remotiores, qui sunt,  
Tyrios bilingues magis imittentur, Græcorum  
more iusiurandi sanctimoniam insuper habere  
consueverint, à Pœnorum institutis non vsque  
adèd abhorreere deprendantur. Si verò hæc  
nimia libertate nonnullis obijci sunt qui cau-  
sentur, omittamus, sanè aliorū vituperationem,  
dum fas sit extollere Galliam Cisalpinam, quæ  
vitales auras Burgo dedit, qui manifestis argu-  
mentis semper ostēdit non se esse à beata illius  
prouinciæ virtute degenerem. Atq; è pueri-  
tia excedens, ingressus Adolescentiæ annos,  
quando animus cum ratione colluctatur, ac fa-  
cilè ad auia abripitur, & anfractus, ille & genio  
patrio, qui recta, sincera, cœloq; grata suade-  
re solet, obtemperans, & diuina monita, quibus  
regio illa valde abundat, audiens pronis aurib⁹,  
maturo, & planè virili consilio ambiguis huma-  
næ vitæ fluctibus, turbidæq; varietati, quæ op-  
timas sepè indoles dolosa perturbatione inuol-  
uere solet se subducere constituit. Religioso,  
inquam, seruorum Beatissimæ Deiparæ se asso-  
ciauit cætui. Sic ille existimauit se posse in-  
geni-

genitam ad prisca grauitate viuédum propensionem, quam paterna tellus suppeditat, & seruare, & augere per quam commodè. En vobis Auditores, in Henrico nostro, adhuc iuvene supra ætatem præclaram prudentiam, en generosum voluptatum contemptum, en fugam eorum, quæ insitam naturæ optimæ parentis sententiam transuersam agere satagunt. Ament alij, postquam suæ voluntati per omne genus cupiditatum fecerunt satis, postquam, quicquid prauè affectarunt, sunt adepti, iam aut satiati, aut lassati tandem aliquando ad sanctam frugem redire, & labe vitiorum deturpata animam purgare. Quos equidem non obruo maledictis, quin approbo sollicitudinem ipsorum, gratulorq; petentibus portum arrepta tabula, postquam naufragium fecerunt. Saltem. n. secundæ felicitatis est argumentum, postquam quis errauerit, insanieritq; cogitationes ad sapientiam mutata vice transferre. Sed ego Burgum suspicio, sapientemq; voco etiam in eo annorum curriculo, quod sapientiæ vix est capax, qui vitiorum expers, qui iuuentæ integer ad partes, quæ beatæ omni ex parte sunt, se contulit. Si verò quis ex Iurecōsultorum schola nouitius arguta-



110 *Paganini Gaudentij I. C.*

gutator sit molestus, quæratque, cur cum libertatem cum ipsa vita accepisset, eaq; deinceps ad res præclarè gerendas tanquam insigni adminiculo, vti posset, ea tamen se voluerit vltro abdicare, interq; seruos, quorum conditio naturæ diuitias videtur abliguriuisse, recenser. At non videt ille, aut videre non vult, quisquis sic ratiocinatur, se à septis legū, Imperatorumq; iussis ad arcana diuinæ, transnaturalisq; scientiæ intempestiuè transire. Intentus libertati, quæ cum primi mortales mundo recenti in luminis auras educti dicuntur, nescit se vertere ad alia, quæ frustra in commentarijs eorum, qui de iure respondent, quærantur. Qualia sunt, quod conditi ab initio cum tanto tot bonorum apparatu humanæ gentis parentes, paulo post præceptum ingens negligentes, foelici statu exciderunt, quod quasi aurigæ munere fungitur in deducendo homine ratio, quæ si se patiatur curru deiici, ibi quæ domina erat, incipit parere, tractisq; habenis indomiti sensus mentē, ceu foret serua, rapiunt, quod vocat impetus consilio carens. quod qui Deum regnatorem omnium audit vocantem, iubentem, imperantem, seruus utcumq; appellari pōt, cum reuera regnet, quisquis

quis optima, sublimiaq; suadenti obtemperat. Sic Henricus noster illibata pietate in flore iuventutis præstans, Virginem illam, cuius pedibus se subijcere amat astrum, quod inter ignes cœlestes emicat splendide, singulari cultu, ac si feruus foret prosequi voluit, ratus non se posse splendidiori gaudere libertate, quam si Matri eius, qui nos iam perditos seruauit, seruiret. Hæc est regia libertas, quam non donant pilea Romanorum, non confert vertigo, non tradit festuca, non largitur conuiuium, non ingerit testamentum. Non hoc ius norunt tabulæ, non præscribit Masuri Rubrica, non Gaius interpretatur, non differit Sabinus. in opertaneis sacris sanctarum litterarum hanc licet inuenire. Hæc ipsa est, quam reperit Antonius, eorum qui solitudinem sæcularis typhi nesciam sectantur, princeps, in hac prælusit fatidicorū præcipuus. sic se admirandum præbuitis, qui digito Seruatorem monstrauit. Hoc voluit in oriente Antistes, cui à Regnando impositum est nomen. igitur rectum animi Henrice, qui vt ad veram libertatem euaderes, ad seruitutem te demisisti, sicq; composuisti motus ingenij, vt elegans paradoxum exteriorum Sapientum cum Christia-

na ve-



na veritate existimatis esse coniunctum, solos  
 nempe probos liberos, omnes prauos, & si sce-  
 ptra gestent, & diademate capita muniant esse  
 seruos. Hactenus, quod Burgus se intemeratæ  
 Seruatoris Matri, manciparit intellexistis, &  
 quidem vt mores libero homine dignos effor-  
 maret, qua quidem in re sic operam nauauit,  
 quam sedulam, vt pulcherrimarum rerum con-  
 templationem non neglexerit. quin cum cogi-  
 taret eo magis suum obsequium Cœlesti domi-  
 nę gratum fore, si quanta iphus esset præstantia  
 non solum adorādo, sed & intelligendo, alijsque  
 interpretando, quatenus mortalitatis lex per-  
 mittit, disceret, totum sese ei notitia, quæ a deo  
 vocabulū habet, & alteri, quæ præit, comiterq;  
 manu ducit philosophię, dedit, vbi denuosquā  
 saperet supra seculi latē dominans vitium, ani-  
 maduerite, mecumq; consultē cognoscite. Quis  
 .n. nescit plurimos hodieq; numerari in tanta  
 sciētiarū luce, qui crassam inscitiam, omnibusq;  
 curis solutam, ignauiam opinantur esse, status,  
 quem omniū bonorū coniunctione perfectū vo-  
 carunt, compendiarium & ita dū nihil sciunt, aut  
 scire moluntur, dum nihil præsignante notitia  
 agunt, in Cœlum se abire animo concipiūt. Qua  
 in re

in re non procul à Democriti schola, aut illius, qui eadem vestigia premit, abire sunt existimandi. Nam falsi nominis sapientes putarunt quietem, & otium diuinum turbatum iri, si Numen eorum quæ apud nos geruntur, curam haberet. Atqui & nostrates non exigui numero simili deliramento compositum ius, fasque animi, sanctosque recessus tunc se consecuturos somniant, si ignari omnium eorum, quæ docta vetustas posteris tradidit ediscenda, existant. Ita quam diligenter cauent, ne in tabula, quam natales leuem, nullisque litteris asperatam tradiderunt, quicquam exaretur. Hi sunt illi, quos fucos à præsepibus arcere deberent aculei quouis stilo acutiores. Hæc inutilia pondera miror, quod tam patiens sit terra ipsa laboriosa, ut ferat. Hos suis diuitijs cur ferunt incumbere Principes, & Ciuitates? sed quo me impellit indignatio? an eò ut in alios inuehar, institutumque laudandi Henrici omittam? Reuoco me vosque ad studia à Theologo nostro suscepta, magnoque ardore illuc deducta, ut omnibus materiam præbuerit admirandi, paucis spem indiderit imitandi. Cum .n. initia subtilitatum inuitantibus Magistris velut à limine salutaret, tanto

*Ignari,  
& ignari  
sapiunt  
scholam  
Epicuri.*

P pro-



protinus in ea raptus est amore, ut insatiabili desiderio repleretur quamprimum, quicquid id esset, quod tot voluminibus comprehenderetur, peruadendi, penitusque cognoscendi. Neque rei difficultate, quæ magna est, deprehensus est deterreri. Id ideo factum puto, quod igneum ingenij vigorem ad discendum afferret, quandoquidem in principiis disciplinarum capeffendis, si non percellantur Adollescentes, quin potius voluptate quadam suauiter alliciente perfundantur, quod feliciter in studio doctrinarum sint perrecturi, non dubio argumento colligere solent prouidi rerum aestimatores. Hocque in Burgo præoccupato cursu euentus illicò comprobauit. Nam cum socij Philosophici laboris sequerentur præceptores tardigradis passibus, ille moras indignatus adhuc discipulus, qui docentibus æquari posset, dignum se esse ostendebat. id quod tunc potissimum præstabat, quando remota præsentia virorum, sub quorum Magisterio proficiebat, inter æquales in controuersiam reuocabantur ea, quæ pridie audita fuerant. Tunc ille, ac si Veteranus foret, & iam pridem dicta huiusmodi nota habuisset, quæstiones in omnem partem versabat nunc pro  
affir-

affirmante pugnans, mox negatis defensionem  
fufciciens. iam viciffim, quod telum in aduer-  
farium inficias euntem poffet torqueri obiter  
exponens, ac tandem quid efflet fentiendum di-  
lucida expositione docens. ò præclaram Hen-  
rici indolem, ò fufpiciendam doctrinæ aleam.  
Siccine licuit iuueni prius effe magiftro, & in-  
terpreti, quam difcipulo? licuit fanè, & licuiffe  
res ipfa non intra vnus fcholæ parietes oftendit,  
fed elata voce per totam Italiam, qua ter Bea-  
tæ Dei Genitricis Famuli domicilia habent,  
clamauit. vt verò fi quando in Cælo nouus ftel-  
læ fulgor fe confpiciendum præbet omnium  
oculi illuc attolluntur. ita fuæ doctrinæ, & fe-  
dulitatis radios emittente Burgo, nemo fuit ex  
cætu illo, ad quem fama infolitæ follertiæ non  
perueniret. vnde adeò factum, vt intra breue  
tempus, qui rerum potiebantur eum iudicarent  
dignum, cui docendi alios prouincia demanda-  
retur: & quia omnes noui docto in puluere  
Athletæ videndi, coramq; alloquendi, & au-  
diendi erant cupidi, ipfe paucis annis labenti-  
bus omnes ferè vrbes, vbi Patres fedem habēt  
obiuerit, in quibus ita fuas partes impleuit, vt  
exemplo fuo euicerit, non femper celebritatem



nominis præsentia minui, ac quandoque expectatione, quæ famæ infensa esse solet, multum addi opinioni, quæ magnis de viris vulgò est concepta. Miri verò erant sermones inter socios, ijque impatientiæ pleni, quando intra paucos dies adfuturum, nuncius attulerat. ille de ipsius subtilitate multa ferebat, hic promptitudinem commendabat, alius de facilitate, qua cuncta perrumperet, differebat, erat qui comitatem suspiceret, qui laudibus ornaret modestiam, qui morum innocentiam deprædicaret, alij alia curiosa disquisitione efferrent. Sic aliquandiu peregrinando docuit, ac docendo est peregrinatus, donec Patauij conседit, vt sui instituti homines imbueret robusta sapientia, ibiq. præcipuè præberet specimen, vbi disciplinæ celeberrimam sui faciunt pompam. Audierunt è Veneta Prouincia grauissimi Senatores, quibus Ticinensis Academia est commendata, quis quantusq; esset Burgus, atq; proposito stipendio eum ad ordinariam Theologiæ professionem in publica luce obeundam inuitarunt, effeceruntq; , vt pateretur suam amplitudinem in splendidissimo loco collocari. Ibi tam feliciter, tam sollerter suam approbauit ope-

operam ijs, qui professorio munere eum exornarunt, vt Serenissimi Magni Duces, quorum iudiciũ in eligendis professoribus ab omnibus suspicitur, eundem Pisas accersuerint. Est verò, quod tibi gratuler, o Pisana Sapientia, quæ Henriciano quoq; lumine es illustrata, atq; vt inuida mors loquentis vocem in æternum silentium interruperit, loquentur tamen, quandiũ Theologorum lingua non tacebit, Paradoxa, quæ vigilata in hac vrbe sunt, quam non vulgarem promeret Theologiam Burgus. Scitis Auditorum non pauci, qui præstâtissimum hominem nouistis familiariter quãtos labores exantlauerit, vt Gandauensis illius, cuius nomen ferebat, doctrina è situ, & tenebris, in quibus tria propè sæcula, non sine squalore latuit, erueretur, & recõdite cognitiones, cognitu dignissimæ thesaurum scholasticæ disceptationis augerent. & fauit aliquatenus cælum eximio proposito, dum in manibus habemus doctissimum volumen, cui plurima erat additurus, nisi inexorabilis parca vitæ stamen, heu nimium præproperè abrupisset. Adeò namq; Henricus de Henrico benè merendi erat cupidus, vt amplissimè dignitati, qua toti Ordini præerat res, suas sibi

*Paradoxa Henrici de Gandano*



118 *Paganini Gaudentij I C.*

sibi habere iussurus esset, homo ab omni ambitione alienus, tantum, ut nihil temporis sibi elabi pateretur, quod contemplationi scholasticarum controuersiarum non tribueret, impetraretq;, ut orbis doctus denuo spectaret Belgam cum Scoto ita congregientem in libris, ut olim voce decertarat Parisijs. Atq; hæc cum meditaretur, & inter tot virtutum immortalia ornamenta deberet in terris ad splendorem nostri Gymnasij augendum, claritatem suæ familiæ amplificandam, pomœria Theologiæ extendenda, profectum studiosorum promouendum diutissime degere, aut etiam perennare, quia tamen pars ipsius mortalis erat, serpens vlcus pectoris in dextra parte larenter, & velut ex insidijs eum non tam inuasit, quam lacesiuit. Quod quia exiguum, leueq; videbatur ab homine, qui totus ad sublimia meditamenta rapiebatur, ab initio est contemptum, sed id paulatim malignitate quadam imbutum, in tumorem occultè, licèt lentè grassantem est dilatum, Medicisq; tandem visum esse perniciosius, & grauius, quam ut depelli ægro è corpore posset. Ut vero hodie in Belgio non effero, & celeri impetu oppugnantur munitissima Oppida, sed

*Quaratione obsidentur vrbes in Belgio.*

sed excitata circumquaque per noctis obscuri-  
tatem munitione concluduntur obsessi, & alte-  
ris aggeribus separantur, & repelluntur, si qui  
commeatum, aliaq; in urbem comportare co-  
nentur, atq; hoc modo belli, quod cum tranquil-  
litate coniunctum videtur, intra aliquot men-  
sium lacrymabile spatium ad deditionem in-  
colæ adiguntur: Non aliter tumidus hic mor-  
bus longè, latèq; expansus, miti dolore vicinię  
cordis obrepens sic nouissimè sua perniciē ibi  
se muniuit, & hæsit, vt medica non posse vide-  
retur amplius adhiberi manus. Inter quæ mor-  
bifici exitij diuturna, & non depellenda inter-  
ualla, Burgus noster, vt viuidæ erat celeritatis,  
Cæsareo voto, deproperatam vitę cladem ma-  
luisse sibi contingere, nisi vt diuinæ Philoso-  
phiæ insignis illustrator optimè nouisset, lan-  
guorem, quo tardo gressu tenditur ad metam  
exuendæ mortalitatis viro sapienti esse præfe-  
rendam. Hanc enim esse cognitionem, qua  
transitur ad Cœlitum sempiternam quietem, &  
omnibus numeris beatam vitam, si quis adhuc  
corpore indutus, voluens animo mortem, ante-  
quam ipsa letale stringat telum, secum discat à  
materia secedere ex ergastulo, & velut carce-  
re cor-



re corpore eluctari, sordes à terra acceptas deponere, mentemq; , cui à cælo origo est, vnde-  
 quaq; puram reddere, vt in nouissimo conatu  
 nulla vincula illam remorentur, quò minus  
 proficiscatur illuc, vnde ridens inania rerum  
 strarum nomina, sibi subiectas nubes, & fi-  
 dera cernat. Sic dum decubuit languens Hen-  
 ricus ad egressum se excitauit, constantia pectus  
 instruxit, terras dedidicit, cælo se dignum red-  
 dere perrexit, omnem aciem mentis ad diui-  
 nitatem flexit, & se ipso maior factus, iam nihil  
 humi repens, aut lecto fixum sentire, aut loqui  
 est deprensus. Ah quoties silentio, & spe for-  
 tis, exhilarato vultu, exporrecta fronte, inten-  
 tis oculis, immortalitatis regiam visus est affe-  
 ctare, & sedem non interruptæ lætitiæ contem-  
 plari? aut quoties versa vice eloquentia qua-  
 dam, qua cælites dicta diffundere dicuntur,  
 præditus, atria illa, in quibus degunt, qui mu-  
 nere diuino immortales sunt facti, extulit? Ah  
 quoties vitæ, quæ letum planè ignorat, nectæ-  
 ream ambrosiam se degustare auidissimè cupe-  
 re indicauit? Obtinuisti Henrice, (sic sanè nos  
 sperare iubet tua pietas) obtinuisti, inquam,  
 quod cupiebas, & quæ longo labore abdita  
 myste

myſteria penetrare, detegereq; alijs, ſi ſerus  
noſtrę Academię intereſſe potuiſſes, deſidera-  
bas, nunc remoto imbecillitatis humanę ſipario  
intueris. Sic es adeptus præmium tot tuarum  
exercitationum, quibus alios erudiſti. Apud  
vos verò auctario melioris felicitatis inter ce-  
lebriores huius ſcholę profeſſores ſic ſemper  
memoraberis, vt, ſi ego tenuitate orationis tuas  
laudes nunc detriui, habituri tamen ſint audi-  
tores fidem affirmanti, me, dum de te ſum locu-  
tus, cum Theologo Theologiam ipſam com-  
mendare cogitaſſe. DIXI.

Q DE



DE BARBARIE  
DEPELLEND A

Oratio habita in maiori Auditorio.

*Cum recepta consuetudine rediretur  
ad publica Studia.*

Cal. Nouembris . MDC.XXXIII.



Mmnes qui liberales disciplinas in celebribus Athenæis, aut docendo tradunt, aut audiendo percipiunt, in hunc scopum dirigere dicuntur arcum, ut barbariem à consuetudine mortalium depellant, vel si depulsa iam sit, ad nostros mores pedem referre non patiantur. Non equidem iuerim infitias reperi aliquos, qui tantum abest, ut præstent, quod præ se ferunt, ut potius ruditatem volentes nolentes pariant, foueant, atq; propagent. quorum peruersa agendi ratio floccifit ab ijs, qui publici saporis sermonem non habet quiq; bonæ menti, rara felicitate litauerunt. Horum labores dum gratulabundus intueor, suspicioq; cogitationes, quæ fugitiuam sapientiam honorificè detinent, atq; exornant, huc orationem deduco, ut de barbarie profliganda in hoc doctissimo, eruditissimoq; confesso verba sim habiturus. Nec enim in ea verfor opinione, ut putem in Etruria, quæ omnis doctrinæ, omniumque elegantiarum semper fuit mater, regnare barbariem. Quinimo ex ijs, quæ maiores nostri in eliminanda imperitia gesserunt, quomodo alij sese exercere debeant, ut

Q 2      ipsis



ipsis quam simillimi euadant, indicabo. Si nāq;  
fateri volumus quod res est, aciem mentis ad  
beata tempora, quibus Athenæ florebant, ex-  
tenderunt. Acceperint sanè Græci à Syris  
Ægyptijs, alijsq; nationibus rudimenta quæ-  
dam. Hoc tamen eorum capiti laurum deuictæ  
ignorantiæ non detrahit, cum satis superque  
constet, vagam quamdam, & fluctuantem effa-  
torum farraginem apud reliquas gentes incer-  
tis ferè auctoribus extitisse, quam velut indige-  
stam molem acceptam Pelasgi diuino ordine,  
& pulcherrima claritate digesserunt, digestam-  
que in excelsa sede conspiciendam collocarūt.  
Non aliter certè cimmerium Chaos è latibus  
tenebrarum eductum est a Summo Numine,  
machinaq; quam venerationis pleni contem-  
plamur, affabrè facta, atq; constructa est. O  
fortunatam medicinam, quæ tantum imputat  
diuino seni, e parua insula profecto, vt si dictan-  
da fuisset ab Apollinis filio, sublimius, grauiusq;  
instar non obtinuisset. Ita certat in ipsius scri-  
ptis cum pondere rationum breuitas, cum ro-  
bore argumentationis maiestas. Et nesciunt  
sapientes priusne allekti percellantur auctori-  
tate, an constricti permulceantur dissertatione.

Vt

Vt verò CousHeros è limine amœnitatis pleno,  
in quo ab aligero Aligerio exteræ animæ collo-  
cantur, Fernelios, Leoniconos, Fracastorios,  
Mercuriales, Septalios, Laurentios, Gorraeos,  
aliosq; in hoc quoq; Gymnasio adhuc supersti-  
tes, germana germina agnoscit, & toto pecto-  
re complectitur: ita si caput extollere, cœti-  
busq; interesse posset, aut colloquio non digna-  
retur, aut increparet illos, qui velut Agyrtæ  
forent medicam panaceam cauponantur, ad  
plebeculam vocabula sono timenda conferru-  
minant, vt auribus insidias faciant, videanturq;  
leges fatorum refigere apti. Hæccine vetus di-  
sciplina, quam prope intermortuam Pergame-  
nus ciuis instauravit, liberaliq; causa manu as-  
seruit? vbi accurata illa, & arguta locutio? vbi  
cauta prouidentia? vbi de salute ægroti sollici-  
tudo? vbi Hippocraticę meditationis repetitio?  
Nescierim quid pronunciem, si quærat: bar-  
baries sicne excutiat, an reuocetur? Nihil  
speremus ab ijs, qui quicquid discursant, garriūt  
pollicētur, opes Galenicæ interpretantur. Iniu-  
rato credere fas est, nihil facere ad exitium bar-  
bariæ eum, qui vtcumq; instructus pæonia facul-  
tate, non alia de causa, quam ne facculus sit  
ple-



plenus aranearum, domo egreditur. Sed aurem mihi velli sentio ab admonitore, ne principem locum in narratione Medicorum filijs eam tributum. quasi multum referat, cui agmini quis adscribatur, modò stationem locumq; commendet virtus. Nam nec Philosophos reliquis postpono, nec Theologis subtraho primos gressus, si Iurisconsultis ob oculos ponam aureum seculum, quo Eunomie plenos radios diffundens visebat Imperium Romanum tunc, quando Neruam excipiebat Traianus, orbis illustrabatur ab Adriano, Antoninorum pietas micabat, Seuerus humano generi delicias faciebat. Ducentos & plures annos extincta iacuit Barbaries, & iucundas vices occupauit in Vlpiano, Scœuola, Marciano, Paulo, Papiniano cœlitùs dimissa Astrœa. Quisquis es, qui me audis, legum interpres, verbis perspicuis respondere te cogam, si scire velim, quo existimes tempore iurisprudentiam floruisse, vt sibi omnes numeros adesse posset gloriari? non transilies ad ætatem supra dictaturam Cæsaris. tunc bis sex tabulæ prostabant cum edictis, & Senatusconsultis, plebeijsq; iussis. Iurisprudentum subtiles nondum emerferant commentarij. neq; ad  
Con-

Constantinianum æuum pedem conferes, cum schola respondentium de legibus tunc euanuerit. Gothicas, Longobardicasq; solitudines exécraberis potius, quam vt inde Romani iuris exemplar petere velis. Si Lotharij initia, subsecutosq; progressus iactes, præstò erit, qui verè contendat cœpisse tunc restitui amissa bona, sed obscuræ diligentiae plurimum defuisse. Extolles igitur lubens meritoq; seriem, quæ à Traiano, aut Augusto ad Diocletianum vsq; prosperrimè excurrit. Si verò inuidia seculorum luculenta dictata, exactaq; volumina interuerit, at Thracio Cæsare iubente superstitata sunt per quinquaginta libros ex lacrimabili naufragio fragmenta, quæ quauis gaza sunt pretiosiora, quouis auro splendidiora. Nunc vt iudicium instituat de nostratium Iureconsultorum præstantia, componantur vtriusq; partis scripta ad imaginem priscorum, quorum nomina extra controuersiae aleam posita sunt, & quinam à barbarie magis sint remoti, apud quos certiora vetustatis vestigia signentur, paruo negotio reperies, oculisq; vsurpabis. Frustra tamen quorundam obduratum animum emollire nitimur, cum statuerint, quidlibet potius negare, quam se



se male didicisse fateri, aut quæ non didicerunt laudare. à quibus dum discedo, inque aliam partem me verto, è Peripato immensam lucem erumpere, non absq; summo gaudio video. O solis exortum, ò clarissimum meridiem, ò inocciduum splendorem. an è gente Lucifugarum, quorum scire quàm angustum est, extiterit, qui ei tenebras offundere se posse speret, & aciem præstinguere eorum, qui tot annos indefessæ lectionis ei impenderunt? An barbariem eversum ibunt, sincerumque propinabunt philosophiæ liquorem, qui turbidos Maurorum riuos sectantur, qui fontes illimes Attici sermonis, quo vsus est magni Alexandri magister, ob linguæ inscitiam coguntur auersari? Quisquis admirandum Deambulonem græcè differentem non intelligis, sed ab Arabibus turbatum, aut Parisiensium conclamationum strepitu concussum consulis, si te barbarum non appellauerit acrimonia Césorum, in limine exoticarum sordium hære collutulatum, sponsionem facere erit parata. Felices ter, & amplius cum Aphrodisæo qui incedunt, Themistianam perspicuitatem complectuntur, à Simplicij recto tramite non deflectunt, aut si placeat Italorum recen-

centem operam commendare, Pendasium circumstant, Zabarellam comitantur, à Piccolomineo discunt, Cremonini latus stipant, Bonamico indiuidui adhærent. Qui omnes tam bene meriti sunt de Nicomachi filio. vt si Pythagorica transanimatio vera foret, veterum peripateticorum animas in ipsos immigrasse nō dubitaremus. Iactetur sanè ab alijs nomen Aristotelicum, non tamen glaucomæ obijcient ijs, qui norunt, quantum ab Hipani distet Venetus Eridanus. Sed resilio ab expositulatione, quam fas foret instituere, nisi scirem, insanix esse argumentum, si vnus homo, cuius vita perbreuis est, bellum gerere velit, cum integris Rebus publicis, ordinibusq; perennibus. Præsertim cum Barbarica hydra à Iureconsultis, Philosophis, Medicisq; concisa atq; contusa, ad Theologorum aspectum non aliter obrigeat, quam viso Persei scuto marina Gorgon. Exuratur sanies, hauriatur veneficus sanguis à terre, conputrescant repullulantes vertices, incondita ruditas, quæ subinde erumpit, contumuletur, & saxea mole tanquam Balista latro æternum obruatur. Sacrarum literarum germanum sensum expiscantur ingenui homines cum Stri-

R donen-



donensi Hieronymo, per Oceanū eloquij pandunt vela cum Græcis Basilio . utroq; Gregorio , & Iohanne . Subtilitatem profundarum cogitationum sic repetunt ab Hipponensi Antistite , ut decurrentes per arcana Aquinatis aliorumq; fateantur diui Ignatij discipulos sic studia , quæ à Deo nomen habent, tractasse , ut in ipsis solidam doctrinam cum nitore omnis barbariei experte coniunctam deprehendant , deprehensamq; lætitiæ pleni exosculentur. Tantum potest oratoria facultas , & exquisita eruditio, qua qui præditi non sunt , tria verba non fantur , quin illicò ab argutis ingenijs in facibus barbariæ versari non dicantur . Siue igitur , Auditores, diuina effata exponamus , seu responsa Iurisconsultorum interpretemur , siue quomodo ægro è corpore depellendi sint morbi , doceamus , aut naturæ vires indagemus , si professorium munus obire pro dignitate volumus , barbaricas nubes dispellamus , animum ad sublimia excitemus , cum paucis sentiamus , scriptores vulgo aut ignotos , aut inuisos consulamus : & si qui sint , qui glandibus frui velint , cum proestò sint fruges , nos ab illis dissentire , palam profiteamur. Fremant, frendant, furant,

ut

vt mater Penthei , vt Mimallonum chorus,  
nos ipsorum malefanos mores susq; deq; fere-  
mus . Ego certè, vt vt sciam meas dissertationes,  
& congressus nonnullis esse molestos, quod ip-  
sorum vellicent crassam Mineruam , tantum  
abest, vt doleam eiusmodi vices, vt nulla de re  
magis glorier , quam quod odium interneci-  
num , quo prosequor Barbariem , odium capi-  
tale mihi conflauerit eorum , qui ab inueterata  
barbarie non discedere in animum induxerunt.



R 2 PRÆ-



PRÆSENS  
DISCESSVS.  
GRATVLATIO

Cum ANTONIVS CVRINVS, Eques,  
Iuris Ciuilis in Gymnasio Pisano  
ordinarius Professor,

*Nunc verò amplissimus Auditor Camerae Fiscalis,*

MAGNI DVCIS Confiliarius  
renuntiatus fuisset.



Nter omnia, quæ Principi incumbunt expedienda, præcipuam esse Administrorum electionem, iam pridem inter sapientes rerum civilium æstimatores perinde est receptum, ac si Phœbi è cortina emanasset. nihil enim est, quod viris egregijs demandari non possit, nihil quod alieno ministerio. non queat impleri, ut ab illo, qui imperat, laborem exantlari necesse non sit, si præstò habere liceat eos, quorum humeris onus imponatur, quorum diligentia provincia tradatur. at insignes homines nosse, euocare, publicis muneribus admo- uere, id totum, quantum quantum est, iudicio proprio est peragendum, neque ullius consilio, & fidei transcribendum, nisi velit Rex imperij solam umbram esse penes se, corpus verò, & rem ipsam degere penes alium. In hoc vno si se virum præbeat, suisque consulat rationibus, quam benè in cœteris audiet, quantis laudibus extolletur? nam sapiens non potest non cense- ris, qui rectè, quid cuiq; sit commitendum, ut curetur, perspicit, atq.prehendit. Laudem profectò, quæ Legatis, consiliarijs tribuitur, ad eum, à quibus approbati sunt, redundare, apud



apud omnes est peruulgatum. quod cum ita se  
 habeat, mirum nemini videri debet, si certa-  
 rim plausibus excipitur, encomioque euehitur  
**FERDINANDI SECVNDI** Etruriæ  
 Magni Ducis prouida prudentia: in eo namq,  
 curam ponit, cogitationemq; collocat, vt ad  
 arcana suorum consiliorum seligat, & secernat  
 Proceres, à quibus nihil nisi quod sanctū, quod  
 iustum, quod tutum expectare fas est. non ibo  
 per singulos, cum vix vni pro dignitate laudan-  
 do, par sit stili mei tenuitas. Te verò indictum  
 mihi abire **ANTONI CVRINE**, multa  
 cum non permitant, illud vel nolenri posset ex-  
 torquere acclamationem, dum à Serenissimo  
 Magno Duce ad secretas grauissimasq; consul-  
 tationes accerferis, ne tot professorum, toti-  
 usq; adeò celeberrimi Gymnasij euanescent  
 voces, quibus tua merita memorant, virtutem  
 celebrant, dexteritatem prædicant, quibus fe-  
 licitati publicæ gratulantur, gaudiumque,  
 quod ex incremento tuæ dignitatis percipimus,  
 exprimunt. etsi enim non defuturi videantur,  
 qui longè instructiori apparatu sint ad pulcher-  
 rimum argumentum accessuri, nihil est tamen  
 quod vetet, quò minus ego reliquis palmam  
 cele-

celeritatis præripiam, elegantia, & exacta  
vbertatis coronam relicturus. atque eò luben-  
tius præstantium hominum de tua præstantia  
iudicium, & sermonem vsurpo, ne si priuatim  
verba facerem, famam tuam contingeret mi-  
nui, gloriam deteri, lumen obscurari. Iucun-  
dum scilicet, & facilitatis plenum opus est, in  
illius elogia excurrere, & exspatiari, quem con-  
ceptis modis, diserta q; prædicatione passim,  
intelligas decorari. Quis autem hoc dierum  
spatio, ex quo de accessione, quæ ad tuos hono-  
res facta est, Florentia allatus nuncius, auribus  
non hausit Curiniani nominis insignes titulos,  
ingentia decora? percipiebatur vndique quam  
ferax sit tua patria, Pontremulum, in educan-  
dis, emittendisq; per vniuersam Italiam ciui-  
bus, vt in celebribus vrbibus honestissimis, cõ-  
spicuisq; muneribus cohonestentur. esse in re-  
centi memoria, quæ à Villaneo Senatore, in  
Hispania, Italia, Germania suscepta, gesta que  
fuerint sagaci consilio, cauta prouidentia, quod  
iucundiùs narratum scimus, cum is è tua disci-  
plina prodierit, te duce iurisprudentiam colue-  
rit. illud propiùs ad rem accedit, quod de tuo  
parente, de tuis fratribus, consanguineis, tota  
deni-



denique Curinorum ferebatur familia, quæ sola dederit hætenus tot ornamenta, vt vna posset Pontremulo antiquissimo, & nobili Insu-  
bria oppido, si alioqui obscurum foret, celebritatem, splendoremq; conciliare. cui rei etiã ipse Magnus Dux non ita pridem testimonium tulerit, cum eximium genus, Curinianum genus appellauit. Ex quo te profectum aiebant, quatenus iuueniles annos perscrutandis legum Romanarum arcanis impenderis in Gymnasijs Pisano, & Senensi, vbi præceptorem habueris **BENVOLIENTVM**, virum, qui ob sanctitatem morum, & profundam, magnamque iuris scientiam, verissimus Inrisprudentiæ sacerdos mereretur nuncupari. Cuius auspicijs intra breue tempus eò præstantiæ pertigeris, vt legum non solum Doctor, sed & publicus interpres, & professor fueris renunciatus. hic exclamatum à nonneminè fuit: ò felicitatem ingenij, ò industriam laboris, ò generosæ indolis profectum, qui absq; temporis, & moræ interuallo, è magna discentium caterua, ad exiguum, & egregium docentium numerum transfert, ex imis auditorum subsellijs, ad professoriam sedem promouet, ad excelsum fastigium extol-

extollit. quod epiphonema sic exceptum recordor: limitibus caret semel excitata proficiendi cupiditas. otium nescit animosus ardor. præmium artibus alimenta ministrat. prius defatigabuntur in cursu cœlestes orbes, quam ut mentem sublimem capiat bene agendi satietas. sola temporum æternitas explere potest humanum pectus. vbi aliquamdiu umbraticas pugnas pugnauit Curinus in Vlpianea palæstra, solem & puluerem fori tentare voluit, tribunal Senis cū quauis curuli sella comparandum meruit, & obtinuit. quæ ibi, bone Iupiter, dedit in disceptando solidæ cognitionis, limati iudicij, constantis integritatis argumenta. Effecerunt hæc specimina, ut sedulitatem ipsius, & sapientiam implorarit Florentina Rota, consultissimus Iurisperitorum confessus, viuida vis Astræ, iustitiæ asylum, æquitatis propugnaculum. Ne verò omnia recenseam, Vir illustrissime, (tecum enim rursus loquor) quam multa in decursu cum tua peritia extra ordinem communicauerint Magni Duces, quantum tuæ assiduitati detulerint, seorsim edissertauit vir mentis erectæ candidæq; censuræ. Nam in quas ambages, at intra semitam, se indueret mea dictio, si

S      qualis



138 *Paganini Gaudenti J. C.*

qualis quantusque inter patronos æqui, & boni  
emicueris, nunc reponerem? Rediueris ad Aca-  
demiā post forense tot annorum exercita-  
mentum, postquam tot causarum cum flucti-  
bus sophismatum confictantium causam in por-  
tu stiteris, in anchora collocaueris. Certatim  
effusi parres te antiquam ad consuetudinem re-  
uertentem, sed decorum amplo stipendio, sed  
inter summos numeratum, exceperere letitiæ  
pleni. Sensu destituta si possent fari, quibus  
dictis sensum communis gaudij explicassent ip-  
sa subsellia, ipsæ exedrae, ipsæ columnæ? At  
subduceris denuò, & subtraheris nostro deside-  
rio. I felix, i fortunatus. nullo non oscine va-  
de bono. omnes aues dextram volent omina-  
tionem. iubet Magnus Dux. quid dulcius tali  
necessitate parendi? inuitat aula. occurre, pro-  
pera, futurus tu quoque aulae magna pars. adest  
in limine hilaritatem pleno vultu diffundens  
Eunomie. hæc tibi tot destinat lauros, parat  
lemniscos, instituit triumphos, erigit trophæa.  
triumphos cum trophæis quales decet pax, am-  
bit Minerua, circumdant palladia auctoramē-  
ta. Inter quæ non propterea te, tuumque animū  
subierit Pisani Athenæi, cuius diē tu tot annos  
do-

docendo seruasti, illustrasti, auxisti, obliuio. qui te norunt (& verò notissimus est tuus candor) nulli dubitant, quin apud Serenissimum Magnum Ducem, labores, vigiliasq; eorum, qui inscitiam, socordiamque seculi oppugnant, & quantum permittit temporum iniquitas, euerunt atque profligant, sis memoraturus, atque defensurus. ita fiet, ut minus ægrè iacturam, quam incutit tuus discessus, simus laturi. imò nec discessisse censebitur is, qui præsentī fauore apud eum, cui militamus, veteres amicos atque collegas numquam sit destitutus.

AD IPSVM GRATVATIO.




S 2 De




De Eminentissima Cardinalis  
**AVGVSTINI**  
**OREGGI**  
DIGNITATE  
AD IPSVM GRATVLATIO.





EMINENTISSIME  
O R E G G I



Inquam Romani culminis apex,  
Urbanus Octauus, quæ via  
sit calcanda, vt ad sacræ purpu-  
ræ Eminentissimum templum  
recto tramite pertingatur, do-  
cuit, id, dum te tanto in fastigio collocauit, gra-  
phicè expressit. Tu grauitatem studiorum Phi-  
losophicorum, Theologicorumq; sic in ætatis  
vere induisti, vt existimaris reijciendum esse  
more meorum, qui cum semel spatium confe-  
cerint, quod audientium sedulitati decurren-  
dum proponunt vmbatica subsellia, deinceps  
ad Sirenios otij scopulos, ac si omnium arcano-  
rum



rum iam forent facti Epopæ, conquiescendum putant. Ipse in alia omnia ab huiusmodi consilio abiisti. nam relectis vestigijs exultasti tanquam alacer, robustusq; Ladas, ut curreres cursum irretorto pede, irreflexo lumine. qualè promptitudinem, boni Cœlites, attulisti ad per-  
uadendos Stagiritæ reconditos sensus, ut omnem difficultatum obscuritatem dulci luce con-  
tingeres, atq; illustrares. Hic nempe vir ille est, quem doctorum hominum magistrum appella-  
tum nouimus à Dante. Hic in tempora, quæ Regem Macedonum tulerunt, cum incidisset, ambigere cœgit plusne ipse præstiterit in disci-  
plinis instaurandis, perficiendisq;, an Philippi Filius in extendendis Macedonici regni po-  
moerijs. Huius tu Ariadneum filum secutus in-  
observabiles altercantium Scholarum ambitus  
adeò feliciter obseruasti, ut suis numeris fulgen-  
tem cognitionem ad diuinam notitiam attule-  
ris; hanc simul tecum iniuisti rationem, ut per-  
suasum haberes inanem esse operam; quam  
quis stagiricæ impendit subtilitati, nisi fastus  
Nicomachei sapientis à sapientia cœlitus dimis-  
sa ad sobrium modum sapere discat. nullum lu-  
men adeò clarum, perspicaxq; est, quin instar

7137

Atti-

Atticæ volucris ad mystica secreta nictet, atq;  
 cæcutiat. infelix est Sophus, qui æternæ So-  
 phiæ, quam Seruator cum suis discipulis com-  
 municauit, supercilium non subijcit. Sanè Ve-  
 teres Sanctissimi Antistites cum non minori in-  
 genij acumine pollerent, quam Peripatetici  
 Deambulatores, aut Platonici Academici, in  
 cœtu Christianorum modestiam profiteri mal-  
 uerunt, quam è ciuitate Sanctitatis cum super-  
 bis scriptoribus exulare. quale ergò benefi-  
 cium impurat Christicolarum orbis Scholastico-  
 rum Principi Thomæ Aquinati, qui nobis Sta-  
 giricorum dogmatum asperitatem, indomi-  
 tamq; contumaciam mansuefecit, Auerroemq;  
 titulo interpretis turgescientem ad mitiores  
 sensus traduxit. Tu quoq; vir Eminentiss. Sta-  
 giram fascibus Aquini parere cum docuisses,  
 carbasa per vndas grauissimarû questionû pan-  
 dere non dubitasti, oculos semper sub astriû ce-  
 leberrimi Thomæ tenens. quoties verò doctissi-  
 morû hominû in confesso acerrimû cum inire-  
 tur certamen tibi palmas vidimus surgere. Hæ-  
 rebunt semper in memoria Romana dies illi,  
 cum te auspice, & duce in augusto Florentinæ  
 nationis templo Bartholomæus Oreggius de  
 sen-



sententijs vniuersę Theologię solidę, subtiliterque respondit. Tunc, & ipsum Franciscum Barberinum, quem iam tota Italia Etrusci, & Romani nominis delitias vocat, vidimus, & suspeximus tela argumentorum stringentem. Tu verò oppugnantium Euripeos æstus sic excipiebas, vt omnes fluctus frangeres, atq; componeres, inq. medijs motibus esses tranquillus. Nihil enim adeò vehemens confurgere potest, quod tuam tranquillitatem in disputatione percellere queat. cum verò publice vtilitatis augendę semper flagrans desiderio, non tibi satis fuit meditationes differendo, colloquendoq; alijs impertiri, sed & calamum ad scribendum appulisti. idq; eo euentu, vt tua volumina Theologica mole quidem non magna, at documentis ingentia Summam Summarum appellare iure merito liceat. Videras plerosque, eos præsertim, qui grauias sustinent negotia, à tractatione sacrorum studiorum propterea abhorreere, quod cernerent in immensa collectanea abijisse commentarios, quibus legendis maior temporis pars foret oblimanda. quid interim fieret alijs vitę officijs? alijs disciplinarum partibus? Querelam tu in animum dimi-

dimisisti oppidò sapienter constructo Theologiae ædificio, in quo, neq; quibus vacat legere, quicquam desiderant, neq; occupati prolixitatem caussantur. quid quod breuitatem dum sectaris, perspicuitatis commendationem rara laude non amittis. Hos labores cum intueretur Summus Pontifex, neq; deflecteret oculos ab innocentia, quæ tuos mores decorat, cum, perpenderet diurnam operam, quam sibi sedulam nauasses, cum moderationem, quæ animum tuum comitatur, contemplaretur, cum, animaduerneret, quam accuratus esses in implendis tot alijs partibus prudentiæ tuæ impositis, tandem tot merita Sacre Purpuræ splendore statuit eohonestare, efficereq; ut qui iam virtute eras eminentissimus, dignitate quoque talis appareres. ò diem nitidissimo lapillo signandam, cum Quirinali è palatio erupit de tua purpura vox. ò nuncium, qui totam Etruriam, ubi iam clarus eras nominis fama, ingenti lætitia perfudit. ò mihi quoq; acceptissimam Iacobi Bellolij tibi deuinctissimi Epistolam, qua Gaudentij pectus gaudio incredibili repleuit. Tunc ego raptus viuido, quo te summopere colo, obseruantia æstro carmen exaraui, quod si ob suā

*Iacobus  
Bellolius  
vir pietate,  
et rerum  
Theolog. carū  
usu praestans.*

ni


T te.



renuitatem non viuet, certè vt immortale eſſet,  
 & immortale foret mei et ga te affectus monu-  
 mentum, dictatum eſt. Si verò exili filo dedu-  
 citi verſiculi ex memoria literarum euaneſcent,  
 id tua certè nihil intereſſe poteſt, nec enim in-  
 diges ab alijs celebrari, claritatemq; foris que-  
 ſere, quidomi micas, vt ætherius Sol, & talia  
 conſtruis emittisq; opera, in quæ exercere iniu-  
 riam non poterit futuri temporis vetuſtas.



In




In laudem

IOHANNIS CAROLI

COPPOLÆ, EXIMI POETÆ,

EXCURSUS.



Elicibus auspicijs tuum in publicam lucem proditurum Poema, quis dubitet? Plurima sunt, quæ, ut ita pronunciem, impellunt, nequis me inani coniectura nitidum auguror, argutetur. Antequam enim animum, stilumq; appuleris ad componendum hoc Poema, in scribendis versibus Italicis, comparandoq; poeticæ dictionis usu tantum profecisti, ut iam olim Ossunæ Dux, decantatus ille Neapolitanus Prorex, admiratus tuam in com-

T 2 po-



ponendis carminibus præstantiam, te magna beneuolentia complexus fuerit, atq; suum poetam vocauerit. Ipse verò, quia animaduertebas cum aula non bene conuenire grauib; philosophiæ studijs, scires etiam partum edi à mente humana non posse, nisi ingenti doctriuarum flumine inundata fuerit, ad Campanellam, magni nominis virum commigrasti, vt scita non vulgaria reportares. O te felicem animi. Sic Veteres in arcanis philosophicis profecturi homines celebres adibant, multosq; annos apud ipsos degebant, vt pectus eximia rerum cognitione fœcundarent, atq; replerent. Horum consilium imitatus apud Campanellam integrum quinquênium latere voluisti obscurus, & velut sepultus, vt tandem clarus prodires, atq; inter viros doctos cum laude versari posses. Quas verò latebras cum ipso non peruasisti? quæ mysteria non tentasti? ad quas meditationes mentem non vertisti? Instar Protei nullam non formam coegisti subire ingenium, ne in posterum vlla opinionum, sententiarumque vel difficultate, vel nouitate percelleretur. Nam placuit exuere inuenum consuetudinem, quæ hodie passim omnia occupat, quæq; effi-

efficit, vt qui sibi valde sapientes videntur, stultissimi sint. Dictata namq; magistrorum velut sententias cœlo delapsas legunt, circumferunt, memoriæ mandant. à lectione verò insignium librorum, & vltiori veritatis perquisitione quam diligenter abstinēt, cum iam sibi persuaferint, se metam contigisse, nihilq; suæ diligentiae superesse peragendum. O seculi vitium omnibus omnium proborum vocibus impetendum, confutandum, explodendum, ne pergat nocere, & ingenia iuuenilia velut pestilenti sidere afflare. sed prudentis esse putas ita sæculi vitia notare, vt tamen aduerso flumine non trahatur naus, aut brachia torrenti obijciantur. Recte quidem tu sic sentis, qui licet suspiceres Campanellam, non tamen in ipsius verba iurasti, neq; omnia es amplexus, quæ ille protulit impetu ingenij correptus. Frangum propensionem tuam iniecisti, ne latum vnguem discederes à magistra veritatis, ab Ecclesia Romana, quæ censuram exercuit in scripta Campanellæ, ne si irent per manus, & ora hominum lectoribus incautis obessent. Ergo tu quoq; Campanella tandem misso facto, ne nimiae familiaritatis cum eiusmodi homine notareris, existi-



stimasti tibi faciendum, vt iam tandem aliquid  
 molireris, quod responderet, & poetico dicen-  
 di generi, quod iam pridem paraueras, & va-  
 riæ rerum cognitioni, quam apud Campanel-  
 lam acquisuisse videbaris. Multa argumēta vl-  
 trò se ingerebant. Iam trahebaris ad Areosti va-  
 rietatē, mox pedem mouebas, vt Tassum imi-  
 tareris. nō deerant amici, qui vt bella Hispaniæ  
 aduersus Mauros gesta caneres, hortabantur.  
 fuit qui diceret carmina non placere, nisi Ve-  
 nerem, Venerisq; prolem extollant, nisi lacri-  
 mas amantium exprimant, nisi puellarum be-  
 neuolentiam ambiant. Nam sic placuisse Pe-  
 trarcam. Dantem à paucis legi, quod meram  
 philosophiam propinet. at poesin repertam,  
 refocillandis animis, temperandis miserorum  
 mortalium curis. Nihil in Areosto amoribus  
 esse frequentius. Tassum putasse se neglectum  
 iri, si Hierosolymorum expugnationem absque  
 amœnis amantium figmentis deduceret. Quid  
 Casa, quid Bembo, quid Marino faciendum,  
 delitias Veneris si auferas. Tu tamen aduer-  
 sus hæc animum obfirmasti, non minus quam  
 socij Vlyssis cera aures muniuerunt, ne fallaciū  
 Sirenium cantum audirent, præsensq; exitium  
 sibi

fibi attraherent. Tibi limites posuisti, ne unquam carmen euagaretur ad nugas amatoriās, ad perniciosas illecebras, quæ utramque paginam plerorumque poetarum replent. Sacrum Poema sumpsisti texendum generoso proposito, nam id Italica lingua nemini haftenus tentatum. Non deterrebaris, etsi videres Pieridum auia loca peragrandā, id verò mirum videri possit, quod de re, quæ primæ fronte sterilitatem præferre videbatur, versus scribere non dubitaris. Sed sterile non fuerit carmen, ubi canitur Virgo, quæ singulari vi Spiritus Sancti foecunda facta, Dei ipsius genitrix extitit, effecitq; pariendo, ut deinceps qui Filium susciperent, Deo nascerentur, Deiq; germina appellarentur. Atq; ambigere nefas est, ab ipsa Parente quam canis, quam vocas ad scribendum, ingentem copiam datam fuisse. Nam absq; coelesti munere qui fieri potuisset, ut in argumento nouo, salebrarum pleno, difficultatum Meandro inuoluto depromeres tam multa vberē sententia, iucunda varietate, dictione in qua, non claritatem, non facilitatem, non elegantiam, non amœnitatem, non grauitatem desideres. Vbi vltima respondent primis catenata



152 *Paganini Gaudenti J. C.*

nata serie. vbi tot dicta, tot sententiæ ex abdita Theologia perspicua nobiliq; ratione exponuntur. Vbi tot historiæ ex sacris litteris reperiuntur summa cum lectoris voluptate. quid memorem illa figmenta nō figmenta, quæ plausum referunt, quæ adeò verisimilia sunt, vt putet quis conficta à poeta non fuisse? sic vero cū domi efformasses dædalum opus, non illicò typis putasti mandandum, nam sapientum virorum consilium secutus explorasti iudicia, vadam famæ tentasti. Romæ primum, dein Florentiæ. Factum bene. Nam dum scripta subiecisti alienæ emendationi, inuidiæ conatum, fregisti, in tuto collocasti lucubrationes, in te deriuasti benevolentiam eruditorum, quibus tantum deferre es visus. Hic certatim laudibus opus extulerunt, præstantiam poematis tota hac florentissima vrbe euulgarunt, vt tandem & ipse Serenissimus Magnus Dux FERDINANDVS SECVNDVS te iusserit vocari in Aulam, vt ex tuo ore audiret optimos versus, quos ingenti honorario cohonestauit, pollicitus se tibi, quem magnum poetam appellauit, non defuturum. Hæc ergo sunt felicia illa auspicia, quæ editionem pulcherrimi operis commi-

mitantur, hæc argumenta, ex quibus victura tua  
carmina quis non collegerit? quis non iura-  
uerit? Gratulor tibi Coppola, qui tuæ famæ  
iam incipis interesse, qui cum floreas ætate, diu,  
quod opto, tuæ gloriæ intereris. ab omnibus vt  
elegantissimus, piusq; poeta suspiciendus. Nam  
iam Florentiæ ostenderis digito prætereun-  
tium. de te vbiq; multus est sermo, in aula ex-  
tolleris, in Academijs commendaris, in cœtu  
eruditorum celebraris.



Y DE



DE PLATONICA

ACADEMIA

Serenissimi Principis

LEOPOLDI


AB ETRVRIA.

NVNCIVS,

*Allatus Cal. Nouembris in Magna Aula  
celeberrimi Gymnasij Pisani.*

DE

A



E M nouam atque auditu iucundam vobis, Auditores, narraturus diei planè illustri, qua publicos ad labores in hoc celeberrimo Gymnasio reuertimur, hanc sedem conscendi. Nolim aurem quenquam existimare locuturum me de ijs quæ in Germania, & in Belgio geruntur, dum bellum gliscit inter Reges, aut aucturum de Insubricis motibus, Valtelliniciis turbis, Gallia Cispinae conatibus. Non faciunt hæc ad nostrum institutum, non queunt vllam nostris sensibusingere lætitiā. furibundo enim Marti, cum Musis, cum Minerua, cum Sapientia, cum legibus non conuenit. Pacifica nos otia iuuant, quibus sub imperio Serenissimi Magni Ducis fruimur in Etruria. ad tranquillitatis Academicæ egregium specimen vocamur, seu Philosophiam interpretemur, siue sanctitatem legum illustremus, siue diuina arcana nos trahant, aut mores regnorum Republicarumque detineant, aut etiam lubeat Hippocrateas sententias indagare, vel per amœnissimos eruditionis cāpos expatiari, Mathematicamq; veritatem sequi. Illud, inquam, quod Florentia huc reuersus sum

V 2 rela-



relaturus, totum hunc cœtū doctissimorū Homi-  
num; nobilium, & studiosorū Iuuenū, qui vt me  
audirent cōuenerunt, exhilarabit, efficietq; nisi  
maximè fallor, postquā auditus fuero, vt omnes  
magna cū alacritate certatim ad studia bonarū  
artiū excolenda se accingant, excitent, atq; in-  
flamment. Altius autē repetendum ex memoria  
cōrū, quæ centum aut etiā plures abhinc annos  
in florentissima Tuscorum Vrbe euenerunt, sub  
auspicijs magnanimi Laurentij Medicei institu-  
tā fuisse præclarissimā Academiam, quæ singu-  
lari iure sibi eiusmodi nomen vindicabat, prop-  
terea quod vix alius Philosophus præter Platonē  
in ea locum habebat, auctoritatēq; obtinebat.  
Ipsius arcana, atq; libros cum maximi facerent  
Picus Mirandulanus, Ficinus, Landinus, alijq;  
qui munificentia Laurentiana ad exploranda  
dogmata diuini viri prouocabantur, cœperunt  
conuenire, capita conferre, & in commune  
differere, quod ad instaurandam tanti Philoso-  
phi scholam maximè facere videretur. Non  
illi vlla difficultate deterri potuerunt, quo mi-  
nus ingrederentur carperentq; iter, quod ducit  
ad sublime Platonice sapientiæ templum nun-  
quam sine summa obseruantia memorandum,  
atq;

atq; recensendum. Felix autem euentus egregiorum illorum hominum diligentia respondit. Nam quantum in doctrina Platonica profecisset Picus, in hexaplo satis luperq; ostendit, nec dissimulauit cum carmen quoddam Italicum, quod Platonicas opiniones redolebat, interpretaretur. In Ficinum verò poterat ipsius Platonis anima immigrasse videri, nisi à religione Christiana Pythagorica animarum transmigratio esset explosa. Nam & Platonis libros Latinos fecit longè melius quam recentior Serranus, vt mihi quidem videtur, & Plotini volumina itidem ex græco vertit, ad vtriusq; opera, dissertationes instituit, vt obscuritatem tenebrasq; depelleret, atq; profligaret. Quid memorem Epistolas, in quibus subinde multa ex diuini Philosophi copia sapienter, atq; eleganter repetit? Opus autem illud de immortalitate animæ eiusmodi est, vt omnes, qui subsecuti sunt, à scribendo de eodem argumento deterere debuisset, nisi euulgandorum librorum passim vagaretur insanabile cacoethes. Vt verò his alijsq; laboribus in summo splendore lumen Platicum, quod tot secula obscurum, atque prope extinctum latuerat, collocatum fuerit,

rerum



rerum tamen mutatio ingens apud Florentinos  
 secuta, motusq; bellici effecerunt, vt paulatim  
 tantus Philosophicæ sapientiæ splendor, immi-  
 nutus fuerit, atq; obscuratus. Quod cum in-  
 animum suum non absq; dolore dimisisset Se-  
 reniss. Magnus Dux FERDINANDVS  
 SECVNDVS, ad comitatum fratris sui Se-  
 renissimi LEOPOLDI ingenti benignitate  
 allexit viros natalibus, doctrina atq; eleganti eru-  
 ditione notos atq; conspicuos, qui cum tota  
 æstate apud Principem conuenerint, Dan-  
 temq; poetam doctissimum, grauissimumq;  
 perlegerint, atq; Academicum in morem col-  
 loquendo clarum perspicuumq; reddiderint,  
 tandem ipsius Platonis monumenta in manus  
 sumere atq; differendo peruadere constitueru-  
 nt. Quod cum ego intellexissem, Serenissimo  
 Principi sum gratulatus, felicemq; prædicaui.  
 Quis enim fortunatum eum esse neget, qui cum  
 ex prosapia augustum habeat splendorem, ta-  
 lem potuit habere Fratrem, qui inter præcipuas  
 cogitationes hanc quoq; voluit esse, vt Frater  
 LEOPOLDVS consilio illustrium sapien-  
 tumq; virorum optimis doctrinarum institutis  
 imbueretur? Gratulor iterum tibi, Serenissime  
 Prin-

Princeps, qui ingenij acumen, quo præditus es, non pateris hebescere, quinimò illud sic exci-  
tas atq; exerces, vt nullam diem patiaris elabi,  
in qua multiplicis doctrinæ atq; eruditionis the-  
saurum non augeas, locupletioresq; reddas.  
Quis verò hoc quidem tempore tam socors sit  
atq; ignauus, qui diligentiæ non litet, quādo cer-  
nit Etruriæ Serenissimum Principem contem-  
pris voluplatibus, insuper habitis perniciosis il-  
lecebris id precipuè agere, vt depulsa caligine,  
lucido die doctrinarum mentem suam illustret,  
fecundet, exhilaret? nec verò, quod pleriq; il-  
lustri genere nati faciunt, satis ipsi est histori-  
corum vireta inuisere, poetarumq; flores car-  
pere, & leuiori manu, tralatitiaq; opera qua-  
lemcumq; notitiam sibi parare. Vtius per-  
git, robusta sapientia pectus, mentemq; munit,  
vt licet Princeps sit dignitate, cum doctis ta-  
men, solidaq; rerum cognitione præditis suas  
cogitationes conferre queat. Ita nullus erit ex  
ordine Academico, quo confessus hic omni  
obseruantia dignus constat, qui sua doctrina  
aditum ad tanti Principis beneuolentiam ne-  
queat parare. Nam si Philosophus est, Aristo-  
telemq; suspicit atq; admiratur, placebit illi,  
qui



qui Aristotelis Magistrum legit, colit, in succum, atq; in sanguinem vertit. Si Medicinam interpretatur, cum Principe poterit excurrere ad ea, quæ a diuino scriptore tradita sunt in Timæo, inde sermonem instituet de dogmatibus Hippocratis atq; Platonis, in quam rem fas erit nosse ea, quæ à Galeno pro Platone contra Chrysippum luculento commentario tradita, atq; exposita fuerunt. Qui Mathematicas disciplinas acuta promptitudine in Gymnasio interpretatur, non pauca ex Platone repetet, ubi de mundo, de reminiscencia, de anima, alijsq; disputatio instituitur. Qui verò sanctitatem legum docendo tuentur, aureos libros de legibus à summo Philosopho exaratos proferent, atq; illustriores admoto Romanorum Iurisconsultorum lumine efficient. Nec excludentur secretioris Philosophiæ, quam Metaphisicam cum Græcis appellamus, doctores. nam Parmenides totus quantus quantus est, transnaturalis Philosophus est, fontemq; perennem abditæ primæque Philosophiæ bibendum, atque hauriendum propinat. Grati quoque erunt illi, quibus à Deo impositum est nomen. Theologi, inquam, auribus attentis au-

audientur. Nam tam multa de rebus diuinis deprompsit Plato, vt diuini cognomentum iure merito à consensu eruditorum fuerit adeptus. Imò pulchrè cum religione Christiana in multis concinit, nullusq; inter Philosophos propius accessit ad nostra mysteria, quam Plato, quod Sanctissimus Hipponæ Antistes non dissimulauit. Ea de causa veteres Christiani, qui alios docebant, potius Platonem secuti sunt, quam vllum alium è numero philosophorum. ipse enim magnificè de Deo sensit, cum eius consilio atq; operæ, (si ita loqui fas est) vniuersitatem rerum transcripsit, cum immortalem esse animam in Phædone contendit, cum bonorum post hanc vitam præmia, malorum pœnas alibi deduxit. Ne plura cum prolixitatis incommodo recenseam. Quid verò variæ, elegantis atq; iucundę eruditionis assertoribus faciemus? & isti, si vlli alij, Principi benignitatis plenissimo accepti erunt. Nam vbi vberior seges amœnioris exercitationis reperienda? Cratylus inspiciatur. Phædrus relegatur. Quandoque enim Catonianum supercilium est deponendum. Videatur primus atq; secundus Alcibiades. Singula quid memoro? omnis erudi-

X tionis



tionis parentem Platonem appellauero. Iam  
verò est, quod sapientissimi Patres, qui summa  
cū laude disciplinas in hoc celeberrimo Athe-  
næo tradunt, hilares exultent, dum audiunt  
Principem Serenissimum omni generi studio-  
rum esse addictum. est, quod studiosa Iuuentus,  
quæ huc velut ad emporium bonarum artium,  
hoc anno conuolauit, gaudeat, alacremq; ope-  
ram ad audiendas prælectiones adferat, & sedu-  
la manu domi scriptores insignes legat, atq; co-  
gnoscat. nam tanti Principis beneuolentia ijs,  
qui gnauiter culturæ ingenij præ alijs incubue-  
rint, præmia à Serenissimo Magno Duce, qui  
eruditorum hominum hodie in Italia summus  
est patronus, spondet, atq; pollicetur. Dixi.

DE

DE GLORIA  
GYMNASII  
PISANI

*Oratio habita Cal. Nouembris.*  
*MDCXXXVI.*



Illustrissimo Viro  
**IACOBO GADDIO**  
 Patritio Florentino,



**V** T GESTIT tua se inferre do-  
 mui, quæ Musarum; Suadæq; sedes  
 est, hæc Oratio; felix dicenda, si ady-  
 ta penetret Bibliotheca tot libris,  
 tot chartis, quæ nondum prodire,  
 diuitis. nec desperat à te id impetrandum, qui hu-  
 humanissimus es. Memorat namq; egregios Profes-  
 sores, quibus gloriam acceptam fert celeberrimum  
 Pisarum Lyceum. Tu verò Elogijs, quæ cum plau-  
 su leguntur, non solis Tuscis, sed & reliquis Ita-  
 lis, quos inter Lauredanus, Casonus, Pona, lucem  
 scribendo sceneraris. Frontem igitur, visa Ora-  
 tione, quæ tota in commendanda doctorum homi-  
 num virtute occupatur, exporriges. Dabam Flo-  
 rent. Id. Octobris M. DC. XXXVIII.

Feli-



Elicitatis cum sit pars non exigua  
 sua bona nosse, & quid cœlo ac-  
 ceptum sit referendum, perpen-  
 dere, nobis, qui in hoc Acade-  
 mico theatro aut docemus, aut  
 discimus, quanta sit gymnasij nostri gloria, ne-  
 fas fuerit ignorare. quod à me non ea de causa  
 profertur quasi vos, Auditores, res adeò clara,  
 omniumq; sensibus exposita lateat, sed quia in-  
 telligitis par esse, vt de Etrusco Athenœo non  
 solum magnificè sentiamus, sed & cur ita sen-  
 tiendum sit; non tralatitia cogitatione in animũ  
 dimittamus. id fiet percommode si paulò dili-  
 gentiũs, & singillatim ornamenta inclytę Aca-  
 demię memoremus, ac recenseamus. Quam-  
 uis animaduertam non vnum è cœtu eorum, qui  
 me auditum conuenerunt, tacite ex me quære-  
 re; num breui oratione ingentia Scholę Pisanae  
 decora putem posse comprehendere? Ego verò  
 lubens fassus fuerim amplitudinem prope im-  
 mensam intra limites huius diſtionis nec debe-  
 re, nec posse compelli. Vt tamen vestro desi-  
 derio, vestręq; de me expectationi aliquatenus  
 respondeam, atq; satisfaciam, in hoc felici stu-  
 diorum initio, e magna copia paruum instar  
 pro-



proponere, atq; deducere conabor. conabor, inquam, cum probè norim, quam ardua sit prouincia, quam quis suscipit, quando dicturus coram tot sapientissimis viris, totq; acutis, & ingeniosis auditoribus sedem hanc conscendit. Vnde verò iubeor ire, vt splendidos gloriæ suæ radios Gymnasium Pisanum emittat, atq; diffundat? Illico scilicet oculis meis antiquitatis lumen sese obijcit, vt nouerimus in hac vrbe coëpisse temporibus Lotharij imperatoris depelli diurnæ inscitæ noctem post obscuritatem barbararū legum affulgere Iurisprudentiæ Romanæ amabilem diem. diem enim vocabo illum, diem æterna annalium memoria signatum, quo Pisanorum viuida virtus expugnata Amalphi vrbe veterum Iuris consultorum aurea dicta, quæ Pandecten appellauerunt, huc attulit, vt deinceps iubente imperatore, rogante Mathildi, à doctissimo viro Irnerio studiosæ iuuentuti explicarentur. Ergò quod hodie longè lateq; per Europam in scholis iura traduntur, Papinianus loquitur, Vlpianus non silet, Scauola cognoscitur, Africanus illustratur, id Pisis, vbi nos degimus, ab omnibus, qui rerum gestarum non sunt ignari acceptum refertur, hic

hic nos instauratæ Philosophiæ laudem Parisiensibus non eripimus, aliosque commendari patimur, quod cœperint de veterum Patrum dictis more Scholastico disputare, dūmodò Pifæ Iuris Cæsarei palladium Reipublicę literarię largitæ esse dicantur. Sed parum illis fuit volumen tradidisse, nisi etiam in sinu suo fouissent eos, qui primi sententias tenebris inuolutas exposuerunt, illustrarunt, claras, atq; perspicuas reddiderunt. vidit nempe hæc vrbs Bartolum docentem, ab ipsius ore studiosa iuuentus admirationis plena pependit. quod mirum videri non debet. ante ipsum namq; qui ius Romanū fuerant interpretati leui sanè opera Spartam suam ornauerant, tenuibus annotamentis contenti. Bartolus verò, cuius nomen hodieq; in subsellijs Iurisperitorum personat, via ante se non tentata incescit, de sensu legum iustas, grauesq; disputationes iniuit, sic deniq; se gessit, vt Iurisprudentiam profugam, iamq; tot seculis ignoratam liberali causa manu asseruerit, ab exilio reuocarit, iureq; postliminij conspiciendam præbuerit. Quid referam eos, qui leges Sacras ab Antistilibus Pōtificibusq; latas in his scholis sic sunt interpretati, vt deinceps fas fuerit



rit de religiosis iuribus, magnificè respondere. Felinus profectò claritatem nominis, qua hodieq; illustris est, sub hoc cœlo est adeptus, in hoc lycéo est consecutus. doleo verò me cogi silentio non paucos inuoluere, qui laudandi forent, nisi breue temporis spatium, quo mihi dicendum est, desiderio meo intercederet. Soli Decio extollendo non vna clepsydra veniret impendenda. quem enim lapidem ipse non mouit, in quam partem non vertit animum, vt suo munere cum vtilitate discipulorum fungeretur? in subsellijs ingentia doctrinæ flumina diffudit. in puluere disputationis acer adeò extitit, vt qui cum homine vellet congregari non facile esset inuenire. hinc factum vt ipsius operam non sine certamine Principes Republicæq; captarent, atq; ambirent. quod si ad Professores aliarum disciplinarum, quas Etrusci proceres in nostro Athenæo cum Iurisprudencia tradi voluerunt, non foret narratio transferenda, postquam de illis, qui cum Decio floruerunt, locutus essem, ad nostra tempora deuolutus Ripam extollerem, Martham commendarem, Massinum meritis laudibus decorarem. de Philippo autem Fachinæ eò lubentius verba haberem, quod  
con-

controuersiarum opus ab ipso conscriptum rāto cum applausu fuerit exceptum, vt decies, aut etiam pluries typographi id recuderint, atque euulgarint. Sed me vocant reliquæ artes, nec patiuntur Iuriscōsultis diutiùs inherere. parum enim uerò fuisset Florentinæ potentiæ immortalī ornamēto Laurentio Medices iubere, vt hic iuri daretur operam, nisi alijs quoq; scientijs locum tribuisset. quod consilium secutus Cosmus primus Etrusci fundator imperij post profligatum bellum, post depulsas turbas, ex vniuersa Italia celebriores viros huc ad docendum allexit, effecitque vt Pisæ essent Sapientiæ, quæ omnem cognitionē complectitur, emporium. Franciscus porro Cosmi Filius paternum exemplum non neglexit, cum ipse supra Principum morem esset eruditus. hinc series regnandi excepit Ferdinandum, vt non minori lumine fulgeret in Etruria sol scientiarum. at Cosmus Secundus regiam liberalitatem erga viros doctrinapræstantes exercuit. Cui sic successit Ferdinandus nec patri, nec ulli maiorum suorum, secundus, vt dignitatem celebris Athenæi magis ac magis augeat splendidioremq; reddat. Quare sic vos, Magnanimi Heroes, veneror, dum

Y hæc



hæc tempora intueor, & præteritos annos, qui  
seculum æquant memoria recolo, vt me doctis-  
simorum hominum obliuio non capiat. Excus-  
sor verò si per singulos non eo, cum plerosq; in  
cōmentario de viris doctrina claris recensue-  
rim. Continere tamen me non possum, quia ex  
ingenti numero aliquos singillatim appellem.  
Scilicet hic Portius de Philosophia & differen-  
do, & scribendo bene meruit. Borrus peripa-  
teticas sententias sic est amplexus, vt præ illis  
quæuis dogmata contēnere non dubitaret. Cæ-  
salpinus felicibus auspicijs librum philosophi-  
cum amisit, qui trans Alpes ad Germanos per-  
tigit, innumerofq; ad legendum excitauit. Mai-  
nettus quoq; suis scriptis Aristotelem illustrare  
fategit. quod si Pappazonius, si Boscalius nihil  
ediderunt, at certè sua voce prouinciam, quam  
acceperunt, decorarunt. nam Bonamicus inter  
præcipuos peripateticos meruit numerari; cum  
subtiliter admodum atq; accuratè de motu, de  
alimento disseruerit doctissimasq; dissertatio-  
nes in publicam lucem produxerit. nec sperni  
debet Aquilani liber licet mole paruus, quem  
de veterum philosophorum sententijs exarauit.  
post quem me rapiunt ad se se lumina, quibus  
cla-

claritatem imputat medicina. splendet adhuc in suo commentario Iachinus Emporiensis. Clarissimus est Mercurialis in plurimis voluminibus. nec Fonseca obscurus est, & Guastavinus lucet inuita morte, quæ non ita pridem illum confecit. Vosego complector clara nomina, vos suspicio, de vobis loquor frequenter, dum finitis vestræ gloriæ addi Gabrielem Fallopiū Mutinensem. Is enim in secandis hominum corporibus non pauca obseruauit, quæ Galeni, Vesalij, aliorumq; diligentiam præterierant. Agmen tandem ingens dant politiorum literarum mystæ Cyriacus Strozza, Angelius Bargæus, Titius, Dempsterus. Nec in extremum locum reiiciendus foret Bulengerus (poterat enim inter primos collocari) nisi etiam præstantissimi cogerentur in ordine sibi inuicem cedere, quia simul omnes dici nequeunt. Sed quò hæc omnia tendunt Auditores? vt excitemur ad labores, narrantur. ne dicamur degenerare à virtute, ad qua nobis eximij homines præiuerunt, proferuntur. Danda namque nobis opera est, vt posteri, quiq; post nos hoc regno Academico potentur, habeant, quod de nostra industria referant, possintque



SECVNDI, qui nos sua ingenti benignitate atq; liberalitate tuetur, tempora etiam studiorum nomine felicia appellare. Dixi.



143  
IN NVPTIIS

*Sereniff. Magni Ducis Etruriæ*

FERDINANDI  
SECVNDI

*et Serenissima*

VICTORIÆ

Principis Urbini

Anno M. DC. XXXVII.




IN VITIS  
PRINCIPIS VITINII  
VICTORIAE  
PRINCIPIS VITINII  
ANNO M. DC. LXXV



Serenissimo Parmæ, &  
Placentiæ Duci

# ODOARDO PRIMO



*DIRE Deos fas non est ab  
sq: munusculo, Et satis fue-  
rit aliquid thuris inycere aræ,  
ut hæc saltem ratio ostendat,  
nos conari ipsorum maiestatem nostræ red-  
dere tenuitati propitiam. Nec ego te (Sere-  
nissime Dux) ausus sum coram alloqui,  
priusquam parasssem, quod submissi animi  
argumentum offerrem, In Nuptijs Serenif-  
simi*



*simi Magni Ducis, quarum causa hoc tem-  
 pore Etruriam tuo splendore illustrare vo-  
 luisti, sunt exarati versiculi, non sublimes,  
 quales ipse diuino, & excelsio ingenio præ-  
 ditus quandoque dictasti, sed humiles, quos  
 vires meæ per exigua depromere potuerunt.  
 Cur tamen non sperem Tuæ Celsitudini  
 acceptos fore? saltem materies eos commen-  
 dauerit, si elegantia destituuntur. Ut ni-  
 hil dicam de tua ingenti benignitate, quam  
 nec tunc exuis, quando in castris ferox &  
 magnanimus versaris. Nempe doctrina,  
 magnaq; rerum cognitio tuæ vnius mentis  
 magnitudine & celeritate digna, à pia be-  
 neuolaq. propensione in eos, qui litteras pro-  
 fitentur, nullo temporis abesse nouit mo-  
 mento.*

ODE

ODE

177



R BEM vniuersum Fama vo-  
latili  
Peruade gressu . trans iuga mon-  
tium ,  
Trans alpium migra cacumen .

I cita transvada falsa Nerei .

Vbique magnum Magnanimi Ducis  
Extolle nomen . Differ Etruriæ

Festas dies , festamque pompam ,

Lætitiæ insolitum apparatus .

Mirentur omnes Regia gaudia ,

Aulæque Tuscæ non vice simplici

Narrent faces , & iussa narrent ,

Romulei specimen Theatri .

Quæ Flora nunc spectacula non dedit ?

Construxit audax pegmata , machinas ,

Scenas rotauit , mira cuncta ,

Altifono memoranda versu .

Quis credat ? Ætnam vidimus igneos

Nimbos vomentem . Tardipedis Dei

Suspeximus Brontem ministrum ,

Et socij Steropis laborem .

Z Hunc



178 *Paganini Gaudentij I. C.*

Hinc trux Gradiuus prælia miscuit,  
Secum caferuas belligeras trahens.

Gressum tulit Neptunus, vndas,  
Oceanique ciens fluënta.

Diana syluas exhibuit, dedit  
Sedes amœnas Diua potens Cypri,  
Et mella diffudit canendo

Vox teneris animata Cygnis.  
Osten dit æther Cœlicolas, Pater  
E sede Diuùm stellifera annuens

Latum per orbem iussit ire  
Mercurium, & bona verba fari.  
Dum FERDINANDVS Dux sapiens, pius  
Sibi pudicis iungit amoribus

VICTORIAM, quam cùm Metauro  
Nunc hilaris veneratur Arnus.  
Quam pulchra forma est! quamq; oculis micat.  
Nam vindicauit tres Charites sibi.

In ore fert Suadæ loquelas.  
Ingenij celer est vigore.  
Ab auspicato principio Polus  
Spondere quid non possit Etruriæ,


VICTORIAE si Sponsa gaudet  
Nomine, & Auspicio secundo?

DE



# DE CERTAMINE,

*Et decursione equestri, quam in Magno  
Theatro exhibuit Serenissimus Ma-  
gnus Dux.*



**L**æta tibi nunc Flora fauet Torquate, tuumque  
Ingeminat carmen, toto plaudente Theatro,  
Exhibet Armidam, qua non fuit aptior vlla  
Pectora flammiferi telo percellere Amoris.  
Vt redit à Tasso, vt concentibus æthera pulsat;  
Seu lubeat radijs oculorum corda ferire;  
Vrit Eberhardum, lateque incendia spargit.  
Dulcia seu tenero diffundat verba palato;  
Corripit Eusthatium, & captivum in vincula ducit.  
Detinet inuictos equites dulcedine vocis.  
Hùc illucque tumens vehitur comitante caterua  
Magnanimù Heroù. quos non Regina triumphet,

Z 2 Vis



180 *Paganini Gaudentij I C.*

Vis formæ, gratusq; lepos, & gratia fandi?  
 Omnia in Armidam properant, victricia signa  
 Circumfert Armida, hilaris visura Damascum.  
 Quò Bellatores ruitis? quo turbine rapti  
 Iratos agitatis equos? furor omnia miscet,  
 Conglomeratq; agmē. celeres tubus euomit ignes,  
 Sulphureas glandes, crepitantis fulminis instar.  
 Stringuntur gladij. Dubijs Mars errat in armis,  
 Nescius Eulthatij turmas, an castra sequatur  
 Fortis Eberhardi. quamuis te tegmine celes  
 Carole, te prohibet tua vis radiata latere.  
 Armidæ crudelis amor, vel sæuior ipsis  
 Fluctibus Ægei. num tot thoracas ahenos  
 Perfundi sudore fines, certamen iniquum  
 Ibit in obscuras te subridente tenebras?  
 O fallax pietatis opus, fallacia iussa  
 Fœminei ingenij. crudeli pace sequestra  
 Sic dirimis pugnam, vt lasso discrimine longo  
 Compeditibus vinctos ad cæca palatia trudas.  
 Abde Duces Armida tuos, adamante catenas,  
 Et portas chalybe obfirma, mox germen olympi,  
 Sanctus Amor, Deus innocuus, digressus amœno  
 Mediceæ luco Florę, spectantibus astris,  
 Auspice Fernando confringet subdola tecta.  
 Vt pedicas exuti Equites, generosa caterua,  
 Tutam

Tutam in amicitiam pergant, fœdusque perenne.  
Hinc agitant choreas, quas Larissæus Achilles  
Thessaliæ in campis didicit Chirone Magistro.  
Aut quas Æacidæ natus post Troica fata  
Inuexit Macedum terris, docuitque Pelasgos.  
Quam cuperet nunc Elysio decedere prato.  
Et ludos renouare suos, dum pegmatè ab alto  
Facta Virum læto Victoria lumine lustrat.

*DE FACIBVS INNUMERIS,**quæ Theatrum illustrabant,*

**F**Ax, illa, quam Fernande, ventilat tibi  
Pudica Amorum mater, vt clarè nitet,  
Vt vincit illunes tenèbras, dissipans  
Splendore puro noctem. vt auget vndique  
Magnum Theatrum luce, quæ diem queat,  
Ipsumque Solem prouocare lumine.  
Nempè illa flamma, qua tuum pectus calet,  
Accendit innumeras faces, læta hinc Venus,  
Venus pudica, cernit exemplo tuo  
Casti calere flamma Amoris cæteros.


*Cum*



## CV M FLANTE VENTO

*dilatatum esset certamen in sequen-  
tem diem.*

**D**uorum si tota cohors inuisere gaudet  
Regis Etrusci celsa palatia,  
Dum parat illustres ludos, spectacula mira,  
Queis hilaretur Feltria Sponsa:  
Æolus exclusus Flora cur solus abesset?  
Ergo pernix approperauit.  
Ast ne Aquilo tedas diffilaret, nocte secuta  
Se repreffit carcere caco.  
Felix, Fernandez, est pietas tua, cura Deorum,  
Seu veniant tibi, seu tibi defint.



481 103  
GRATVLATIONIS  
INTERVALLA,  
PRINCIPI

IOHANNI CAROLO  
AB ETRVRIA,

*Cum ipsum Hispaniarum Indiarumque  
Rex Catholicus,*

PHILLIPPVS IV.

*Suis Classibus summo cum Imperio  
præfecisset,*

OBLATA

*Anno M.DC.XXXVIII. Mense Septembri.*



DE IVDICIO CATH. REGIS

Approbantis virtutem Serenissimi  
PRINCIPIS.

INTERVALLVM. I.



VIS tibi non promptus punctum ferat,  
inclyte Princeps?  
Quis non extollat nomen ad astra tuum?  
Regali quis non pia porrigat oscula ve-  
sti?

Quis non Heroem CAROLE te memoret?  
Si Rex maiorem, quo Sol non cernit in orbe,  
Si Rex, qui Reges maximus anteuolat,  
Te, qui magnanimus tota virtute resulges,  
Frænandis tribuit fluctibus Ionijs,  
Quin ipsum Oceanum lata dititione tenendum.  
Largitur lætus munere Regifico.

*De*

*De Affinitate nominis Iohannis cum Iano.*

*INTERV. II.*

**S**I se bifrontis iactat qui nomine Ianus,  
A' tergo vigilans, anteriora videt:  
Tu Iano maior, populos, praefectus aquarum,  
Prospicis Eoos, prospicis oeciduos.

*De significato Germanico nominis CAROLI.*

*INTERV. III.*

**C**AROLVS haud quicquam plebeium nomine  
signat,  
Sic vir Germanis dicitur impavidus.  
CAROLVS imbellem iubet hinc migrare timorem,  
Dux ad veliuolum dum parat ire mare,  
Siue animæ insurgant Eurorum, & carbasa turbent,  
Seu scopuli obrepant, insidiasq; struant,  
Nerea seu fundo Neptunus vertat ab imo,  
Et mortem intenter fluctibus horribilem,  
Seu trux occurrat Thracum ardor, & horridus arma  
Expediat, replens aera fulminibus,

A a CA-



CAROLVS haud vnquam scit concussisse pauore  
 Firmum animum, quo nil firmitus esse potest.  
 Principis ergo inter trepidos disumpitur hostes,  
 Atq; Duci subdit colla repressa Timor.

*De Immensa Gloria rei maritimæ, quæ manet  
 Principem.*

## INTER V. IV.

**Q**UIS tibi præscribat metas, quis limite frænct  
 Virtutem, ò PRINCEPS, qua radiante  
 micas?

Phœbus in extremis currum licet abluat vndis,  
 Lassus cum fessis & stabuletur equis,  
 Quà Gades, Abylam, & Calpen labor Herculis ornat,  
 Quàque iter Herois celsa columna notat,  
 Non intra stabula hæc, Princeps, non montibus istis  
 Sceptriger includi Rex tua facta sinis.  
 Laxat in Athlantem munitam robore mentem,  
 Et cupidis referat motibus Oceanum.  
 Seu lubeat Gallorum oras legere, & fixisse trophæa,  
 Quæ Celtæ haud lato lumine conspiciant.  
 Seu Batauum penetrare sinum, & terrore replere  
 Littora Flissingæ, littora Texeliæ,

Sive

Sive ferat mens impatiens tentare Britannos,  
 Non vi, non Marte, aut fœdere pacifico,  
 Seu memorandus amor laudis, generosa cupido,  
 Malacham, atq; Goam te tetigisse velit,  
 Brasiliæ vt victor regione, & diuite terra  
 Sollicitos possis pellerè Nassauios,  
 Cuncta tuo, pugnax Heros, lætissima prostant  
 Imperio, parent nauta ratisque tibi.

*Excitantur Pisani ad veterem rei maritimæ  
 gloriam.*

## INTER V. V.

**P**rofilite ò Ciues, Pisææ robora pubis,  
 Profilite audaces, arripite arma citi,  
 Iam decus antiquum fas est reparare per vndas,  
 Atq; Arno Oceanum conciliare Patrem.  
 Vos virtute sua, & generosi pectoris ira,  
 CAROLVS in Thracas prouocat, & Numidas,  
 Queis tandem domitis spolia ampla referre licebit,  
 Et rapta Etruscis figere signa tholis.  
 Pons ruit antiquus, solitus simulacra duelli  
 Ferre, nec hostiles perterebrare acies.  
 Nunc opus est pugna haud ficta, certamen initur  
 Cum leuib; Mauris, fœdis fragisque Scythis.

Aa 2 Ergo



Ergo animum induite, ò Iuvenes, Duce Principe, fortè,  
Gloria nam tantis vos manet auspicijs.

## AD LIVOREM.

De vinculo Sanguinis, quo Serenissimi Magni Duces  
Etruria, & Principes obviunguntur cum  
Augusta potentissimaque domo Au-  
striaca tam Hispanica, quam  
Germanica.

**P** VILLE Liur, cur colore plumbeo  
Frontem inficis? cur contrahis moestus curem?  
Cur o miselle, cur taces? mussans paues,  
Totusq; cornicaris, & rodis duce  
Rabie, indice mq; pollicemq; turbidus?  
Viduae barbam cur nigris potes pilis?  
Cur abstines cibis? & angulos petis,  
Latebrisq; gaudes? cur diem verti cupis  
Phlegethontis impij in tenebras terricas?  
Cur ambulas quandoq; Manadum in modum  
Furore percitus gravi? pulsas solum?  
Silentio quamvis dolorem involuere  
Coneris, attamen tacente te dolor  
Erumpit, & clamat: Fremit, frendit, gemit.

Li-

Liuor miser, dum Rex Iberiæ fauet -  
Regali Etruriæ, potenti Etruriæ,  
Nexæ perenni amore, nexæ sanguinis  
Nodo perenni, cum Domo, quæ Cæsares  
Serie beata Teutonum dat gloriæ.  
O ter miselle, fusce liquoriam tibi  
Fletum polus parauit iratus nouum,  
Nam Rex Iberiæ, Philippus Carolum  
(Miselle Liuor, fle, miselle) classibus  
Vtrumq; per regnum Amphitrites præficit.

FERDINANDI II

MAGNI DACIS

FRATRIS

Anno M. DC. LXXVI. Mense Iulio



281

In Funerē  
**F R A N C I S C I**  
**PRINCIPIS AB ETRVRIA**  
**FERDINANDI II.**  
**MAGNI DVCIS**  
**F R A T R I S.**

*Anno M. DC. XXXVI. Mense Iulio.*

191  
FLORES SPARGUNTUR

*ad tumulum.*

**N** Aiades, ingenuæ, & Dryades, pictæq; Napeæ,  
 Quæ sacros colitis lucos, saltusq; profundos,  
 Quæ Tuscos lustratis agros, quæ Numine leni  
 Asseritis colles, Floræq; inuisitis arua,  
 Quicquid Nympharû est vsquâ quâ labitur Arnus,  
 Huc celeri properate gradu, mora nulla moretur  
 Præcipientes passus, calathis sed lilia plenis.  
 Dextra ferat, mollesq; rosas, blandoq; Hyacinthos.  
 Non desint violæ, non purpurei Narcissi,  
 Quicquid in irriguis pratis, vel vernat in hortis,  
 Conficiat varium nimbum, luxumq; comantem,  
 Ut FRANCISCI animam illustrem, manesq; merêtes  
 Lugubri accumulent dono. fuit ille decorus  
 Flos teneræ ætatis, flos nectareus virtutis  
 Flos longa annorum serie dignusq; vigore  
 Grandæuo, at cito Flos Tuscis defloruit iste,  
 Immiti gelidæ mortis succisus aratro.  
 Nempe hominum vitam sic versat flebile Fatum,  
 Pulchricoma ut quicquid pompa florere videtur,  
 Illicet inuidia sortis defloreat orbi.

*De .*



*De florum defectu.*

OMNIA nunc arent, nunc sicco in puluere Nymphæ  
Languidulæ latitant.

Dumicanis allatrat campos, sæuiq; Leonis

Cauda flagellat agros,

Floriferis gratus pratis subducitur humor,

Floraq; deflet opes.

Frustra quærentur flores in vallibus imis.

Quid facies tumulto,

Si desunt violæ, cum purpureo narcisso,

Idaliaquæ rosa?

Scilicet vt cecidit Tuscæ flos inclitus aulæ,

Omne decus perijt,

Quo pallent violæ, quo candida lilia vernant,

Quo rosa pulchra subet.

*De Floribus nascentibus è tumulto.*

MORTVVS an Princeps merito cariturus honore est,

Ad tumulum flores spargere si nequeas?

Non hoc imbriferæ regnator fuerit aulæ,

Cui cordi Flora est Mediceumq; genus.

Æstibus in medijs dimittet ab æthere nimbum,

Molliter vt roret, quod tegit ossa, solum.

Pro-

Protinus hinc pariet tellus madefacta hyacinthos,  
Narcissosq; leues, purpureasq; rosas.

*De Morte fraudulenta.*

QVEM nequijt Bellona grauis per mille pericla  
Gradiui dubio spargentis in agmine cædes  
Inuicta spoliare anima, & vitalibus auris,  
Huic Mors insidias fera per contagia struxit,  
Et iuuenem impavidum percussit vulnere cæco.  
Sic quos per pugnam campo prostertere aperto  
Non valet, infida sine bello conficit arte.

*De obsidione Ratisponæ luctuosa.*

COLLES amænos linquere sustines  
FRANCISCE, gentis Mediceæ decus,  
Formosa regnatricis vrbis  
Spernere non dubitas vireta,  
Quali cor ardens se stimulis ciet.  
Demit quietem laudis amor vigil.  
Quò non vehit curas calentes  
Gloria pennifero meatu?  
Sed plebs repugnat, dum videt immori  
Cœpto feroci magnanimos viros.

Bb

Blan-



194 *Paganini Gaudentij I. C.*

Blandæ voluptatis renarrat  
 Commoda, somniculosq; molles,  
 Largasq; mensas, mistaq; pocula,  
 Risum petulcum, blanditias ioci,  
 Et quicquid adfert corda mulcens  
 Virigenæ domini iuuenta.  
 Heu dicta veri nescia, quæ gregem  
 Infanientem decipiunt vafro  
 Inuento, & inuoluunt profundo  
 Indocilem exitio cateruam.  
 Illustre lumen mentibus insitum,  
 Nos has in auras cum veheret dies,  
 Præclara laudat facta, & offert  
 Eximij titulos honoris.  
 Ne muta tellus, quæ cinerem tegit,  
 Furis tenebris obruat inclitum  
 Nomen. viget post funus atrum  
 Carminibus celebrata virtus.  
 FRANCISCE in hostem non vice simplici  
 Sæuum impulisti quadrupedem, & ferox  
 Multos coegisti pauentes  
 Aufugere ad stygios recessus.  
 Cum Rex petitus sulfureo globo  
 Gustauis ingens concidit ex equo,  
 Lapsusq; perfudit cruore

Lut-

Lutza tuos memoranda campos.  
Contemnis Heros Tusce pericula,  
Dum Regi adhæres Pannonio, & premis  
Muros Ratisponæ obstinatos.  
O validum obsidij apparatus!  
Si iussa tandem Cæsaris accipit,  
Æquata terræ mœnia dum videt,  
Urbs, quam tot armatæ cohortes  
Afferere haud potuere pressam.  
Sed luctuosa est lætitia, & Daphne  
Quæ se cupressu funerea implicat.  
Sic exara tur laureata  
Littera, ut ingeminet dolorem  
Curis Etruscis? Nam tua stamina  
FRANCISCE Princeps trux lachesis scidit.  
Hæc fama funestat triumphum,  
Cladeq; luctifica Viennam  
Incestat ipsam. scilicet inficit  
Iucunda mœror gaudia turbidus,  
Erratiles ut per tot annos  
Vix hilaret mera nos voluptas.



*Votum pro Principe MATTHIA  
post obitum FRATRIS.*

QVANDOQVIDEM visum est superis, educere terra,  
Astriferoq; polo  
Addere FRANCISCVM, quò se iactabat alumno  
Flora Ducum genitrix,  
Quos Iuueni inuidit fati furor inuidus annos,  
Et meritam seriem  
Armigerę ætatis, MATTHIÆ munera donet  
Cura benigna Iouis.  
Quis neget hæc Fratri deberi, quando paterna  
Ambo abiire domo,  
Ambo ducentes genus alto à sanguine Regum,  
Austriacas Aquilas,  
Signaq; FERNANDI sunt acri corde secuti?  
Sed pede mors celeri  
Vnius oppressit bellis accommoda membra,  
Intrepidumq; caput.  
Quò magis optamus sit felicissimus alter,  
Et geminet numerum  
Palmarum, inq; solo hostili mansura trophæa  
Erigat, vt volitet

Per

Per linguas hominum, missaq; in secula fama

Materiem properet

Illustri dignam historia, doctaq; papiro

Carminis Aonij.

Sic quà sol currum profert, lucemq; reponit,

Pectoris impauidi

Gesta canet Dea, quæ venturi temporis umbras

Obliviosas desijcit.



IN



IN OBITVM  
REGINÆ  
POLONORVM  
ODE

*Anno M. DC. XXXI.*

199

SERENISSIMÆ MARIE MAGDALENÆ  
ARCHIDVCI AVSTRIÆ,  
Magni Ducis Etruriæ Matri.



*Ar est, vt te lugente, quotquot in Etruria  
viiimus, lacrymas fundamus. quibus enim  
publicè perpetuam præstas letitiam, quando  
priuatim doles ob immaturum Sororis, He-  
roinæ non interituris laudibus dignissimæ,  
obitum, in societatem luctus veniamus necesse est. Ac sane  
mihi fuit nefas non tristari, quando ob recens beneficium  
sum obstrictus. Cum enim nuper ad te deducere præstan-  
tem Medicum, & Mathematicum Rotgerum Emsingium,  
rogaremque, vt tuo iussu reciperetur inter eos, qui medici-  
nam faciunt in celeberrimò Xenodochio, quod est ad D. Ma-  
riæ Nouæ, & honorifico aluntur stipendio, tu illico precibus  
annuisti. quapropter me plurimum debere tuæ benignitati  
fateor, & quando, dum hæc vrbs ad tristitiam ob mortem  
Reginæ Polonorum componitur, oden conscripsi, eam sub tuo  
inclyto nomine in publicam lucem profero.*

Dabam Florentiæ Prid. Cal. Septembr. MDCXXXI.

Dum





Vm Sarmatarum Vistula lacrymis  
 Augetur vdis, dumque nouissimo  
 Plaustro Bootæ iuncta tellus  
 Funereum struit apparatus:  
 Mœrentem ad Arnum nos quoq; flebiles,  
 Ferales munus, sollicitant modi:  
 Induta pullam Flora vestem  
 Respuit æthereum colorem.  
 Te triste telo quod propero obruit  
 REGINA, fatum luctibus inclytam  
 Etruriam replet, pioq;  
 Pectore lætitiā repellit.  
 Quem non timoris concutiat stupor?  
 Quis iam reponat mortis imaginem?  
 Quando per orbem fama narrat,  
 Quod potuit Dea funerari?  
 Nam quis Dearum te neget è choro?  
 Cœleste nomen quis tibi deterat?  
 Quas prisca mirabatur ætas  
 Tu poterat superare cunctas.  
 Iactatur illis si genus à Ioue,  
 Quem Creta tandem sed modico lare  
 Est passa Regem, quando natus  
 Depulit imperio parentem:  
 Te sanguis altus, te domus AVSTRIÆ

Dias

Dias in auras germen olympicum,  
Quando astra nascenti fauebant,  
Protulit auspicijs secundis.  
Pars Creta mundi quantula dicitur?  
Vtrumque sidus sed colit AVSTRIOS,  
Quà sol ab Indis surgit, & quà  
Fulget in occiduo cubili.  
Dicenda forti semper Iberiæ  
Hæc est Nepotum gloria CAROLE,  
Quæ nullius latè imperantis  
Sceptringas decoravit artes.  
Sed stirpis ingens quid tibi profuit  
REGINA fulgor? letifera manu  
Te furua talem Iuno ramum  
Arbore ab AVSTRIAICA reuulsit,  
An magna Virtus non potuit tibi  
Duxissè longum stamen? inhorruit  
Inuicta Gens, cum tres puellæ  
Aurea dissoluere fila.  
Vt vota tollunt effera, dum vident  
Somno obuolutam perpetuo. an iacet,  
Quæ bellicoso longum in æuum  
Digna fuit populo interesse?  
Vt te Trionum magnanimam gelu  
Vidit, Gradivus cum fremeret, ciens  
Cc Cui-



202 *Paganini Gaudentij I. C.*

Ciuile bellum, quando Erynnis  
Intulit horribilem tumultum.  
Dum Rex in hostem duceret agmina,  
Fractumque Moschum pelleret arcibus,  
Vtramq; tollens palmam olympos,  
Auxilium facile aduocabas.  
Creuere Thracum sanguine flumina,  
Cum plenus iræ iam sibi Regiam  
Sponderet Osmanus, supremo  
Cracouiam exitio daturus.  
Gressus profanos sed tulit illicò,  
Præceps vocabat quò timor, & fames.  
Sic tot cateruis trux in auras  
Impetus æoltas abiuit.  
Olim hæc fuerunt. nænia nunc manet.  
Nunc integrandum carmen, vt horridus  
Vespillo REGINAM dolendo  
Exanimem imposuit feretro.

FV-

203

FVNVS ACERBVM.  
Carmen.

De immatura quorundam Principum morte.

**A**gitur de obitu Germanici Caesaris, Osmanni Turcarum Imperatoris, Alexandri Magni, Marcelli, Lucij, & Caij, Titi Imperatoris, Alexandri Seueri, Ludouici Pannoniae Regis. Henrici, filij Iacobi Regis Magnae Britanniae. Caroli fratris Regis Philippi IV. Leopoldi Archiducis Austriae.

**E**ST Lanius, quem iam ferit octogesima messis,  
Diues agris, & pecoris, dum numos arca flagellat.  
At plures lucro expositos nouere Calendæ.  
Is pulchra nati egregij virtute fouebat  
Annosum senium. decus acclinabat in illum  
Venturi generis. geniale cubile parabat.  
Ast superis, quos sæpe iuuat deludere auaras  
Spes hominum, visum est tam iusta auertere vota.  
Inuasit Iuuenem febris, tetroq; calore  
Depasta est artus. & sauo funere mer sit.  
Siccine vir tremulus superest, cui vitrea sepes  
Circundat dubios oculos, at filius atro  
Elatus feretro, tumuli gaudebit honore?

Cc 2 Num



Num Cœlo par est rigidam impegisse querelam?  
 Humani generis si diuos prouida cura  
 Sollicitat, tenera annorum cur concidit ætas,  
 Porrigiturq; seni vitę miseranda voluptas?  
 Hic qui se riguo senior Gargettius horto  
 Iactat, & ignauo Cœlestes claudit olympos,  
 Veridicum mole hac scitum velut ariete quassat.  
 Romulei Vates quoties vir fascibus auctus,  
 Aut Sophia antistans, celerata morte periret,  
 Nullos esse deos clamabant. Naso Tibullum  
 Ignibus impositum cum cerneret, illicò tales  
 (Cognita res vulgo) diffudit in aëra voces.  
 Palpum caluitio dum blanda laude Neronis  
 Bilbicus vates obtrudit, Principe saluo  
 Esse deos credit. Sic cum prope Tyburis arces  
 Impete præcipiti sublimia tecta ruiſſent,  
 Sęuq; vitasset discrimina magnus amicus,  
 Orbis tutelam Marcus pia Numina adorat,  
 Horridono sed si lapsu foret obrutus, anceps  
 Ipse foret, vel differrent conuitia Olympum,  
 Delitię populi, dignus traducere vitam  
 In senium, spes imperij Germanicus vna,  
 Plantina immani scelere, infandaq; Tyranni  
 Fraude obijt; quod cum vulgasset fama per urbem,  
 Thurificas diuorum aras plebs Romula fregit,  
 Sub-

Submouitque lares, maledictaq; iecit in æthram.  
Odrysiæ lumen Lunæ se carcere cœco  
Occulere optauit, cum corda ferocia gestans  
Osmanus duriq; trahens fera munera Martis,  
Perfidia perijt gentis, quæ nescia belli  
Mustafam imposuit solio, plenumq; pauoris  
Induperatorem læto diademate cinxit.  
Bistria compleras Macedum fortissime ductor  
Lustra, gelu lymphæ, dextræ libamen amicæ,  
Cum tua in æternam detrussit lumina noctem.  
Gemnanti Anchises in prato deflet alumnum  
Dardanię columnen Romæ, nisi dona negasset  
Esse rata ætherei Iouis irreuocabile verbum,  
Hinc violas, & narcissos, & lilia plenis  
Commiscet calathis, & fletu mœstus oborto  
Non audituros compellat carmine Manes.  
Quam felix Auguste fores, numeroq; beatus  
Innumero, nisi quos sceptro duo germina Agrippe  
Spes etat euehere, abreptos florente iuuenta  
Luxisses, hilarans vxoris liuida vota.  
Infandi sceleris vindex, cui diues Idume  
Arbustum omne dedit palmarum, stamina vitæ  
Abscindi multum queritur, plagulisq; remotis  
Lecticæ, aspiciens cœlum; nil tale merenti  
Ante diem, exclamat, Superi subducitis annos.

Quid



206 *Paganini Gaudentij I C.*

Quid mage compositum fieri, diciq; Seuero  
 Debuit, aut potuit, post magni fata Catonis,  
 Post Curium, sanctumq; Numam è tamè ante Tyranni  
 Ora probus cecidit Iuuenis, fusoq; cruore  
 Ceu sacra placavit furiosas victima turmas.  
 Pannoniam scidit in partes malesuada cupido  
 Regnandi, postquam is, cui vix lanugo tegebat  
 Purpureas malas se fœda vligine turpem  
 Vidit, & ingemuit Solimanni vrgente furore.  
 Viuida Iacobi proles mittebat in omnes  
 Europæ partes animum, nunc proxima crudos  
 Gallia vertebat stimulos, victrixq; Caletos  
 Ostentans, nimio belli accendebat amore.  
 Hinc noua vicini suadebant fœdera Belgæ,  
 Sic parituras Gades, Calpenq; Abylamq;  
 Et Tarteſſiacos, solis stabula inclyta, fines.  
 Æstuat Henricus voluens audacia cœpta.  
 Mox læuas in fila manus trux inijcit ira  
 Parcarum, & cupidis telam conatibus aufert.  
 Quid memorem Caroli cineres, cui Regis Iberi  
 Germano inferias soluerunt flebile munus  
 Centum vrbes centum regna. heu miseranda parentis,  
 Si super ipse foret, species, pietasq; Philippi.  
 Tuq. adeò Leopoldæ iaces, frustra. iacentem  
 Oeni auctæ inclamant vndæ, licet effera, Sueci,  
 Pectus.

Pectora pertinent latè loca, Lindauioq;  
Immineant, Cellamq; regant, Boiosq. laceffant :  
Tu tamen obductus fufci velamine lethi  
Non potes hostiles campo depeilere turmas.  
Laffatus fed lector, ohe, nunc ingerit ingens  
Ne tumeat carmen, quali se mole trahebat  
Cæfaris Anticato, aut Scriptorum Cyclica charta.  
Siue hominem fatum florenti subtrahat auo,  
Seu Pylij tria secla senis transmittere donet.  
Ad tumulum à cunis licet infans lumine cassus  
Hinc abeat, medij viuax seu temporis ætas  
Cæcæ lethifera mortis defecerit vmbra,  
Rem tanti Sophie haud facit, vt quis palleat expers  
Somni, oculis terram figat, trutinetq; labello  
Democriti tremulum risum, lacsymasq; Heracliti.  
Grande Sophos, repetamus, ait lex lucida veri.  
Nam foliorum instar veniunt in luminis auras  
Mortales, Smyrna Clio si fonte perenni  
Perspicuos fundit riuos. discrimine nullo  
Funera densantur tranquilli ad fluminis vndas.  
Mors foribus dextram impingit, seu paupere tecto  
Et casula dormit Codrus, seu fulgor ab auro  
Atria perstringit Regis, quem mille tuentur  
Armigeri, & stipant procures, sanctusq; Senatus.  
Ergò quidam nostris qui iam sermonibus aurem  
Apta-



Aprasti, sic viue hodie quasi crastina summam  
Sit latura dies lucem; sic læta vicissim  
'Tempora dinumera, quasi nunquam turbidus ordo  
Funereum extincto sit compositurus acerum.



## IN MAGNAS TRIREMES

ETRVSCAS.

## IN MAGNAM TRIREMEM

*primum emissam.*

**A**bstulit exiguum phryxei velleris aurum,  
 Arietis exuias, Argo, cui sylua Tonantis  
 Fatidicam aggeffit tabulam, quercumque loquacem.  
 Quam tenuis labor hic fuit, eripuisse Tyranno  
 Colchorum, pellem pendentem è vertice templi,  
 Quod Gradiue pater tibi Thracia rite sacrarat.  
 Clara tamen nauis cursu feliciter acto,  
 Quæ luuenem Æsonium duxit, prolemq; Deorum,  
 Altrifero tandem iussa est confidere olympos.  
 Dij maris Etrusci, atq; Deæ Nereides omnes  
 Certatim vndifono ceruicem extollite ponto.  
 Maius opus magni molitur Regia cura  
 FERNANDI, quo non præstantior extitit vllus  
 Inter Mediceos Reges, queis paruit Arnus.  
 Olli Appenninus decreuit frondibus, ingens  
 In tabulas dum puppis abit, dum vela parantur  
 Attulit excultum generosa Bataua linum.

Dd Oqua-



210 *Paganini Gaudentij I. G.*

O qualis tibi, quæ superas molimine cunctas,  
 Ambracij ex spolijs portus nunc præda paratur  
 Auspice Neptuno, Neptutineq; secunda.  
 Ac iam dum vada falsa leui percurrere gressu  
 Incipis, horrescunt famuli, trepidiq; morantur,  
 Si stupet Odrysius concusso pectore prædo.  
 Hinc postquam, generosa ratis, te diuite gaza  
 Extuleris celebrem, trepidosq; fugaueris hostes,  
 Aucto stellarum numero, clarabis olympum  
 Lumine, nimbosus, cui se subducatur Orion.  
 Ambiguum verò est spatium, quod nobilis ordo  
 Apparat. an iam se doctæ structura Mineruæ  
 Contrahit, ut sociam communi fidere ditet?  
 An, quæ multifido iactat se Iupiter astro,  
 Splendebis, radijs Diuorum auctura parentem?

*ALIVD IN EANDEM*

**I**N mare dum transis fortunatissima puppis,  
 Vnanimi flantes tibi ventos Æolus aura  
 Destinat: at cantum Sirenum Oeagrius Orpheus  
 Eleuat, & tuta nautas præteruehit aure.  
 Horribilem in Thraces Gradus concipit iram,  
 Dum parat Odrysius non vna clade Tiranno  
 Perniciem, & palmas funestat, flebile quondam.

Exi-

Exitium Europæ, & pulchræ fata horrida Cypri.  
Lætam Amphitrite diffuso lumine frõntem  
Porrigit, & pressò componit gurgite Nereus  
Horrifones stuctus. quin tu Neptune tridentem  
Inijcis, atq; vñdas placidus toto equore sternis.  
Magna sinum Thetis deducit. mater Amorum  
Dijs ponti Etrusci iucundos excitat ignes.  
Magnetem ex argente polo vicinior vrsa  
Ambit, & ingentes vaga clarat Cinthia noctes.

## IN SOCIAS TRIREMES

*VENETO MORE CONSTRUCTAS.*

**P**atres potentes Adriæ, Triremium  
Excogitauerunt opus  
Inuisum Auis, imò Latinæ, & Atticæ  
Incognitum solertiæ.  
Id mole grandi in alta fertur æquora,  
Et obuias puppes premit,  
Pinusq; dissipat minutas, vt fores  
Impactus aries deiicit.  
Fugam capeffit ilicet Maurus rapax  
Si forte in illas incidat,  
Pauidas biremes subtrahit certamini,  
Pugnæq; iniquæ carbasa.

Dd 2 Id



212 *Paganini Gaudentij I.C.*

Id Leucadis sinus loquetur posteris,  
 Dum fida charta erit super.  
 Narrans Selimi cladem, & obductam Thetin  
 Vndante Thracum sanguine.  
 Venierius nunquam filendus seculis,  
 Aeterna quæ sol proferet,  
 Classem Tyranni terruit triremibus,  
 Quarum æmulatur gloriam  
 Nunc FERDINANDVS Rex Etruscæ Regiæ,  
 Marisq. Tyrrheni arbiter.  
 In hanc diem non viderat Nereus Ligus  
 Id nauium bellax genus.  
 Maiora sed parentibus Dux inclytus  
 Molitus inuicta manu,  
 Voto est potitus, militaribus viris  
 Pinus regendas tradidit,  
 Toto vt latrones persequantur equore,  
 Minois vt quondam rates  
 Nautis pericla depulerunt impigris,  
 Dextro gemello Castoris,  
 Tuti profundam vt Amphitriten current  
 Metu procul piratico.

DE

*Charta Palantes.* 213  
**DE PROPUGNACVLIS**  
*Liburnicis.*

**T**Emporis obscuri quid non rapit inuidus ordo?  
Quid non senectus deterit?  
Intereunt vrbes, moriuntur regna, diuq;  
Durare quicquam fors vetat.  
Inclyta Troia fuit, fuit vrbs Argiua, Micene,  
Vrbs Cecropis potens fuit.  
Attamen antiqui sedes memoranda Liburni  
Hodieq. felix est super.  
Quin magis, atq. magis decus auget, & æthera pulsat  
Fama superbi nominis.  
Olli FERNANDVS, celebri cognomine primus,  
Excelsa propugnacula  
Extulit, & portum valida circumdedit arce  
Crebraq. turri muniit.  
Vndiq. sepositis concurrunt finibus orbis  
Salum secantes nauitæ.  
Huc Pœnus properat, Maurusq., sagaxq. Britannus,  
Batauisq. terror Gadium.  
Non absunt Arabes, non Nili potor amæni,  
Moschos & hic fas cernere est.  
Omnes structuram hanc, opus immortale Mineræ,  
Stupent, & auctorem vehunt,

Lau-



214 *Paganini Gaudentij I C.*

Laude. nec interea FERNANDI facta SECVNDI

Taciti silent; quin inquit

Iam prope nomen Aui magno gaudere Nepoti

Primum locum concedere.

SFORTIAE PALLAVICINO

MARCHIONI.

*Referendario vtriusque Signaturæ.*



I quæris quid agat Gaudentius, ille tuorum

E numero quondã, cū se mens conscia recti

Veridico poterat præsens sermone tueri.

Nunc tanti si forte tibi est, vt scire labores

Quas animo curas verset, quid pectore voluat,

Queis studijs vitam traducat tempore diro,

Quo nos tabificis fatum circumstrepit alis,

Audi, in composito quæ narrat Epistola tractu.

Mane nouo quando rupere silentia galli,

Et vix dum fulget roseis aurora quadrigis,

Mollibus è stratis fuga. me rapit illico somni.

Siccine torperem, exanimis ceu pondera terræ?

Hinc ad sideream sedem, flammantia templa

Protendo palmas, & magnum Numen adoro.

Dein veneror te Diua parens, Iesseia virgo,

Qua

Qua Duce, quæ labis monumenta dolenda manebant,  
Protinus exciderunt, referataq. Regia cœli est.  
Si precibus mora longa foret, voti obuius ordo  
Simplicitas, qualem mundi melioris origo  
Indidit, & tractus terrarum fudit in omnes.  
Mens bona, fas animi, corpus sibi robore constans.  
Non nimium res arcta domi, nec diuite censu  
Surgere. Cœlicolas puris hæc ambio verbis.  
Addo (nam meruit de me,) lætissima semper  
PALLAVICINORVM Procerum ferat omina virtus.  
Hinc fero continuò gressus, quâ lecta supellex  
Librorum trahit ad doctæ sacraria sedis.  
Dum cupidos oculorum orbis circumfero, & omnem  
Partem vrgere lubet per tot discrimina veri,  
Si quid forte mihi se de meliore metallo  
Obtulerit, calamum inuado, quâ sepiâ lento  
Nigra humore solet nitidam signare papyrum.  
Hic mensæ innixus, duplici suspendere lance  
Dicta virum soleo, nec ceu pars muta senatus  
Quò video se ferre alios, properanter anhelò.  
Addico nulli iurans mea puncta magistro.  
Quid ratio admittat, rimor, quid regula sensus  
Regula, quæ si falsa foret, motura cachinnos  
Difflueret sophie, nisi quâ cœlestia iussa,  
Quæ pleni quondam cecinerunt Numine Vates,  
Hu-



Humanæ injiciunt suauissima vincula menti.  
 Hæc est libertas, quam Pòrticus illita medis,  
 Umbriferæq. Academiæ largitur Alumnis  
 Conditor, ætherijs dum chartis lustrat Athenas.  
 Ponere fas cuiq. est trutinam, librareq. pondus,  
 Cura etiam examen vigili deprendere fallax.  
 Postquam doctarum allectum dulcedine rerum  
 Quattuor horarum lapsu clepsydra sefellit,  
 Procedo, rectaq; pepes fero ad vrbis amœnum  
 Alphææ spatium, quâ flauus labitur Arnus.  
 Sed quò scribendi excurrit dulcissimus error?  
 Tollo manum è tabula, ne longa ambage morari  
 Te videar, qui nil nisi magna negotia tractas.

*DE ALEX. MARCH. PALL AVICINO.**Sfortiæ Patre.*

**M**agnanimum ingenium, constans prudentia,  
 rerum  
 Vfus, ALEXANDRI plurima sunt decora.  
 Vnum præ reliquis referent monumenta Virorum,  
 Hoc Patre cum dicent Sfortiadem esse satum.

AD

AD IOHANN. CIAMPOLVM  
*Vrbani VIII. ab Epistolis.*

**C**iampole Gaudenti resonat tibi litterā, salue.  
 Si tamē hoc nondū per longa silentia nomen  
 Excidit, & memori dignāris mentē Clētē.  
 Nos trahimus trepidi fera per contagia vitam,  
 Quottidieq; nouos mortis spectare triumphos  
 Cogimur, & molli suspiria ducere corde.  
 Obliti quandoq; tamen miserabile vulgus,  
 Funeream obliti pompam, currumq; timendum,  
 Inferimus scriptis, olim quē forte supersint,  
 Pallauicinorum fasces, & fortia facta.  
 Dirceos canimus numeros, tua plectra, lyramq;  
 Pindarus altiloquo Tuscus quam percutis ore.  
 Nec minus optamus mentis diuina reperta  
 Per populos latē volitent, meritura coronæ,  
 Vnde prius nullum sophie velaui, honores.  
 Pars utinam tandem cupidas referantur ad aures.  
 Aut folijs mandata fidelibus, ire per ora,  
 Ire queant doctorū hominū, quō commoda poscunt.  
 Plurima subducit diffusa obliuio fluxis  
 Sensibus, & fugiunt ceu tela volucra verba.  
 Vt votis faueas iustis placidissimus Arnus

E c

Te ro-



218 *Paganini Gaudenti j. C.*

Te rogat, inq; preces confurgunt Tybridis vnde,  
Externis nunquam solite sacra dona negare.

*DE SFORTIA MARCHIONE*

*Pallaucino.*

**A** Onijs lymphis dum SFORTIA proluit ora,  
Et vario ludens certamine Palladis artes  
Tractauit, magnum potuit Florentia PICVM  
Cui Roma tuo dubia componere palma.  
Nunc postquam templum Aстреæ responsa daturus  
Pallaucinus adit; victus Mirandula docti  
Offert SFORTIADAE gemmantia scepra senatus.

*De Eodem.*

**A** Vsoniæ vertex, colles gaudete latini,  
Tuq; pater Tybri lætius agmen age.  
Sulpitios veteres, consummatosq; Catones  
Æquat, dum legum SFORTIA iura refert.

DE

## DE IVLIANO ARCHIEPISCOPO

PISARVM, SARDINIÆ,  
& Corsicæ Primate.

## ET DE IOHANNÉ MARCH-

SANCTI ANGELI.

RAPHAELIS MEDICIS FILIIS,

*Fratribus Germanis.*

**E** licet extremo in senio mors nescia flecti  
Abstulerit RAPHAEL, & corpus lumine cassū  
Terra tegat, Floræ quæ labitur Arnus ad  
urbem;

Non illo tamen vt cineres, sic nominis instar  
Æterni tumulo potuit componere Parca.  
Quin tua magniloquo magis ac magis inclyta crescit  
Fama sono. nunc immortalī laude decorus  
Interes Etruscis populis, & secula vincis.  
Dum qui te referunt, sanguis tuus, & tua proles  
Per gentes latè dant facta, ingentia facta,  
Flammigeriq; micant ceu splendida tela diei.  
Tabificum nuper cum Pisis horrida morbum

E c 2 Eu-



220 *Paganini Gaudentij I C.*

Eumenis incuteret, trucidis inclemētia fati,  
 Et letum tristi premeret vestigia curru,  
 Quis cladem est Heros, ausus se sistere contra?  
 Quis voluit tantis caput obiectare periclis?  
 Scilicet inuicto Præsul succensus amore,  
 Munusculum imposuit pietas cui **I V L I A** nomen,  
 Præproperè accurrens, aurum auxiliare cateruæ  
 Ingeffit trepidæ, & vitæ spem reddidit ægris.  
 Aspicias hæc **RAPHAEL**, celsoq; receptus Olympo,  
 Magnanimus frangit dum Natus spicula Pluti,  
 Elogij viridem gaudes tibi surgere laurum.  
 Illinc dum Martem impavidus labentibus annis  
 Ter decies sequitur per tot discrimina belli,  
 Cassida componens gratam **FILIVS ALTER**,  
 Tot numeras acies, queis se tulit obuius hosti.  
 Amphitheatralem cupido dedit alea prima  
 Ostendam Iuveni. quot ferri glandibus hausit  
 Area parua Duces, dum Nereus vndiq; fusis  
 Fluctibus insurgit, Batauosq; tuetur in vndis?  
 Auriacam sedem, cui quondam callidus hostis  
 Illusæ obrepfit deducti cespitis arte,  
**S P I N V L A** cum cuperet vallo circundare Bredam,  
 Huic fido exprompsit tantarum pondera rerum.  
 Cumq; sub oeciduum spatium, regione profectus  
 Optata, iussu Regis properaret Iberi,

Insu-

Insubricis signis Cafalis iturus ad arcem,  
Te comitem acciuit turmis decus addite MEDDIX.  
Quod si vera solent præfagia fundere vates,  
SPINVLA venturo quoties narrabitur æuo,  
MEDDICE VM simul extollent monumēta Nepotū.

## EPIDAVRIVS PLANCTVS.

*In obitum integerrimi, nobilissimiq; Viri Thomæ Cellesij,  
Archiepiscopi Ragusini.*

*Hexametrum Carmen*

**E** Greginm pietatis opus CELLESIVS Heros  
Concipit, & FRATRI sublimi mole sepulcrum  
Pontifici educit, qui cum virtute micaret,  
Doctrina, eloquioq; potens, sanctoq; recessu,  
Morte immatura occubuit, terraq; reliquit.  
Præfulis excessu generosa Liburnia luget,  
Tristitiæq; modo funebri agitantur Epidæ,  
Seu veteris malint Epidauri nomine dici.  
Siccine (conclamant) discessit littore noto  
Præses, vt antiquos viduaret Patre colonos?  
Siccine dilectos natos probitate paterna  
Destituet deinceps Antistes? Siccine Tuscas  
Inuisit cupidus sedes, patriosq; penates,

Tri-



Tristifico vt pressus morbo, palloreq; languens  
 Concideret, nostra non vltra adeundus in vrbe?  
 Illa dies lugenda venit, nigroq; notanda  
 Prodigio, illuni quæ exceptit lumina nocte,  
 Eximiumq; virum letali funere merfit.  
 Vos quæ prospicitis maria, & Neptunia regna  
 Nereides Nymphæ lacrimabile dicite carmen,  
 Dicite, & Oceanum mœstis implete querelis.  
 Ipsa Amphitrite fluitantia pectora plangat,  
 Increpitet fluctus vlulatu, fundat ab ore  
 Luctificum melos, atq. vndas caligine mergat:  
 Nam quæ spondebat fore propria gaudia cœlum,  
 Queis celeri reducem puppi exciperemus ouantes,  
 Ingentem meritis THOMAM, priscoq; nitentem  
 Sanguine, in æternum mœrorem merfa videre  
 Cogimur, vt molli suspiria corde recurrant.  
 Heu fallacem hominum mentem, fallacia vota,  
 Molimenq. spei fallax. stant luce maligna  
 Obruta fatorum scita, expectataq. fama.  
 Ecce incredibilis nuper delapsus ad aures  
 Sermo omnem Italiam attonitam tenet. ille per orbē  
 Militiæ rutila face prodigialiter auctus  
 Valstenius, qui tot legionum robore fretus  
 Cimbrorum Regem victum felicibus armis  
 Egerat ad latebras, qui prisca sede Cheruscos,  
 Saxo-

Saxonas illustres, patrio submouerat Albi,  
Et qui Pannoniæ regno victricia tela  
Intulerat, Gaborem vt iurati vertice montis  
Deijceret, cuius rapidis se Sueuia iussis  
Subdiderat, Rhæti fuerant cui cedere visi,  
Alpinis tuti claustris. adituq; timendi:  
Hic ipse (ò seriem immutatam) Cæsaris ira  
Præpropera pressus, curaq. agitatus Ibera  
Gordoni cecidit dextra, cæsusq. bipenni  
Singultantem animam tragico exhalauit hiatu,  
Scilicet ex ima qui se tellure leuatum  
Munere Fortunæ videt ad fastigia sceptri,  
Æqua mente nequit tot honorum ferre nitelam,  
Commodaq. auspiciūq. armorum, & regia dicta,  
Innocuos premit, indulget furialibus iris,  
Induperatorem, cui credita summa potestas,  
Aspicit obliquis oculis, se milite munit,  
Regales ostentat opes, iurare Tribunos  
In sua verba iubet, seq. auspice spernere leges.  
Heu miserum, infaustumq. animi, cui faua merenti  
Exitium Nemesis parat, ireq. protinus, ire  
Præcipitem cogit, stygiaq. recondier vmbra,  
Trux vbi Minos, & Æacus, & Rhadamantus  
Supplicia intentant fonti, torquentq; scelestum,  
Qui tot apud superos cæco dedit impete clades.

Fatum



224 *Paganini Gaudentiij I. C.*

Fatum aliud, longèq. alius manet exitus olim  
Iustitia insignes homines, qui iura dedere,  
Vel tulerunt casti Diuorum sacra per vrbes,  
Et genus humanum docuere arcana Tonantis.  
Hos postquam cursu, quem dat natura, peracto  
Destituit vita, e mortali corpore numen  
Euocat, atq; animam rutilanti in sede reponit.  
Talis (quis dubitet?) redimitus fronde coronæ  
Pontifici patuit cælestis Regia THOMÆ,  
Omnesq; indigeti affulserunt ætheris ignes.

*DE CARDINALATV AVGVSTINI*

*Oreggij.*

**D**VM te purpureo circundat vestis, OREGGI,  
Vellere & Aeneadū varius ferit athera plausus,  
Clio refert Patres, quos idem fulgor ab ostro  
Historiæ meritis annalibus intulit olim,  
Atq. perennantis lustravit frondis honore.  
Nam si vera lubet docta ratione fateri,  
Inq. animi mentem dimittere mystica dicta:  
Hos rutili radios decoris sibi vindicat alma  
Templorum præses Pietas, quæ numinis acta  
Pandit, & astriferi secreta recludit Olympi.  
Est aliquid Themidis dubios dissoluere nodos,  
Et

Et Masuri ancipitem contingere luce Rubricam,  
Ingerere, hoc paret, sed non liquet illud, & hastam  
Lurconis Nattæ domui præfigere, & agris,  
Expers laudis opus non ausit dicere censor.  
Est quoq. qui numos miretur, queis sibi conflat  
Officia, & fasces Messalæ notâ propago.  
Exerto Cameram digito dum splendida monstrat  
Curia, nec semper votum transmittit inane.  
Suspirati alios consistere vertice montis  
Efficiat solium, Regumq. verenda potestas,  
Dum prece Pontificem expugnat, stringitq. fauorē.  
Fax quoq. Fortunæ successus prosperet illos,  
Quos humile obsequium donat, quos longa ministrat  
Annorum series, & pressa labore senectus.  
Longè alios Cælum dimittit sideris ignes  
Æthereiq. diem fasti meliore lapillo  
Cœlituum narrant aulæ, solemq. fatigant,  
Quadrupedum fretum hinnitu, flammanteq. curru,  
Sacrorum interpres quoties, veriq. Magistra  
Religio, Errorum domitrix, extollit alumnos,  
Et doctas redimit frontes florente corona.  
Scilicet hoc poscit pallor, dum pellere somnum  
Cura sequax suadet, Sophiæq. incendit amore.  
Præmia nox capiat chartis vigilata volutis,  
Dum bona pars Procerum congesti ridet oliui

Ff Sol-



226 *Paganini Gaudentij I.C.*

Sollicitas horas, inq. aurem stertit vtramq.  
 Dum Titan penetret rimas, flagretq. calore.  
 Ergo operis duri discrimine concita virtus  
 Ignavi generis gentem tabescere cernat,  
 Magnus si Mystes, cui nunc Capitolia parent,  
 Postibus ignaros pellat, iubeatq. micare  
 Inter Romulei fulgentia signa senatus  
 Egregios homines, quos otia temnere vulgi  
 Iuuit, & assidua versare volumina dextra.  
 Talem te AVGVSTINE, pijs complectitur vlnis  
 Roma Deum sedes, talem te suscipit ingens  
 Gloria, & Urbano persoluit carmine grates.  
 At vero Vranie, è Regno delapsa Tonantis,  
 Pierio celebrat felicia tempora versu,  
 Hesperiaæ quæ te tam docta mente tulerunt.

BO.

## BONA VERBA.

Carmen.

AD SFORTIAM PALLAVICINVM

Urbeueti Præsidentem.

Anno M. DC. XXXIII.

**F**rustrà à se peti versus in die solemni, nam Romam  
mittere carmina, esse idem quod noctuas ferre Athe-  
ras. in eam rem plura proferuntur. laudantur Academici  
Humoristæ.



Vàm cuperem Patri Urbano, dum ingres-  
sus ad aras  
Festa sui repetit regni, bona dicere verba,  
Totaque ab Aonio deducere Numina  
colle,

Quæ Clarium intentant æstrum, doctoque furore  
Correptum extollunt animum, ut dediscat habenas,  
Queis agitur stupor, & vulgus lentatur inane.  
Sed cello in folio, & fulgenti sede repostus,  
Vnde mare, & terras, atq. aurea prospicit astra,  
Imperij custos magni, cur lumina nostras  
Flecteret ad nugas, leuibusq. impenderet horis  
Tempus ab occiduo nunquam reparabile lapsu?

F f 2 Ille



228 *Paganini Gaudentij I.C.*

Ille regit populos, & Palladis arbore miti  
 Ausonas exhilarat; sine angustare recuset  
 Adria fluctisonos fines, siue atra fauilla  
 Allobroge irato, in Ligures non euomat ignem,  
 Nec se plus nimio Ferrati Montis in arce  
 Francigena obfirmet miles, dum Martia pressam  
 Agmina in Alsatiam Ferius collustrat itura.  
 Consilia hæc decorent sceptrum, quod Romula rupes,  
 Rupes præcipitem nunquam sensura ruina,  
 Urbanæ ætherium dextræ gestamen adorat.  
 Nos Regnatoris glomerata negotia, curas  
 Non interstrepimus versu, lusuq; canoro.  
 Sitamen in carmen sit sollicitanda Camœna,  
 (Namq; operi dignam stipat Thymbræus Apollo  
 Materiem) quis ego, vt tantum concedere pondus  
 Ausim debilibus scapulis? non viribus iisdem  
 Si me finisset Titan, queis tempore Vatis  
 Capti oculis homines proceros terra gerebat,  
 Ingentem flexa molem ceruice subirem.  
 Nam moto haud aliter se splene cachinno cieret  
 Spectator, quàm si sponderet Pumilo saxum  
 Tollere, quod Telamone satus vibrauit in hostem.  
 Est opus, vt triuium ignoret, sanctoq; profanam  
 Limine submoueat plebem, si Pieris aures  
 Pontificis mulcere velit dulcedine cantus.

*Ipsè*

Ipse opifex resonò si quando pectine chordas  
 Impellit, Dircenq. Heliconis temperat vndis.  
 AEgeriæ nemus ad veteres confurgit honores,  
 Et gressum accelerant Albano è vertice Diuæ,  
 Quæ cupidos quondam conclamauiere Quirites,  
 Cum Latia Græcos æquauit Horatius artè.  
 Non me vana fides, ceu falsa insomnia, ludit,  
 Si tunc magnam animam Deus æthere dimisisset,  
 Cum Dux AEmonius, Minyæq., Argiua iuuentus,  
 Sunt ausi AEgeona leui percurrere quercu,  
 Hunc præ Bistonio Heroës cantore vocassent,  
 Incolumi vt puppi scopulos euadere possent,  
 Exitio dulci quos fecerat ossibus albos,  
 Tergeminam fraudem connectens virgo Sicana.  
 Ergo quæ chartæ dictata palustris arundo  
 Illinit, hærebunt lanci, examenq. laceffent  
 Illius, æquo animo, quem ferret Delia lima  
 Cenforè, aut Sulmo, & Manto, Colophonq. Rhodusq.  
 Quod si me gratum non ignoraret alumnum  
 Cyrrha triumphali caput implicitura corolla,  
 Frustra Dardaniæ Phœbeos, SFORTIA, Romæ,  
 Offerrem numeros. Tot non alit vnda Caystri  
 Herbofo cygnos fluuio, quot Tybride lympha  
 Nutriti fundunt Vates durable carmen.  
 Aspice, vt agglomerata cohors, densusq. virorum

Cœ-



Coetus anhelanti gressu concurrat ad ædes  
Marmoreas Mancini, alacerq; sedilibus instet;  
Sublimi quoties lecturus sede poeta  
Spectantum in sese flagrantia lumina vertit.  
Non aliter quando atheria è regione comata  
Stella micat, lucemq. nouam dimittit olympos,  
Certatim è stratis pueriq. nurusq. patresq.  
Somniferam obliti requiem, procurrare certant,  
Visuri igniuomos radios mirabilis astri.  
Aera suspiciunt, & se ceruice supinant  
Immota, multumq. stupent, hærentq. silentes.  
Lectoris docta auditor sic ora tuetur.  
At postquam è cathedra surrexerit, atq. peracto  
Attigerit metam spatio, quisque ordine longo  
Aut elegos recitat, vel Tuscis legibus aptum  
Ponit opus. multos Musea frequentia vero  
Euehit ad Diuos plausu, quem non leuis Eurus  
Vt nubem, aut aget vt fluctum Nereia Thetis.  
Si iuga Romulei saxi tot ditato lorum  
Copia, qui penna solui metuente profundi  
Peruolitant cœli latè loca, & omnia complent  
Mellifluo cantu, non me prudentia rerum  
Impulerit voces cumulare audacibus orsis.  
Quis non iuraret mentem perijisse ferenti  
Nereidum ad liquidas Acheloia pocula sedes?

Mu-

Munera saxoso quis det Bacchea Cianto?  
Stultitiæ est passus famam, qui floribus illis,  
Quos Veneris peperit sanguis, cum fletet Adonin,  
Luxuriantis opes Pæsti exaugere putauit.  
Dixerit insanum nautam furiosus Orestes,  
Si videat pinum trahere, & dare carbasa flabris,  
Vt gemmas sinui importet, quem clarat Erythra  
Nomine Regali. Quis Eoæ cynamama genti,  
Et thura exhibeat Nabathæo, vt odore vaporet  
Coelicalarum aras, queis se Panchaia iactat?  
Virginis Ægisonæ volucrem gens Cecropis olim  
Nutrihat studio ingenti, præfaga volando  
Nam latum dedit auspicium, cum Persica victa est  
Classis, qua Nereus Salaminis littora pulsat.  
In facies concisum aurum massasq; minutas  
Hinc signabat auis, cum pars obuerfa Mine ruam  
Præferret. quis tunc Graia nouisset in vrbe  
Noctiuagarum auium numerum? rem turba notauit.  
Nam quoties hominis maledoctas sibilat artes,  
Ad loca cui libeat venales mittere merces,  
Magnus vbi illarum prouentus commoda damnis  
Mutat. noctis, ait, traducitur ales Athenas.  
Hybla peregrinum mel dedignatur: Hymettus  
Flauentem è sicula ceram non accipit hybla.  
Molli myrrham Arabi ex Europa nemo reponat,

illi



Illi ni myrrhata exhauriuerē cerebrum,  
 Indideruntq; stuporem animo; ceu secla vetusta  
 Consueuere reos, quibus impendebat acerbi  
 Supplicium lethi, medicato fallere potu.  
 Dixeri id, palmas si quis conquirit, Idumæ  
 Quas referat, si quis ludææ balsama donet,  
 Balsama queis cunctos fas est decedere odores.  
 Rugosum piper Indus habet, cui militat ingens  
 Amstelis, vt terras prædiuine sole calentes  
 Eripiat Bœtis potoribus, ipsaq; tantas  
 Rhenicolis ostendet opes. Labeonis abibit  
 In mores, qui quam celeres legere carinæ,  
 Cinnamæam cassiam Goæ ingerit, atq; Malachæ.  
 Atq; hæc ludebam, tua cum me impleisset asylo  
 Littera mentem hilarans. nam quid mage, S F O R-  
 T I A, hebentes  
 Excitet ingenij vires, quam agnoscere dicta,  
 Dicta perennanti semper dignissima vita,  
 Quæt bi sacratæ referat penetrabile Mineruæ,  
 Et Clarij cortina dei, Nasamonq; Tonantis,  
 Aut Cibarorum seruans secreta Thyotes,  
 Et Druidum antistans Sophiæ, Pharijsq; recessus?

CVM

CVM SPARSVS ESSET RV MOR  
DE MORTE AVCTORIS.

Gliscente contagione Anno M.DC.XXX.

**D** Vm levis exanimem vulgi me fabula iactat ,  
Fingitur & vacuas Gaudentius ire per umbras ,  
Nos quā pulchricos tollit Florentia colles ,  
Inuidiæ rabidas voces , & tristia vota ,  
Tradimus Æoliæ per inane ferenda cateruæ .  
Sæpeque Virginei fulgentia limina templi ,  
Marmoreosq; gradus premimus, doctamq; plateā .  
Hic ubi quotidie lætos Deus excitat ignes  
Lemnius, & varium dispergit in æra murmur .  
Nam Fera , quæ Tuscas nuper vexauerat vrbes ,  
Concidit, vt monstrū quod quondā strauit Apollo .  
Hinc postquā cecidere umbræ, Pontoque ruit nox ,  
Illuc se glomerat gressus ( nam dulcis edendi  
Suadet amor ) socijs ubi splendida ianua plausum  
Duplicat , & larga ponit conuiuia mensa .  
Cumque hilares animi incaluere , effundimus iram  
In caput illorum , multo sermone morantes ,  
Queis studium effreni est mendacia spargere lingua,  
Optandoque alium manes dimittere ad imos .

G g Nam



234 *Paganini Gaudentij I. C.*

Nam veluti mergi, nisi naufraga saxa carinam  
Impulerint, fractosque arcus ad littora fluctus  
Voluerit, ingluuiem nequeunt satiasse molestant:  
Sic fila alterius nisi soluerit improba Clotho,  
Effrontes illi, quos nullo nomine signo,  
Lethæos latices, & longa obliuia sperant.

IN S. IOSEPHVM ACADEMIAE,  
quæ dicitur;

*Disiunctorum Prasidem tutelarem.*

**N**unc est filendum. Trux strepitus decet  
Gradiui Alumnos, se Geticus furor  
Clamore iactet, quando pugna  
Sanguineis manibus ferenda est.

IOSEPHË nostris addite cœtibus,  
Adsis beatæ lætitiæ dator.

Festamq. lucem dâ Camœnæ  
Doctiloqua celebrare voce.  
Illustre nobis dissidium dedit  
Nomen, sed vno pectore iungimur  
Quando tuæ laudes canendæ,  
Vnanimis socij vocamur.  
Sic Diua suadet Pax, oleam ferens

Pax,

Pax, FERDINANDO quæ redimit comas,

Dum bellicus turbogementes

Italiae populatur oras.

DVX MAGNVS vnâ munere TVSCIAM

Donat quietis. dum loca deferunt

Musæ tumultus plena, PISAS

Omne confugiunt secundo.

Gressus profanos hinc moueat procul

Discors Erynnis, Bistonium ad sinum,

Ad Thracias sedes, & ultra

Sauromatum latebras itura.

Hic Sancte PRÆSES, Sancte SENECA tibi

Sedes dicantur. Concinit hic lyra

Carmen, quod Istri potor, atq.

Vltimus excipiat Britannus.

Certamen vnum, nomine quis tuo

Se digniorem præstiterit, viget.

Certamen, immoto quod ARNVS

Lydius aspiciat fluento.

Hic ALDERANVS flos Ligurum, domus

Germen vetustæ, flammigerum iubar

Doctæ luuentæ, Phæbus alter

Nos radijs hilarat serenis.

Cui si secundus PEPOLVS it Comes,

Lux Felsinæ, pulchro reliquis præit

G g

2

Splen-



236 *Paganini Gaudentij I C.*

Splendore, nocturnos ut ignes  
Fax Triuix superat potentis  
Nec te filebo SFORTIADE, vetus  
Quem BRIPPIORVM stemma per Aufonas  
Reddit celèbrem, quiq; splendes  
Nomine SEPTALII Sodalis  
Vos quando noti suscipient lares,  
Narrate honorem, quem, meritum sibi  
Tutela DISSIDENTVM Etruscis  
Vindicat auspicijs IOSEPHVS  
GAVANTE, fandi copia quém Patrum  
Miscet cateruæ, cum Capitolium  
Sospes videbis, dic amicis,  
Quos ego plus oculis amabam,  
Quantum Poetæ ludicra fluctuum  
Incogitanti syllaba mouerit.  
Quid Regibus fiet, timendum  
Quos decus imperij laceffit?

*Aliud in eundem S. IOSEPHVM.*

**C**VM destinasset impiæ pueros neci  
Seuus Tyrannus (fama nam Regis noui  
Incusserat grauem timorem pectori)  
Summi Parentis voce missus Aliger

San-

Sanctum monet virum Iosephum in somnio  
Infantem amaro subtrahat periculo,  
Ipsumq. cum parente Diua Iesside  
Ad diutem ducat Pharum, septemflus  
Quà Nilus undas euomit Pelusias.  
Paret moræ vir nescius, tutum in locum  
Defert suæ fidei puellam creditam,  
Puerumq., Cœli quem domus Dominum colit,  
Pauensq. flexo terra adorat poplite.  
Pressus Tyrannus interim doloribus  
Quos morbus atrox intulit miserrimos,  
Inter querelas oppetit nigram diem,  
Et luridi descendit Orci ad Tartara.  
E Nuncio hoc Cœlesti vt audiuit Senex,  
Redit Paternos ad Lares, & educat  
Iesum, velut pignus foret dulcissimum.  
O te beatum millies hoc munere,  
Iosephe, dum tua in domo degit Puer,  
Nitens Olympi quem domus Dominum colit,  
Pauensq. flexo terra adorat poplite.

IN



## IN S. TORPETEM.

## PESTE DEPULSA.



ROCHVM alij stygis erepti furialibus iris  
 Carmine clarabunt, ROCHVM pro  
 munere magno  
 Patronū ante aras dicet votiua tabella.  
 Orantes alij vultus in VIRGINE figēt,  
 Atq. suæ extollent geminata voce salutis  
 Auctorem, auctorem vitæ melioris, in vnam  
 Ætheria effundent deflexo poplite vota.  
 Nos quā Pisarum medijs se moenibus infert  
 Arnus, & Etruscas leni rigat agmine glebas,  
 TORPETEM canimus: Patrum longissimus ordo  
 TORPETEM memorat, crebra facie tēpla petūtur  
 TORPETIS, cuncti grato simul ore ciere  
 Coelicolam, ante alios qui lumina flexit ad urbem  
 Stellifera è regione vices miseratus atrox.  
 Iam ruerat septem per sidera luctificus sol.  
 Nulla dies miserorum hominum sine funere abibat.  
 Serpebat violenta lues, perq. omnia latē  
 Compita, mortiferum virus spargebat eundo.  
 Non doctas adhibere artes. non gramine succos  
 Proderat expressos vario miscere paratu.

Ipsaq;

Ipsaq; Tusci olei vis tetra aconita retundens  
Sæpius indomito visa est cessisse dolori.  
Quisq; sibi metuens latebris gaudebat, & umbra.  
Aut solus quandoq. via spatatus inani  
Dulcia vitabat commercia segrege passu.  
Atria Portarum multa veniente caterua  
Pressa olim, vigili custos statione tenebat.  
Nec nisi quos certo signaret nomine charta,  
Charta notis resonans, rectum subijisse iubebat.  
Hinc multos retulisse pedem, & procul ire videres.  
Sed quoties, cuius sub pectore tetra latebat  
Horrifici tabes morbi, dum littera fallax,  
Prætinguit, rigidas dum frangit gratia leges,  
Aduena subrepens male cautis verba reponit?  
Ergo humana parum fuerat vigilantia tantis  
Luctibus, obtusumq; malo medicamen hebebat.  
Mira salus, Tuscis quam fera nepotibus ætas  
Concinet, & nullo expungent obliuia seculo,  
Diuino stetit auspicio, cum Sacra redirent,  
Annuæ Sacra, die, qua **TORPES** templa **Tonantis**  
Ingressus, nubes, & sidera cernere coepit  
Sub pedibus. fax illa nigros disiecit amictus,  
Lætæq. Pisæis diffudit lumina campis.

PRO



## PRO PACE ITALIAE

votum .



NNE erit, vt postquam toties se Pallas  
oliuæ

Præhendens ramos, feralibus intulit iris  
Conciliatricem, nos ditet pace seque-  
stra?

Magne Pater mundi, si semper lumine blando  
Aspicias Hesperiam, iubeas, mitescere Regum  
Pectora, nec nocitura Italis assuescere bella .

Hinc Batauu mouet arma, Ducis quæ sylua su-  
perbit,

Fronibus intonsis, illinc quæ cornua tollit  
Albis, Parrhasiæ meditantur prælia turmæ .

Si nostris meliore luto præcordia struxit

Militibus Titan, cur nos discordia scindit

In studia, atq. animos agitat feralis Erynnis?

In caput hæc abeant Thracum, aut qui Thracibus  
ausu

Tartareo aptantur. sed fundit inania verba,

Quisquis ad iratos componit carmine questum .

*Mor-*

## MORTALITATIS CONTEMPTUS

*Meditatio authoris; cum lenta febris de-*  
*cumberet. An. M DC XXXIII*

**H**UCC iterum afflūm lectō mē tabida cogit  
 Languere febris, & spēi  
 Si quid erat super importūno impēdere letho  
 Heu qualis est mortalium  
 Conditio, vt post tot curarum noxia tela,  
 Post tot labores, & vicēs,  
 Annorum celeri labentum turbine cedant  
 Mortis seueris legibus.  
 Sed mentis vigor ætherio delapsus Olympo,  
 Mortalitatē nescius  
 Parcarum imperium spernit, funebreque carmen.  
 Diuinus hoc clarē Platonē,  
 Socraticis tradit dictis, sophiaque redundans.  
 Sic magnus ille differit  
 Phædo, barbatus cum turbida fata Magister,  
 Haustu cicutæ nobilis  
 Pectore tranquillo foret excepturus, & arcti  
 Fracturus omne vinculum  
 Corporis. implicitam quis enim neget artubus esse  
 Ceu mancipatē carceri

Hh

In.



242 Paganini Gaudentij I C.

Infelicem animam, dum colluctata moleſtam  
 Turbam experitur ſenſuum.  
 Nunc ſtimulis odij, & vindictæ agitur acerbis,  
 Et dicta in hoſtium caput  
 Vibrat terrifico perſuſa liquore lycambes.  
 Quia intumeſcit ſollibus  
 Quos ciet ambitio, & nunquam ſatiata cupido  
 Mox tranſitura gloriæ.  
 Non ego centenis ſperarim vocibus omnes  
 Fallacias exponere  
 Queis amat humano verſuta illudere mori  
 Magiſtra falſi opinio.  
 At ſapiens ratione animum premit, & reuocat ſe  
 Ad dedicatam originem,  
 Cum ſe ſignarent veſtigia tramite recto,  
 Nec ferret in præceps viarum  
 Sordes, materiæ expurgat, moresq; beatos  
 Auidè æmulatur mentium,  
 Quæ rutilæ ſedis flammanti luce fruuntur,  
 Terramq; inanem neſciunt.  
 Illæ noſtrarum fallacia nomina rerum  
 Rident. premuntq; ſub pede  
 Obduſtas nubes, & quicquid vulgus adorat  
 Sub falſa honorum imagine  
 Sub ſpecie argenti, fuluiq; colore metalli

Pij

pij sub vmbra consilij,  
Quo nunc rem faciunt homines, quos dicere nolo.  
O seculi imperitiam.  
Quam numero pauci agnoscunt, sed tollere nemo  
Tantam aulit inficetiam.  
Quis temere insurgat, quis tollat brachia contra  
Torrentis horridum impetum.  
Sed quò vericulos rapit indignatio nostros?  
Languore proh quali premor.  
Dum dedignatur somnus me tangere virga  
Noctes tot insomnes trahit.  
Et membra huc illuc per longa silentia iacto;  
Turba Æsculapij manus  
Nequicquam medicas adhibet. depalcitur artus  
Lentus calor, lentum malum.  
Quod sensim humorem innatum delibat, ut ipsum  
Succo carens cor areat.  
Quicquid id est, scire potes lex improba fati  
Partem in caducam corporis.  
At expers mortis pars immortalis in omnem  
Casum parata despicit  
Imbelles luctus, & foemineos terrores,  
Citis itura passibus  
Quò vocat humani generis Seruator, ab orco  
Quos morte reuocauit sua.

Hh 2 De



## De fabula vite humane.

**H**ÆC vita scena est. quisque agit partes suas.  
 Hic doctus, ille indoctus, inter pauperes:  
 Hic, ille diues, paret hic, alter regit.  
 Hic plausu ad astra tollitur: sed alterum  
 Spectator explodit, notissime redit.  
 Quisque vnde venerat, vices tunc omnium  
 Aquantur, vt paria sent sceptrum & ligo.  
 Heu qualibus nos cogitationibus  
 Vexamus, vt nostram prebamus fabulam!  
 Sed fabula est, & scena ludi ludicra.  
 Quod serio si nostra mens expenderit,  
 Non scena, non hic ludus est, non fabula.  
 Spectator intuetur e coelo deus.  
 Is improbos, vafros, & ignavos male  
 Mulctat datos Plutonis obscuram in domum.  
 Virtute vera preeditis dat premia.



## AD IO: CAROLVM COPEOLAM

*Egregium Poetam.*

**I**AMA poli cultrix, proles splendentis olympi,  
 Quæ doctorum hominum foetus subducis  
 edaci  
 Temporis inuidiæ, & longum transmittis in æuum,  
 Huc ades alarum plumis pernicibus apta,  
 Huc propera, Etruscosq; modos, citharamq; sonoram,  
 Qua cupidas aures facundus Coppola mulcet,  
 Trans Phaethonteum Eridanum, montesq; niuales  
 Differ in Europam, vt Germanus, & acer Iberus,  
 Et Gallus legatore pio pia germina Pindi,  
 Queis primæ eximitur culpæ pulcherrima Virgo,  
 Virgo enixa Deum, atque Dei dulcissima cura.  
 O quali euehitur Iessæia Diua Camæna,  
 Inclyta quam claro splendet pagina versu,  
 Quam dulci surgit numero, celerique per omnem  
 Historiam excurrit passu, narratque docendo,  
 Quæ fors consilio incauto versarit Adamum,  
 Perdideritque genus foedatum ab origine prima.  
 Hinc pietas miserata homines petit æthera purum,  
 Et meliora rogat, tetrine ianua Ditis  
 Excipiat fontes, plectatque Acheronte profundo.

Nunc

Olli



246 *Paganini Gaudentij I. C.*

Olli se facilem præbet regnator Olympi,  
 Et statuit Natum celso dimittere cælo.  
 Inde Genitricem molitur, & ordine longo  
 Virgineæ accumulât formæ cœlestia dona,  
 Quæ resono potuit Vates comprehendere versu,  
 Vates, cui viridem Parnassia numina frondem  
 Imponunt, famamque iubent extendere cantu,  
 Dum FERDINANDVS, Tusci cui summa potestas  
 Imperij, facili largitur munera dextra,  
 Et residens vigili depellit pectore curas.

CAMILLI ACARISII.

EPICEDIUM.

**S**i mihi res congesta domi multiplice censu  
 Æquaret Licinij campos, immaneque vorum,  
 Romulei proceris, quo pugnax Parthe perempto,  
 Ornasti Babylona aquilis, signisque Quiritum.  
 Si mihi ventorum contemptor ferret ab Indis  
 Fulgentes auri massas, niueosque lapillos,  
 Mens foret aeriam nitido de marmore molem  
 Ponere, & in tabula nomen signare Camilli,  
 Virtutum ne illustre decus longæua vetustas  
 Ferret, & egregiam obruerent obliuia laudem.  
 Nunc

Nunc mihi quando focum lustrat secunda patella  
Ignibus assiduis, & me metitur in illis  
Propositum immodica excutens, his floribus urnam  
Aspergo, terraque leui precor ossa quiescant.

CAROLO AVGVSTINO  
Mellæ Legum Studioſo,

*Publicam habenti disputationem.*

**I**mpavidum iuuenem Germanis nomine signat  
Carolus, audaci qui cedere nesciat hosti.  
Quis nam Augustinum subtili indagine rerum  
Vicit? habet quo se Tyrriorum Punica tellus  
Iactet, & ingentem sub sidera tollat alumnus  
Romuleis Mela mella fauis hyblæa coegit,  
Lemmataque Eunomiæ sparsit dulcedine mira.  
Nominis auspicio triplici qui niteris, vrge,  
CAROLE, successus, inuenilem concute mentem,  
Ire procul tetræ taciturnæ silentia noctis,  
Ire iube nebulas, consternatumq; timorem.  
Inuidia maior sinuosa sophismata solue,  
Et veri Interpres dulces diffunde loquelas.  
Nam potes, assiduam quem iuuit voluere libros,  
Vt paræ instar apes libares aurea dicta,  
Aurea BELLONI gratum meritura fauorem.

DE



## DE MELLÆ CONATIBVS

*Ad Antonium Bellonum primum Præsidentem  
Senatus Pedemontani, Clariss. I.C.*

**M**agnanime Antoni, quo Præsides sancta per Vrbes  
Perq; Subalpinos populos dat iura Senatus,  
Hæc lege, sed mitis, rapidæque ignosce iuuentæ.  
Namq; Adolescentē hunc generosa cupido sciendi  
Egit præcipitem per tot discrimina veri,  
Per Labyrinthæas salebras, perq; auia legum!  
Cernis, vt audacter tot nomina magna laceffat.  
Vrget Hotomannum, Fabrum præmit, ipsius audeat  
Cuiaci ter magni hominis dispungere dicta.  
Quis non suspiciat mentum lanuginis exers?  
Quis non miretur iuuenis fælicia cœpta?  
Tempus erit Mellæ cum facta peritior atas  
Iudicio subiget, quæ nunc celer impetus edit.  
Si modo cœlicolæ aspirent venientibus annis,  
Atq; tuus, BELLONE, fauor pia prouehat ausa!

F I N I S.

# INDEX EORVM

Quę continentur  
IN CHARTIS PALANTIBVS.

<b>Æ</b> Sculapij Epidaurij celebritas	61.62
Arnbemius discedit ex Silesia	18
Albertus magnus laudatus 18. quę eius patria	16
Anton. Curinus nunc Auditor Fiscalis Magni Ducis laudatus	72
Amatoria carmina cur à nonnullis scribantur	151
Andreas Saluadorius laudatus	72
Alderanus Filius Principis Massę	235
Animę facultas alitrix an aliquando ferietur.	94
Aquilanus Philosophus Pisanus	101
Angelius Bargaus professor Pisis	101
Auerroes mansuetus à S. Tho. Aquin.	143
Bartholom. Gauantius Barnabita vir valde doctus	235
Cardinalatus quibus de causis ferè conferri soleat	225
Carolus Septalius Ludouici Clarif. Medici filius	235
Caroli fratris Philippi IV, Regis Hisp. mors	206
Curinorum familia laudata	136
de Campanella, eiusq; scriptis nonnulla proferuntur	148
Contagione sauiente an deceat Principem secedere, an	
Ii de-	



<i>degere in metropoli. 78. 79. &amp; seqq.</i>	
<i>Clades Merodi in Vestfalia</i>	16
<i>Cl. Salmasius vir magnus</i>	11
<i>Constantia vrbs frustrà obfessa ab Hornio Sueco</i>	20
<i>Decursio equestris exhibita Florentiæ in Nuptijs Magni Ducis describitur</i>	79
<i>Epicurei nostri temporis</i>	113
<i>de Epidauro Liburnica, Peloponnesi differitur</i>	55. 56.
57. & seqq.	
<i>Epidauriorum claritas ob templum Aesculapij</i>	59
<i>Franciscus Princeps Etruriæ moritur in castris ad Ratisponam</i>	41
<i>eius mors deploratur</i>	16
<i>Feria Dux fert suppetias Brisacæ</i>	21
<i>Familiariter quibus deceat nos vti</i>	96
<i>Fortunæ leuitas graphicè descripta</i>	14
<i>Fortunius Licetus Philosophus Bononiæ eminens</i>	73
<i>cur scripserit aduersus Castrum Lusitanum ibid.</i>	
<i>Ficini liber de immortalitate animæ qualis</i>	157
<i>Flores nascentes è tumulo</i>	192
<i>Felinus docuit Pisis</i>	101
<i>Germania antiqua qualis</i>	29
<i>Gentilium miracula an vera</i>	63. 64
<i>Germanici mors</i>	204
<i>Galilæus Galilæi insignis Philosophus Mathem.</i>	73
Hu-	

<i>Humoristæ Academici laudati.</i>	230
<i>Henrici filij Jac. Regis M. Britaniæ mors imatura</i>	206
<i>Hammelia Vrbs expugnata à Suecis</i>	16
<i>Heroica virtus describitur</i>	85.86
<i>Italia calamitas an. 1630. perstringitur</i>	45
<i>Iuuenalis expositus secus quam à Baronio</i>	7
<i>Iurisprudencia quando floruerit</i>	126.127
<i>Iacobus Bellolius laudatus</i>	145
<i>Inuidos optare aliorum mortem</i>	233.234
<i>Iohannes Medicus Marchio Sancti Angeli in obsidione Ostendana</i>	220
<i>Iulianus Medicus Archiepiscopus Pisarum qualem se præstiterit tempore pestilentia Pisæ</i>	219.220
<i>Irnerius primus interpres legum Romanarum Pisæ secundum alios Bononiæ.</i>	166.
<i>Libertas seruorum dei</i>	111
<i>Labor contra ignauos asseritur 92.93. &amp; seqq.</i>	
<i>Labor cur dictus improbus</i>	94.95
<i>Ludonicus Rex Vngariæ interemptus in prelio</i>	79
<i>Leopoldi Archiducis Austria mors</i>	206.207
<i>Leopoldi Etruriæ Principis acutum ingenium.</i>	159
<i>eiusdem Platonica Academia.</i>	159
<i>Liburnici portus propugnacula à quo constructa</i>	213
<i>Libertas in philosophando qualis esse debeat</i>	215.216
<i>Mercurialis professor Pisæ</i>	101
li 2	Me-




<i>Medici aliquot eruditi recensentur</i>	125
<i>Medici quidam Barbari perstringuntur</i>	125
<i>Matthias Princeps Etruriæ militat in Germania</i>	196
<i>M. Aurelius Galuanus nunc primarius I. C. Firmi, lau-</i>	
<i>datus</i>	49
<i>Marcelli immatura mors</i>	205
<i>Magistellorum dictata obesse adolescentibus.</i>	149
<i>Mergorum mos</i>	234
<i>Noctuas ferre Athenas prouerbiū illustratur multis</i>	
<i>similibus</i>	227
<i>Obsidio vrbium in Belgio qualis</i>	118
<i>Osmanus Turcarum Imperator frustra inuadit Polo-</i>	
<i>niam</i>	202
<i>eius mors</i>	207
<i>Obsidio Ratisponæ cur etiam luctuosa</i>	193
<i>Paradoxa Henrici de Gandauo</i>	117
<i>Peripatetici viri quinam</i>	129
<i>Principi ante omnia incumbere electionem Administro-</i>	
<i>rum</i>	133
<i>Pontremulum laudatum</i>	136
<i>S. Petrus qua lingua allocutus fuerit Romanos</i>	6
<i>Petri Pomi historia Ital.</i>	36
<i>Pontificalis liber an S. Damasi</i>	9
<i>Platonica Academia tempore Laur. Medicis</i>	156
<i>Platonis interpretes Ficinus, &amp; Serranus</i>	157
<i>Picus</i>	

<i>Picus Mirandulanus egrègius Platonicus</i>	156
<i>Platonis quædam dogmata recensentur</i>	160.161
<i>Professores celebres qui docuerunt Pisis quinam.</i>	170.
	171.
<i>Pisanorum gloria maritima.</i>	178
<i>Pisani Gymnasij gloria quanta</i>	165
<i>Pisani Pandecten inter spolia referunt</i>	166
<i>Polonorum bellum ciuile perstringitur</i>	201.202
<i>Ragusium, &amp; Ragusina Respublica</i>	59.60.61
<i>Ratisponæ antiquitates perstringuntur.</i>	30
<i>Ratisponentia comitia.</i>	33
<i>Stephanus Castrensis laudatur</i>	73
<i>Studia num renouanda gliscente pestilentia.</i>	43.44.45.
	46.
<i>Somnia valetudinis causa captata in templo AEscula-</i>	
<i>pij</i>	61.62
<i>Studia an vitam breuiorem reddant?</i>	98. 99. 100.
	101.
<i>Sfortia Pallauicinus laudatur</i>	216.218
<i>Socini professores Pisis</i>	101
<i>Sfortia Brippius</i>	235
<i>S. Thomas quantus Theologus</i>	143
<i>Tubaldus obsen, apud Valestesium</i>	19
<i>Triremes magnæ Etruscæ extolluntur</i>	209. & seqq.
<i>S. Torpeti gratia post depulsam pestilentiam</i>	238
	Veneti



<i>Veneti. inuentores magnarum trirerum</i>	211
<i>Valeſtenus cur &amp; à quo interfectus. 223. quales eius mores,</i>	223
<i>Valeſtenij expoſtulation</i>	25
<i>idem iratus Aldringero.</i>	26
<i>utitur imprudentia hoſtis in rem ſuam</i>	19
<i>Vinaria Dux cur putet ſe poſſe expugnare Ratiſponam 23. 24. expugnat urbem</i>	25

F I N I S.



255